

Der Christlich Zustand.

Von der heiligen Eheartkummen/
 wenn/wo/wie/vnnd von wam sy vf-
 gesetzt/ vnd was sy sye/ wie sy recht bezogen
 werde/was jro vrsachen frucht vnd eer: dar-
 gegen wie vneerlich die hury vnd d' Ehebruch
 sye. Vuch wie man ein kornlichen Legmabel
 erkiesen/eeliche liebe truw vnd pflicht hal-
 ten vnd meeren/vnd die kinder wol
 vnd recht vffziehen solle/durch
 Heinychen Bullingern
 Beschriben.

I E S V S.

Das ist min lieber Sun/in dem ich vers-
 sonet bin/im sind gehorig.
 Matthai XVII.

M. D. XL

Ende des Buchs R

Der Christliche

Lehrbuch

Don der heiligen Schrift
und der heiligen
Kirche
von
Johann
Christoph
Wolff
Lehrer
an
der
Hochschule
zu
Altdorf
in
Erlangen
1727

1727

Das ist ein Lehrbuch
der heiligen Schrift
und der heiligen
Kirche
von
Johann
Christoph
Wolff
Lehrer
an
der
Hochschule
zu
Altdorf
in
Erlangen
1727

3 An den Christenlichen

Läser H. Bullingers

Vorred.

Uider anderen schwäre sün-
den vnd vnuerschampten lastern
die diser letsten argen gfaarlichen
zyt/leider/träffenlich zünemend/
vnd überhand by vilen gewinnen habend/
ist nit das minst der Lebruch/mit sampt der
vnuerschampten hury/vñ allerley vnreinig-
keit in wüsten Worten vñnd vnküschden wer-
cken: Das kumpt alles da her/das die laster
nit me jren rechten namen tragend/ deßhalb
sy niemants dermassen schetzt/ wie sy aber
an jnen selbs vnd vor Gott sind. Der blütig
Todtschleger (das ich hie kein rüheren nama-
men herfür sūch) heist ein frommer redlicher
kriegsmañ. Der Wücherer heist ein Berich-
ter geschickter mañ. Truncken werden heist
ein güt schöpffe haben. Hüren ledigs mit le-
digem heist menschlicher wercken pflegen/
vnd thūn wie jung lüt die sich nit fönnind
añ himel heben. Des Lebruchs rümend sich
vil/vil trybend jren satz gspödt vnd glächter
damit. Unreine reden vßstossen vñnd wüste
grobe lieder singen heist güter sprüche vnd

güter Dingen syn. Ja an vilen orten stadtes
leider also/ das dise laster vnnnd dero glychen
Feins recht für sünd gerechnet wirt/vñ schier
kein sünd ist / onet von Gott vnd siner war-
heit reden. Dañ niemants verachtet/straafft
vnd vecht man von friegens/wücherens/hü-
rens/schweerens/liegens/ von trunckenheit
oder füllery/von wüster liederen/wortē/sp.ü-
chen vnd gepärden wägen: sagte aber einer
von Gott/schulte sölich läbē wie man es dañ
fürt/ein wüßt gottlos läben/ oder sunge von
Gott/von dem gnadenrychē handel des hei-
ligen Euangelij gmachte lieder wider falsch/
glychßnery/abgöttery vñ schand/den möch-
te man nit dulde/der wurde schnäll verräch-
net als einer der hiderb lüt schentzete vnnnd
nirwe vngehörte ding tribe. Darumb die-
wyl die laster jren rechtē namen verloren ha-
bend/vnd schand eer worden ist/so erwachst
vns die frucht daruß / das die vnreinigkeit
des schantlichen hürens vnd Eebrechens in
d wält nun ganz gemein vnd vnuerschampt
worden ist. Da nun wol etliche vß böser ge-
wonheit/etliche vß vnwüßsenheit Göttlichs
worts/allein böser gsellschaft vñ gspiltschafft
nach/doch meerteils vß lörtiger schandtlicher
bübery hürend vnd eebrechend.

Vñ die ouch die schon im Restand läbend/
vnd nit hürend vnd eebrechend/läbend doch
so iämer

so iämerlich/das jres läbens weder Gott ge-
eeret/noch sy selb desse gefröwt/oder auch
andere menschen desse gebesseret werdend.
Dannenhar flüßt dan in die ganzē gemeind
ein grausame verlestung aller ständen vnd
alles wäsens. Dann die kind die in sollichem
wüsten gewel vferzogen werdend/vnd nüt
dann vnradt gefähen habend/wenn sy auch
in die Le vnd gemeine ämpter kummend/lä-
bend sy äben wie sy es erlernet/gefähen vnd
gewonet habend/fleischlich/schantlich/wüst/
row/vnfründtlich/vnzüchtig/vnchristlich/
vnd nüt anders pflanzend sy den auch den
jren yn. Solichs kumpt nun auch dahar/dz
man nit also von der Le haltet wie man solt/
vnd das die Len übel bezogē werdend/one
Gott vnnd wider billiche recht. Vil wüßend
nit wär die Le yngesetzt hat/vnnd was die
Le ist/oder wie vnd warumb man sy bezie-
hen sol. Vil sähend nun vff das güt das sy-
rych werdind/oder das sy in groß fründt-
schafften kumind vnd anhäng machind. Vil
nemend die Le zü handen wie sust ein gmei-
nen bruch/das sy dennoch auch nach d wälte
louff thügind wie ander lüt.

Es ist wol nit minder dann das an vilen
orten Tütsches lands wider sömlichen wüßt
vnd vnradt ernstlich geprediget wirdt/das
wort aber der predig gadt nit allenthalben

hin. Dann es wöllend nit alle Fürstenthüm
Stett land vnd lüt der Euangelischen gsin
den leer statt gäben. Siewyl dan ouch das
gshriben lenger wäret vnd wyter gadt dan
das geredt/so hab ich diß Büchle vō dem heis-
lige Restand gsämlet vñ gschufftelich vßgon-
lassen / fürnemlich zū schand verkleinerung
vnd abgang aller oberzelten vnreinigkeit/zū
eer pryß vnd lob ouch zur pflanzung warer
reinigkeit/zū gutem bericht der einfaltigen
Keltüten/ vnd das die Le recht bezogen vnd
gehalten / vnd darinn nüt vß vnwüssenheit
oder böser gewonheit / oder vß mangel der
leer geirret werde/ouch das aller zucht vñnd
erbarkeit vßgange / vñ das man züchtiglich
nach dem gebott des Herren wandle. Dan
das ist der willen vnd das gebott des Her-
ren (als Paulus sagt) vnser heiligung/das
wir vns enthaltind vor büry oder vnreinig-
keit/das vnser yetlichs wüsse sin lyb zū behal-
ten in heiligung vnd eer / nit in fleischlichem
lust/wie die Heiden/die von Gott nüt wüs-
send. Vñnd hieruf wirt all vnser fürnemē-
lenden/dz rechte reinigkeit yederman trüw-
lich yngebildet vnd alle vnreinigkeit geleidet
werde. Gott verlyhe sin gnad darzū.

Der

Der Christenlich Bestand.

Von der heiligen Erhaltung vnd vrsprung/wen/wo/wie
wie vnd von wam sy vfgesetzt sye. Cap. 1.

Als vnser Herz Christus
Jesus ettlichs stuckts halben die
Er betræffend / anzogen ward/
Matth. am xix. greiff er hinder-
sich in das alte testament / vnd gab antwort
vß Mose/wie der selb gesagt das die Er ans-
fänglichlich von Gott yngesetzt wære. Siewyl
ich dann yetzund ouch von der heiligen Er
haltung vnd vrsprung/wen/wo/wie/vnd
von wam sy vfgesetzt sye/sagen wil/weiß ich
sömlichs nit füglicher dann glycher gestalt vß
dem fürtræffenlichẽ prophetẽ Gottes Mose
zü erstatten/der schrybt vnd bezügt nun also
im anderen cap. seines ersten büchs/dz Gott
Adamen den menschen gantz volkõmen er-
schaffen/in das Paradyß oder in den lustgar-
ten gesetzt/vnd bald hernach gesprochen habe/
Es ist nit güt das der mensch allein sye / ich
wil im ein gehilffen machẽ / der im zü nächst
bystande. Dann als der Herz den mann vß
der erden gestaltet/habe er im alle thier züge
fürt/dz er einem yetlichen sinen rechten nam-
men gäbe/wie es heissen solte/ ouch das er sy

Das ort
Gen. 2. ca.
von der Er
vfgesetzt.

Besichtigete: Da habe er aber vnder denen da-
len gar feins funden/ Dz im zü nächst bystin-
de/ das ist/ zü dem er ein hertz hette/ das sirs
gelych / vnnd by dem er als by einem behiff
vnd trost wonen möchte/ vnnd hieruf habe
Gott gesagt / Es ist nit güt das der mensch
allein sye / vnd deßhalb mit im selbs gerad-
schlagt dem mann ein hilff vnnd bystand zü
machen.

Die Ee vñ
Gott im
Paradyß
vffgesetzt.

In welchem fürtrag wir schon habed wo-
der Eestand vffgesetzt sye/ namlich im Para-
dyß vnd lustgarten: ouch weñ / grad in an-
fang der wält/ vor dem faal des menschen in
allem wolstand: vnd von wem er vffgesetzt
sye/ von keinem engel oder menschen/ sunder
von Gott selbs/ frylich zü gütem trost vñ Be-
hilff dem menschen. Dan diewyl Gott selbs
redt/ Es ist nit güt das der mensch allein sye/
so volgt ye das es güt sye das der mensch si-
nen Eegemabel habe. Das böß aber das vn-
derwylen in der Ee gesähen vnd befunden
wirdt/ ist nit fürnemlich von der Ee sunder
vom mißbruch der Ee/ vñ das man nit thüt
das Gott heißt/ vnd das man thün solt.

Yezund wöllend wir wyter vernemmen
wie Gott die Ee yngesetzt / vnd wie er selbs
dem Mann ein gesellen geschaffen vnd Ees
wyb zügeführt habe: so volgt im Mose / Es
ließ Gott d Herz ein schwären schlaaff fallien
wff

vff Adamen: vnnnd als er entschlaaffen was/
nam er siner rippen eins / vnnnd beschloß die
lueken mit fleisch zü/vnd Gott buwt also ein
wyb vß dem ripp das er von dem Mañ ge-
nommen hatt. Vnd der gstat hat Gott dem
Mann ein gesellen/der jm glych vnd süglich
wäre / geschaffen. Da wir aber vsachen sü-
chen söllend warum Gott das wyb vß dem
schlaaffendē vñ nit wachenden mañ/vß dem
ripp/vnd nit ouch wie vor den mann vß der
erden gestaltet habe. Dann sömlichs ouch zü
erlüterung vnsers sūrnehmens dienet.

Das wyb
geschaffen.

9

Erstlich hat er mit dem schlaaff Ade anges-
bildet den tod Christi/ vß welchem dem Her-
ren Christo ein reiner vnnnd heiliger gemahel
zübereitet wirt / durch das wasser vnd blüt:
als Paulus gsagt zun Epheseren am 5. cap.
Sömlichs heils vnnnd dero gnaden Gottes
söllend ouch die Kelüt ein verstand vñ reche-
nung habē. Demnach hat er vns zueerston
wöllen geben/ das im beziehen der Ke alle
anfächtungē schlaaffen söllend. Gottes ord-
nung achtung vnd forcht sol die Ke züsamen
fügen. So wirt das wyb genommen von
vnd vß der syten des mañs/vnd nit von der
erden/ das niemäts vermeinte er hette sinen
gmahel vß dem kaadt vßgeläsen/ sunder ge-
dächte das das wyb des manns fleisch vnd
gebein sye / vnnnd deßhalb das sin lieb hette.

Vß dem
schlaaffens
den Adam.

222
11
Doch ist sy nit vom haupt genomen. Sann
Der mann des wybs haupt vnnnd meister ist:
aber ouch nit von füssen/ dz du sy verschupf-
fist vnnnd grad nienerfür haltist/ sunder von
vnd vß der syten / als die nähend den mann
zum behilff vnd gspanen gestellt wirt. Vnd
wie das gebein des fleischs stercke ist/ also sol
der mañ des wybs stercke hilff vñ trost syn.
Darum ist sy ouch vß dem ripp od bein vnd
nit vß dem fleisch genomen vnd erschaffen.

Doch wirt dz alles in volgendem anhang
klärer volgen. Sann yetzund volgt wie Gott
dem mañ das wyb gegeben/ vnnnd wie er sy
empfangen vnd genomen habe. Gott bracht
das wyb dem Adamen/benedyete inē (als im
1. cap. vstruckt wirt) vnnnd sprach zu inen/
Fruchtbar vnd meere vñ vñ vñ vñ vñ vñ vñ
die erden. Vß welchen wortē wir ye häll ver-
stond das Gott der erste vndertrager in der
Ee gewāsen / die ersten Ee selbs zamen gā-
ben/vnd sy gebenedyete hat. Vnd so bald das
wyb Adamen zugefürt/vnd an die hand ge-
ben was/sprach er von stundan/Das wer ein
mal ein gebein von minem gebein/vñ fleisch
vō minē fleisch. Vorhin hatt Adam alle thier
vnd läbendige creaturen hieniden vfferden
beschouwet/vnd erkundiget/vnd nach yetli-
ches art einem yeden sinen besunderen na-
men gāben ; aber vnder allen thieren hatt er
kins

Adam vnd
Eua wer-
dend zamen
geben.

11
Keins funden des er gemögen vnd zu dem er
ein hertz vnd lust hette/ namlich by jm zewo-
wonen/ liebe an diß zu legen/ von jm sins gly-
chen zu gebären. Darumb man die ye billich
zum todt mit dem schür straaft/ die wider als
le menschliche art vñ natur/ mit den thieren/
vnd nit allein mit den wyberen/ der wercken
der liebe pflägend. So bald Adamen dz wyb
dar od fürgestell ward/ Beken er von stund
an das sye ein mal etwas rechtgshaftens für
jn/ des er sich hertzlich wol vermög/ die jm ge-
lieb vnnd gefall/ als die siner art sye/ sins ge-
blüts habe / ja sines fleischs vnd gebeins sye.
Dan ob er glych wol geschlaaffen hat/ als das
wyb vß sinem ripp geschaffen ward / sach er
doch wol das sy jm glych was / dero glychen
er bißhar vnder keinen gestalten der thieren
funden hatt. So was ouch die yngeplantz
art von Gott/ die liebe / das hertz / vnnd der
genius/ die neigung vñ das zufallen zu sins
gelychen da. Wie nun Adam allen anderen
thieren vß irer art harkumen vnd würckung
namen geben hat / also gibt er ouch yetzund
dem wyb ein namē/ vñ nennet sy Ischa/ das
ist Männin / daruñ das sy von dem mann
genommen was.

Feliche lie-
be vnd be-
willigung.

Demnach volget in Mose wyter/ Daruñ
wirt ein man sinen vatter vnd sin müter ver-
lassen vnd an sinem wyb hangen / vnd were

Feliche
pflicht vnd
rächte.

dend sy beide ein fleisch syn. Dife wort redt
noch Adam / oder ouch Moses vß dem müd
Gottes / vnd zeigt damit die pflicht vnd ver
bindung od vereinigung der Zelütē / nam
lich das vnder den Zelütē die höchst liebe
verbindung vnnnd einigkeit sin solle / die nie
mandts dann allein der todt trenne. Söm
lichs gibt er mit zweyen fürnemen stucken
zeuerston. Das erst / Niemants ist vns nach
Gott billich lieber dan vnser elteren. Wenn
aber die wöltind zwytracht vnder Zelütē
machen / so heist Gott vatter vnd müter las
sen vnd dem Legmahel anhangen. Darum
ist vnnnd sol syn Zeliche liebe über alle liebe.
Das ander / Die zwey (spricht er) sind ein
fleisch / das ist ein lyb. Wie nun die grössst
liebe / der träffenlichest vnuerd:ößnist dienst /
flyß vnd ernst in den glideren gegen ande
ren ist / vnnnd eins das ander liebet / schirmp /
neert / duldet / vnd glyche fröud vnnnd glychs
leid mit einanderen tragend : also sol es ouch
zwüschen den Zelütē syn. Fürträffenlichere
vnd nähere verbindung ist nit / dan aller gli
deren in einem lyb : also sol häfftiger band nit
funden werden / dan das Zelich band. Vnd
wie sich die glider vor dem todt nit von ein
andren scheidē : also sol die Ze ein vnusflöß
lich band syn. Vnd wie die glider weñ sy joch
teilt werdend / die höchsten angst nodt vnnnd

pyn empfunden: also sol das der Zelüte trüff-
lichster schmerz sin von einanderē scheiden.
Vnd also hat Moses zu dem das er den vrs-
prung der Ze anzeigt / ouch den grund der
Zelichen gsatzte geleit / vß welichem alle an-
dere gsatzten genomen werdend. Nach dem
saal Adam vnd Eue wirt der Ze nützig wy-
ters hinzu gethon / oder im geordneten ges-
enderet / onet das von des saals vnd der sün-
den wegen angst not vnnnd schmerzen inen
beiden vñ vns allen angehenckt wirt. Dann
zu dem mann wirdt gesagt / Im schweiß di-
nes angesichts solt du din brot ässen. Vnd
zum wyb sprach Gott / Vil kumbers wil ich
dir vstegen weñ du schwanger bist / vnd mit
schmerzen solt du gebären / vnd vff din man
solt du sähen / den solt du fürchten / vnd er sol
gwalt über dich haben. Doch wirt die vnnnd
andere beschwården durch den glauben in
Christum allen gläubigen geringeret / vnnnd
der vnuolkomenheit gehulffen / das sy fast
nach zu altem glückseligem stand kumend.
Dannehar ich nit hab sorgfältiglich vnder-
scheiden in disem capit. den Bestand vor vñ
nach dem saal.

Vnd so vil hab ich vß Mose dem fürträf-
fentlichen Gottes diener wollen anzeigen /
wenn / wo / wie vnd von wam / ouch zum teil
warum die Ze vfgesetzt sye / dz sy Gott selbs

im Paradyß/in anfang der wält/zur zyt des
wolstands des menschen / ja ouch zu gütem
dem menschen / also yngeferzt habe/ das ein
mann vnd vnd ein wyb ein lyb werden/ein-
andren nach Gott ob allen dingē lieben/ein-
andren vnzertrenklich anhangen/ beholffen
vnd beradre syn/ ouch kinder ziehen sollend.
Vnd das ist vast die gantz summa des einen
teils dises büchs.

Was die Ee sye.

Cap. II.

Dann vff vorgeleyten grund
wil ich gantzen folgenden buw
setzen vñ nach der lengge vffüren/
vnd zum ersten erklären was die
Ee sye / demnach von stuck zu stuck der be-
schribnen Ee artickel erläutern vnd erklären.

Ee.

Das wörtlin Ee ist ein vralte Tütsch wört-
lin/vnd wirt etwan gebrecht für gfarzte vnd
recht/etwan für vereinigūg vñ verkunnūß.
Also hat man das alte testament genennet die
alte Ee/ das nūw testamēt die nūw Ee / dar-
umb das darinn das recht stat dz Gott dem
alten vnd nūwen volck gāben hat / ouch die
pündtnus die Gott mit beiden völkern ge-
hept hat. Also nennt man noch Eehafft v:sa-
chen/recht oder rechtmāssig vrsachen: Eegrā-
ben / söliche grāben die mit recht vñnd ver-
kommus gegraben/ vnd zu grāben geordnet
vnd

vnd gewidmet sind 2c. Die Latiner nennens
Coniugium ein zamenfügen/ oder zu
samen wätten / wie man zwey rinder vnder
ein joch zú samen wättet / glychen last vnd
glyche burde mit einandren zetragē oder zes
ziehen.

Darumb ist die *Le* ein verpündtnuß/zú ^{zusamens}
samenfügen vnd wätten. So aber nit einer ^{fügung.}
ley zú samenfügens vnd wättens ist / muß
man die *Le* von anderē zú samenwättē schei
den/vnd jr ire eigentliche natur vnd eigen
schafft zú gäben: namlich/das es ein rächtlich
Gott wolgfellig eins mañs vnd eins wybs
mit jro gutem verwilligē zamenfügun^g ist.
Jez muß man onch hinczu setzen warumb sy
söllind vnd müßind zú samen gewättē wer
den/ das sy eerlich vnd fründtlich mit einan
dren läbind/vnreinigkei^t vermydind/finder
ziehind/ einandren beholffen vnd beradten
sygind.

Vß dem fasset man nun zú samē ein kurze
Beschrybung der *Le*/vñ sagt/ Die *Le* ist eins
manns vnd eins wybs von Gott vfgesetzte
rächtmäßige vñ Gott wolgefellige/ mit bei
der güter verwilligung / zú samenfügun^g
das sy beide fründtlich vnd erberlich by ein
andren wonind/ einandren beholffen vnd be
radten syend/vnküschheit vermydind/vñ fin
der ziehind. Oder stell es vff volgende form

also/ Die Ehe ist ein vermählen eins manns
vnd eins wybs/ die züsamen knüpfst werdend
von Gott/ nach sinem wort/ mit beider ver-
willigung/ das sy biß an jro end für vnd für
By einandren wonind/ vnd jro läben in der
aller höchsten gemeinsame aller dingen ver-
schlyssind/ von wäge das sy kinder gebärind/
oder das sy die hury vermyde mögind/ oder
das eins dem anderen nach dem willē Got-
tes/ einsame zü vermyden/ ein behilff vnd
trost syc.

Erklärung gemälder beschreibung der Ehe. Cap. III.

Stzund wöllē wir von ar-
tichel zü artichel yedes stuck gemäl-
ter beschreibung eigentlicher erläu-
teren/ vñ wo nodt ist mit gschrifft-
licher kundtschaft bewaren vnd beuestigen.

Ein mann
vñ ein wyb.

Zum ersten das die Ehe ein zämenfügung
sye eins manns vñ eins wybs/ nit eins manns
vnd viler wyberen/ oder eins wybs vnd vil-
ler mannen/ sagt der Herr Matthei am 19.
vnd stadt sust ouch geschriben Genesis am 2.
Das aber etliche der heiligen vättern vil wy-
ber gehebt/ sind nun sunderbarer lüten tha-
ten/ vnd nit allgemaine exempla/ denen man
gänzlich volgen muß. So machend etwelich-
er oder ouch viler lüten thaate/ kein gsatz.
Der Herr in obgemeltem ort Matthei/ hat
das

Das vialt gſagt widerum herfür zogen vnd
vernüweret. Darum welcher yetzund wölte
widerum die vile der wyberen ynfüren / der
wurde mer der regel Mahumets dan Chri-
ſti volgen.

Demnach verſton ich durch die zamenfü-
gung/nit nun ein vſſerliche Bywonüg/ ſun-
der ouch ein vereinbarung der gemütē lybs
vñ güts. Siewyl der Herz heiter redt/ Vnd
ſy zwey ſöllend ein fleiſch/ das iſt ein lyb ſyn.
Doch wirt etwz wyters hernach volgē weñ
wir an die Bewilligung kumend.

Wyter ſol die Le nit nun ein zūſamenfü-
gung ſyn / ſunder ouch ein zūſamenfügung
die vß Gott iſt / vnd ſinem wort vnd willen
nit zewider. Dann das ettliche hie fürwerf-
fend vß dem heilige Euan gelio/ Was Gott
zefamen gefügt hat / ſol der menſch nit ſchei-
den/vnd hieruß ſchlieſſend/ wenn lüt einmal
einandren genomēn habēd/ſo ſölle es haſſten
vñ ſömlich Band niemands trennen:ja ſöm-
liche Befähend des Herzē wort nit ſo eigent-
lich als ſy aber ſoltend. Dan ye der Herr nit
geredt hat/ Was zūſamen gefügt iſt/ſol vnd
mag niemands ſcheiden:ſund also hat er ge-
redt/Was Gott zūſamen gefügt hat/das ſol
der menſch nit ſcheiden. Darumb müß man
nit allein lügen ob lüt einanderen nämind
oder nit / ſunder vil mee ob es mit Gott ſye/

B

17
Was Gore
zamēgefüge
ſol d̄ mēſch
nit ſcheiden

oder nit. Das ist mit Gott/das wider sin ge
bott vñ wort nit beschicht. Vil fügt nit Gott
zusamen / sunder fleischlicher lust / gelt / güte /
kupplery/trunckheit / fleischlicher arm/rugk
vñnd anhang/da man Gottes nit gedenckt/
vñd deshalb wider in übel sündet. Genesis
am 6. cap. stat geschribē / Es sahend die kint
der Gottes die töchteren der menschen wie
sy hüpsch warend / vñd namend jnen wyber
wie es jnen gefiel. Da menglich liebe lust be
willigung vñd ein zusamenfügen sicht/sy ge
fiel aber Gott darumb nit. Der Herr zücht
das selb verhyraten ouch an Matth. am 24.
vñnd spricht/ Wie sy warend in den tagen
vor dem sündfluß/sy assend/ sy trunckend/sy
griffend zur Le/vñnd lieffend sich zu der Le
nemmen / Bis an den tag do Noe zur arch yn
gieng/vñ sy achtetend des nit bis der sünd
fluß kam vñnd nam sy all dahin. Also wirdt
ouch syn die zukunfft des suns des mensche.
Sie ist niemants so toub der vermeine sünd
syn Felich zu werden. Darum wirt das nit
für sich selbs allein gescholten alls ein sünd
vñ vnrecht das sy man vñd wyber namend/
sunder das sy nit nach dem wort des Herren
sich vereelichetē/sünd jro ansächtungē volg
tend : wie obgemeldet. So zertraüt Esdras
vil Len/ouch dero/die nun gar ein güte wil
len zusamen trügend / zusamen gefügt wa
rend.

rend. Dann die anfächtung vnd nit Gott
hatt sy zusamen gefügt. Es die 10. cap. Dar
umb sol die zusamenfügung recht nach dem
wo:t vnd willen Gottes gefo:met syn.

Von rechtmässiger zusamenfügung Christlicher Welt
ten. Cap. IIII.

Zzund wil ich etliche stuck
setzen vff welche die gloubigē lüt/
die ire Len nach dem willen vnd
gfallen Gottes beziehen wöllend/
sāhen söllend.

Zum ersten ob glych wol die Le ouch die Sage vnd
Seel vnd inneren menschen angadt/ hō:t sy eerechte der
doch ouch vnder die vsserliche ding/ die der oberkeit.
oberkeit vnderwo:ffen sind. Wo dan trüwe
redliche obern güte kömliche vñ sügliche Les
satzungē vffgericht habēd/ oder sunst zimliche
burgerliche recht/ die Le betrāffend habend/
denē sol sich kein redlicher Chust widersetzē/
sunder vil mee sol er sich jro flyssen: als dann
ouch der heilig apostel Petrus geschriben vñ
geleert hat 1. Pet. 2. Sind vnderthon aller
menschlichen ordnung vmb des Herrē wil
len ic. Die oberkeiten habend gwalt gebür
liche satzungen in vsseren dingen zemachen.
Vnd wār sich denen widersetzt/ d̄ widersetzte
sich der ordnung Gottes/ vnd wirt deshalb
von Gott gestraafft: als ouch Paulus bezü
get/ Rom. 13.

B ij

Der rellio
gion oder
des glou
bē sol man
achten.

Zum anderen spricht d̄ Herr Deut. 7. cap.
Vwere tōchterē sollend jr nit gebē iren (das
ist der vnglōubigen oder falschglōubigen)
sūnen/vnnd ire tōchtern sollend jr nit nemē
iūweren sūnen. Darumb wirt ein Christen-
mann im Beziehen der Le voruß lügen/das
er den waaren glouben nit verwybe oder
verhydrate/oder in gfaar stelle. Dañ es volgt
im gsatz: Dann sy werdend iūwere sūn mir
abfellig machen/das sy anderen gōttern die-
nund: so wirt dann des Herren zo:n ergrim-
men über ūch / vñ ūch bald vertilcken. Doch
wenn die sorg des abfaals vnd schwēchung
der warheit nit vorhanden oder zū besorgen
ist/so ligt nüt daran wenn der gemahel schon
vnder dem vnglouben gewonet/oder wenn
er abgōttische od vnglōubige eltern gehabt
hat. Dañ Booz Jesse Davids vatters groß-
uatter nam̄ ein Chananiterin vō Jericho die
Ruth/die ouch Mattheus im gschlācht Chri-
sti Jesu anzūcht/Matth. 2. cap. Dañ sy rechte
glōubig was / vnnd abhold aller abgōttery.
Sust wenn die gfaar des absūrens zur irr-
thumb zū besorgē ist/so hat nit nun das gsatz
im alten testament darwider gesprochen/sun-
der ouch Paulus gebūt in der 2. zū den Co-
rinthern am 6. cap. vnd spricht/Ziehend nit
am frōmbdē joch mit den vnglōubigē. Dañ
was hat die gerechtigkeit gemeinsame mit d̄
vnge

ane

vngerächtigkeit? Wz hat dz liecht für gemein
schafft mit der finsternus? Wie stimpf Chri-
stus mit Belial? oder was für ein teil hat der
gläubig mit dem vngläubigen? Was hat
der tempel Gottes für ein glyche mit den
götzen? Ir aber sind der tempel des läben-
digen Gottes zc. Die Le ist ein vereinba-
rung d gemüthen lybs vñ güts. Nun spricht
Paulus/Was einigkeit aber mag der glöus-
big mit dem vngläubigen haben? Der vn-
gläubig hanget an d vngerechtigkeit/finster-
nus/valsch/irrhumb/am tüfel vnd an d gö-
tzery. Herwiderumb der gläubig verachte-
schücht vñ verdampt die ding alle /liebet die
gerechtigkeit/ Euāgelische warheit/dz liecht/
den Herzen/vñ hat Gott in jm läbend. Wie
wöllēd nun zwey die sömlich widerwärtige
gmüt vñnd fürnemen habend an einem joch
ziehen? An einem joch ziehen/ist ein form also
zereden/vnd heist gemeinsame haben vñnd
sich eelichen verwätten. Am frömbden joch
ziehen/heist ein vngläubigen gmabel nem-
men/ oder sich begäben vnder söliche ding/
die Gott vñ der waarheit frömbd sind. Vnd
zwar/weliche ein vngläubigen mañ nimpt/
die muß jm nachziehen in vnglauben/ vñnd
da thün sähen vñnd hören das dem waaren
glauben gar zü wid vnd jr an irer seel schäd-
lich ist. Die kinder werdend ouch vnder den

vnglouben zogen / Beschicht es nit by der el-
tern läbē / so beschicht es nach des gläubigen
tod. Vnd im läben ist ouch kein rüw: vñ müß
entlich das gläubig mit dem vngloubigē in
stātem stryt ston / oder es müß dem vngloubi-
gen nachlassen / vñ wider Gott / sin seel / vñ
consciētz thun. Darum ist vorhin wol zū be-
dencken / das wir vnns oder die vnsern mit
vngloubigen lüten nienan versetzind / vnns
vnd den vnsern zū grossen vnheil.

Wnglyche
Een des
gloubens
halben.

Spuchst / Siewyl ich nun ein vngloubi-
gen Legmabel hab / hör ich wol das zwüsche
im vñ mir kein Le syn mag: darumb wil ich
mich vō im thun. Daruf antwurtet dir Pau-
lus 1. Cor. 7. So ein brüder (dz ist Chrusten-
licher mañ) hat ein vngloubig wyb / vnd die
selb laßt es jro gefallen by im zewonen / der
scheide sich nit von jro. Vnnd so ein wyb hat
ein vngloubigen mañ / vnd er laßt es im ge-
fallen by jro zū wonen / die scheide sich nit von
im. Dann der vngloubig mañ ist geheiliget
durch das wyb: vnd das vngloubig wyb ist
geheiliget durch den gläubigen mann / sunst
wārend üwere kinder vnrein / nun aber sind
sy heilig. So aber der vngloubig sich schei-
det / so laß sich in scheiden. Es ist der brüder
oder die Schwester nit gefangen in sōmlichen
fālen / im frid aber hat vns Gott berufft. 2c.
Darumb ist wol zū vnderscheidē zwüschend
dem

Dem das schon beschähē ist/vnd zwüschend
Dem das noch beschähē sol. Das ist zwar ein
Ke/die nach dem gemeinen bruch vnnnd rächt
offentlich zamen gegeben vnd für ein Ke von
mengklich verrächnet vnd gehalten worden
ist: so aber in der selben Ke etwas mangels
vnd prästens ist/darum sol man nit grad den
selben mangel schirmen vnnnd in ander Len
ouch ziehen/oder aber schliessen/So ist doch
min vnkömliche Ke ouch nit ein Ke. Darum
wenn die sach noch nit überhin ist/so sol sich
yederman verbütē das sich od die sinen nie-
mands in gfaar verstecke. Wir achtend doch
der prästen des lybs/vil mee söllend wir ach-
ten der präste der seel. Solomon sol vns hie
ein byspil syn/da mengklich kundbar ist/wo
hin in die vngloubigen wyber brachtend/ob
er glych wol der aller wysest vnder den men-
schen vfferdrich was. Wenn aber die sach
beschähē ist/so gedencke yetlichs das es sinen
berüff von Gott also habe/vnnnd wie es der
sach sunst am kömlichsten thüye/bitte Gott
trüwlich/volge dem radt des heiligen apos-
tels Petri/welcher 1. Pet. 3. denen wybern
die vngloubig man habend/mit folgenden
worten gäben ist/Die wyber syend vnderthä-
nig iren mannen/vff das ouch die die dem
wort Gottes nit gloubēd/durch der wybern
wandel on das wort gewunnen werdind/

wenn sy jren künſchen wandel in der forcht
Gottes ſähed. Es gfallt ouch Paulo nit das
yerwäders in der Ze des vngloubēs halben
ſchnell alle hoffnung hinweg wirfft/vnd zur
ſcheidung tringt. Dann er redt in obange-
zognem ort zū den Corinthern/ Was weiſt
du aber wyb ob du den mann werdiſt glou-
big machen? Oder du mann / was weiſt du
ob du das wyb werdiſt ſälig machen? Dar-
umb wär in ſömlichem ſaal begriffen iſt/ der
rüffe Gott an vñ handle mit gottsforcht vnd
trüw/gedult/langmütigkeit/ vernunfft vnd
rechter liebe. Doch hütē ſich allwäg ein red-
lich Chriſten menſch/ das es vmb ſins gma-
hels willen ſich niēna in kein abgöttery yn-
laſſe/ vnd ſich mit vngloubigen wercken ver-
unreinige. Gedēcke yetlichs an das wort
des Herē/ Wār vatter oder müter / wyb od
kinder/ ſchwēſter oder Brüder/ acker od mat-
ten/ lieber hat dan mich/ der iſt min nit wärt.
Bitte aber allweg Gott vmb Byſtand/ radt/
troſt vnd hilff/ ſo wirt er ſin gnad getrüwlich
erzeigē/ radt gābē/ Byſtand vñ hilff bewyſen.

Die kinder ſollend zū rechter Ze ouch jrer eltern bewillig-
gung haben. Cap. V.

Dennach wie Gott vnd der
gloub mit der Ze nit ſol verloung-
net oder in gſaar geſetzt/ alſo ſollēd
ouch

25
ouch die nächsten nach Gott/ namlich die el-
tern als vatter vnd müter nit übersähen vnd
verachtet werden. Dann ob glich Gott ge-
redt hat/ Der mensch sol vatter vñ müter ver-
lassen/ vnd sinem Legemahel anhangē: redt
er doch am selben ort von der bezognen Ee/
vnd sagt was die Eelüt einandren schuldig
syend/ wie obgeschriben ist: vnd redt nit von
dem Beziehe der Ee/ das die kinder one alles
ansähe wüssen vnd verwilligen jrer elteren/
vnd vnder deren gwalt vnd verwaltung sy
sind/ die Ee zü beziehen gwalt süg vnd rächt
habind. Vnd nimpt mich wunder was doch
der Bāpftleren bücher vnd gelerten gedacht
habind/ do sy geleert habēd/ Die Bewilligūg
beider Eelütē heffte allein vñnd mache die
Eelich zamensfügung: der eltern willigung
sye ouch wol güt darby / doch wenn sy zwey
einendren Bewilliget vnd genōmen habind/
so sye es ein vnuslöflich band / vnd mögind
die eltern sy zwey nit me von einandren tren-
nen. So doch alle rächt die natürliche/ götte-
liche vorab/ vñnd menschliche der elteren Be-
willigung zü jrer finden ee erforderend: also
gar/ das sy das zusagen das hinder den elte-
ren beschähen ist/ nützig gelten lassend: ja de-
ren finden so zü jren jaren noch nit kummē/
vnd noch in der elteren gwalt stond.

Dan diewyl die kind ire jar vñ vernunfft

B v

Junger lüt-
ten winckel-
ee.

noch nit habend/mögend sy die Le/ die ver-
stand erforderet/nit Beziehē/ sy mögend jnen
selbs ouch weder radten noch hällfen. Das
Deßhalb der elteren verwilligung nit nun
notwendig sund jnen ouch güte vnd nützig ist.
Die winckeleen / die nit rechtlich nach den
gsatzten bezogen/sind ye vnd ye verworffen
gewäsen/vnd sy habend nie niemands/dañ
vnwüßenden oder bösen lütē gefallen. Dan
merteils werdend sy vß anfächtung gema-
chet/vnd bübery/falsch/vnd betrug ist meer-
teils die vndertragerin/verreden vn̄ in wor-
ten fahen das Band. Vil wirdt zewägen ge-
bracht mit kupplery/trunckenheit/mit schen-
ckinen vn̄ verheißungen/dardurch ein jung
vnwüßend volck in grund verfürd vnd ver-
derbt wirt. Solichen den zom lassen vnnd
allen gwalt übergäbē / ist grad den vnfinni-
gen das schwärt lassen / vnnd dem kind das
mäßer gäben / ja ouch die Le schmähen vnd
schendē. Vngehorsame der kinden ist ye vnd
ye by allen völkern gescholten.

Die kind
söllend ire
eltern eeren

Gott gebüt vn̄ spricht/ Du solt din vatter
vn̄ din müter in hohen eeren habē. Exod. 20.
Nun aber erzeigt sich die ghorssame od vnge-
horsame d kinderē nienerin mee dan̄ in dem
verhyraten. Größer eer oder vneer kanst du
dinen eltern nit bewysen/dann weñ du jnen
hie volgest/ oder dich jnen hie widersetzest.

Esau

Esau erzurnt sine eltern mit sinem selbs wy
ben zum höchsten. Jacob saaret jres willens
vñ hat deß lob. Vnd das gebott von eerung
der elteren hat vns vnser Herr Christus gar
trüwlich befolhen Matth. am 15. cap. Deu-
tero. 7. cap. gebüt Gott sinem volck/ Ir sol-
lend üwere sün vnd töchteren nit vermäch-
len den vnglößubigē. Vß welichem man wol
verstadt das der gwalt der vermächlung an
den eltern vnd nit an kinden stadt. Darum
ouch Abraham glych vor dem gsatz sinem
diener Eliezer empfalch mit Bathuel/vñ nit
mit der Rebecca fürnämlich/zü handeln von
der vermächlung Isaacs vñ Rebece. Vnd
der knecht warb ouch an die eltern/vñ nit an
die tochter/ wiewol er sy danffen bym Brun-
nen allein fand/vnd zü vnderhandlung wyl
füg anlaß vnd platz gehebt hatt. Deß gsatz-
tes fleiß sich Samson Judicū 14. cap. Dan
wiewol er ein tochter funden vnnd gesehen
hatt/die im gefiel/nam er sy doch nit/sunder
zeigt sinen eltern an/ fürt sy mit im zü jro/
vnd nam sy mit siner elterē wüssen vñ wille.

Im anderen büch Mosis 22. cap. gebüt
Gott also/ Wenn yemants ein jungfrowen
die noch nit vermächlet ist übertö:let mit wor-
ten/vñ beschlaafft sy/der sol sy vßstüren/vnd
sy zum wyb haben. Wil jms aber der vatter
der tochter nit gäben/so sol er so vil gälts gä

ben wie der Bruch ist die töchteren vß zü stü-
ren. Hie gibt Gott dem vatter gewalt die
verfelte tochter dem Knaben/dem sy sust vom
gsatz zügesprochen ist/ zü nehmen. Darumb
mögend ye die elteren die Kinder widerumb
zü jrem gwalt ziehen. Dañ das ist ye Beson-
derbar groß/ das dem vatter erloubt wirdt
ouch die geschwechte tochter / vnnd die dem
Knaben vom gsatz zur Le zügesprochē was/
widerumb heim zünehmen/vnd dem Knaben
abziehen.

Die Kind ha-
bend nit
gwalt sich
hinder den
eltern zü
verloben.

Im 4. Büch Moses am 30. cap. stat also ge-
schriben/ Wenn ein wybsbild dem Herren
ein glübd thüt vnd sich verbindt diewyl sy in
jres vatters huß vnd magthumb ist / vnd je
verbindē das sy vff sich genömen hat kumpt
dem vatter für/vnd er schwygt darzū/so gilt
all jr verbindē das sy über jr seel verbunden
hat. Wenn aber der vatter des tags als ers
vernimpt weert/ so gilt kein glübd oder ver-
bindung ꝛc. Wiewol nun in gemelten wor-
ten Gottes die glübtē vnd nit die Le vß-
trucklich gemeldet vnd benamsset werdend/
ists doch ein klare kundtschafft das kein Kind
das noch nit zü sinen tagen kumen vnd noch
vnder siner eltern gwalt ist / gwalt hab sich
zü verloben verbinden vn̄ hinder sinen elte-
ren zü verenderen. Ja so ein glübt oder ver-
enderung beschäç/ das dann die elteren so-
lich

lich abzuwerffen vnd hinderen göttlich
räch habind. Dann so Gott das ouch vflö-
sen laßt/vñ nit wil das es ützid gälte/das im
versprochen ist / one bewilligung der eltern:
frylich wil er nit daß das vnwandelbarlich
beston solle/das in der vngehorsame fräuen-
lich hinder den elteren zügesagt ist.

Der heilig apostel Paulus erzelt in der ers^{Menschens}
sten an Timotheon am 1. cap. vnder vil an^{diebery.}
deren schwären sünden / ouch die menschen-
diebery/das ist das laster da man biderben
lütten jre kind jre knächt lüt vnd zügehörigen
abfür vnd entfrembdet oder entfür. Wenn
aber ein fräuel listig schandlich wyb / einem
biderman sinen jungen to:rechten sun/den er
mit grossen kosten grosser müy vnd arbeit
erzogen hat/ abtrülig machet/ mit liebe ver-
blendt/vnnd zü letst vnder dem tittel der Le
entfür: oder wenn ein fräfler gschwätziger
gsell/einer biderben müter/jre tochter über-
töilet/vnd dann ouch vnd dem tittel der Le/
was sy joch sag/ entfür / was ist das anders
dann ein menschen diebery? Also verhoffich
ye vß Gottes wort vnd gsatz kundlich ge-
machet syn/das ouch d' elteren verwilligung
zü rechter Le der finden notwendig sye/vnd
d'z die kind jre elterē nit übersähē söllind/vnd
ob sy es thätind d'z als dan die elteren d' kin-
den züsag abwerffen vñ vernütigē mögind.

Keiserliche
rächte.

Die menschliche vñ Keiserliche rächte so:
derend ouch der elterē verwilligūg. Das be
findt sich Lib. Pandect. 23. Justinianus der
Keiser Instit. lib. 1. tit. 11. schrybt also: Die Bes
ziehend rächt vñnd gebürlich mit einandren
die Le/die sich nach luth vñnd Befelch der ge
botten oder gsatzten vermächlend / die Knabē
wenn sy alt gnūg zū den wybern / vñnd die
meytlin wenn sy mannbare sind: doch das sy
darzū die Bewilligung der eltern / in dero ge
walt sy sind / habind. Dann das sōmlichs be
schāhen sölle / radt vñnd heißt das burgerlich
vñnd natürlich rächt / ja also gar das des vater
ters geheiß vorgon sol. Vñnd souil sind der
worten Justiniani / also klar vñnd häll / das sy
wyters erlitterens nit bedörffend.

Worlangist
bezogne
Een hinder
den elteren.

Hieruf vermeinēd yetzund etlich ire Een
syend nit Een / diewyl sy die vorlangist wid
der eltern willen bezogen habind / vñ sollind
sich darumb trennen von iren Legmächlen.
Sōliche aber soltēd gedencfē das sy von den
eltern nit getrennt sind / vñ das deshalb jro
Le ein rächte Le ist / vñnd das jnen die elteren
mit der zyt versōnet sind. Vñnd ob schon das
nit beschāhē / das sy doch offentlich nach dem
bruch gemeiner rächte in die Le yngelassen /
zamen gegāben by einanderen eerlich gewo
net / kinder gehebt vñnd alle eeliche rächt geūbt
habend. Darum sy billich in der Le blyben /
vñnd

vnd sich aller gottesforcht flyssen sollend.

Ettliche wendend sich anderswo hin vnd Der armey
nachteil.
sprächē / Durch sömlich gsatz wirt den ar-
men verstrickt werdē das sy zu keiner rychen
Le nimer kummen mögend / dan die rychen
werdend ire kind den armē nit vermächlen.
Daby man aber wol spürt was denen ange-
lägen ist / die wider dise vralte güte vnnnd bil-
liche satzung strytend: jnen ligt rychtum inn/
vnd wöllend mit der Le rych werden: vnd
habend nit gnüg das sy den eltern ire kind
wider jren willen nämend / sy wöllend jnen
das güte darzu ouch wider jren willen ange-
wünnē. Dise nämend nit die kind von wä-
gen der Le / sund von des güts wägen. Vnd
offnet sich also der schalck / das man sieht was
ettliche in der Le süchend. Ein redlich man /
er sye rych oder arm / wirt allwäg vff gottes-
forcht / eer / trüw / arbeit vnnnd fromkeit sähen /
vnd nit vff den gältsack. Themistocles wolt
lieber haben ein wüffenden vnd könnenden
od vernünfftigen mensche / dann ein rychen.
Wär aber vff güte mer hat / dann vff eer vnd
wüffen / der ist ein schandtlicher mēsch / glych
wie ouch der der sömliches menschen frünt-
schafft hoch schätzt vñ vmb des gälts willen
begärt. Dem allen aber sye wie im wöll / wel-
chem diß gesatz von der verwilligung der
eltern wil ein bschwärd syn / der leg den gyt

Den pracht vnnnd die anfächtung hin/sähe vff
Gott vñ billichs/ betrachte des Herrē wort/
Was du nit wilt das dir bschäch/das thū du
ouch eim anderen nit / so wirdt es jm ringer
vnd traglicher werden.

Die Eltern söllend ire kind zur Ee nit zwingen/oder sy ee
zpt vermächlen. Cap. VI.

S Je söllēd sich aber die eltern
ires gewalts ouch nit überheben
oder mißbruchen/vñ die kind vn-
derston zezwingen / oder sy gyts
oder liederliche halben hingon lassen vñ ver-
sumen. Dan vngöttlich vñ unglücklich ist
die kind wider iren willē in die Ee zū einem
zwingen zū dem sy kein hertz habend. Dann
in der Ee sol beider verwilligung syn/vnnnd
die selb sol vorgon der elteren gebellen vnnnd
willigen/od joch zum minsten mitgon. Also
ouch wenn ein sun oder tochter zū iren jaren
vnd vernunft käme/mithinzū aber von iren
eltern versumpt wurde/vñ sy sich dannethin
mit gutem radt vnnnd vorbetrachtung eerlich
vermachlete / sölte der vatter wol gedencken
das er sinen gwalt hie ynzereden vnd die Ee
zetrennē mit vnbill vñ liederliche verwürckt
hätte. Dann diewyl sich die elteren mit ver-
sähen vnd versorgen der kinden nit haltend/
wie eltern vnd gwalthabern über die kinder
gebürt

gebürt/vñ deßhalben nüt minders dan eltes
 ren sind/warumb woltend sy dann ein söm
 liche gehorsame von kinden erforderē/ durch
 welche die kind in gsaar vñ strick des tüfels
 sielind vnnd verdurbind? In sölichen fällen
 ist frylich ein Christen mensch nit hafft noch
 gebunden. Siemyl alle gesatzte Gottes vff
 eer/ wolstand vñ behaltung des menschē nit
 verderbung reichend vñ dienend. So hat es
 sich oft mit d' thaat funden/das sömlich Ken
 glych wid sumfälliger vntrüwer vnd gytiger
 eltern willen bezogen/wol geradten/glück
 sällig/gottsförchtig vnnd Gott nit mißfellig
 gewäsen sind. Doch wil ich hie ettlicher jun
 ger mütwilliger vngottsförtiger menschē
 ansächtigungen/ Boßheit vnnd fürwelben gar
 nüt gelugget haben. In summa/ die riemen
 söllend hie glych lang syn/also/wie die kinder
 vff die elteren sähen/vñ sy nit fräuenlich ver
 achten vnd verschupffen: also söllend die el
 teren jre kind nit jämerlich versetzen od' Boß
 lich vnnd liederlich versumen. Güte gsatzte/
 rächte oberen / gottsfört vñ bescheidenheit
 werdēd hie das mittel wol trāffen. Es wirt
 ouch hieruon etwas wyters volgen im capi
 tel von der Bewilligung.

Das alter oder die jar der kinden söllend ouch von eltern wol bedacht werden. Dann vnnatürlich vnd vnerber istts kind in die Le

Das alter der Elteren werde bes trachtet.

C

Begäben/ die ire gebürliche jar noch nie habend. Es entstand gar grosse Franckheiten daruß. So habend die jungen mütern kein rechte krafft/weder zü neeren die frucht noch zü gebären. Vnd hat sich etwan Begebē das sy ires ellenden kindens gestorbē / deßgliche die kind die von kinden erborē warend/ siech vñ dürffrig wordē sind. So wirts ouch Christenlütē nit eerlich syn/söllend sy hierin minder bescheidenheit habē dan die Heiden. Die Heiden habend des alters vñnd der jaren grosse rächnung gehebt. Dann Plato / Aristoteles vñnd Hesiodus habend der tochter das 17. jar vorgeschubē. Etliche habend den Knaben das 19. vñd 20. jar fürgesteckt: dann in sömlichen jaren sind die krefft etwas gesterckt/ vñd nämind durch die Ze nit so ring ab/ als in jungen vffschießenden lütē. Aber hie mag ein yetlichs nach gelägenheit der arten complexionen vñnd sachen handlen das best vñ erbarist/wie sich die sach dargibt vñd mit den umbstenden sähē last.

Von den verbottnen graden der blütfründtschafft vñnd magtschafft.

Cap. VII.

Wter sol ein rächtmässige eeliche züsamenfügung sich nit strecken in die verbottnen gradus der blütfründtschafft vñd magtschafft.

36
magtschafft. Das aber yederman verstande
vnd wüsse welches die verbottne von Gott
gradus syend/so wil ich die wort Gottes Les
uit. 18. cap. fürtragen vnd erläuteren.

Also spricht der Herr/Ir sollend nit thün
nach den wercken des Egypten lands darin
jr gewonet habend/ ouch nit nach den wer
cken des lands Chanaan/daryn ich üch führen
wil: jr sollend üch ouch nit nach jren brüchen
halte/sund nach minem rechtē sollēd jr thün/
vnd mine brüch sollend jr halten/dan ich bin
der Herr über Gott. Vnd darufsetzt er ein
allgemein gsatz/Vuemandts sol sich zū seiner
nächste (Blutfründin) thün jr scham zū blöf
sen. Dann ich bin der Herr. Demnach setzt
er vilfaltige erklärang des ermeltē gsatztes/
wie von wort zū wort yetzund volget.

Du solt dines vatters vnnnd diner müter
scham nit blößen. Es ist din müter/darumb
solt du ire scham nit blößen. I

Zum ersten werdend verbotten zur Ee od
ouch sust zur vnküschheit vatter vnd müter/
also/ der sun mag die müter nit haben/vnnnd
die tochter den vatter. Vnd wen du diß vñ
kēerst/ so mag der vatter sin tochter/ vnd die
müter jren sun nit haben.

Du solt dines vatters wybs scham nit blöf
sen. Dann es ist dines vatters scham. 2

Zum anderen werdēd verbottē den stüffe

Kinden stüffuatter vnd stüffmüter/also/ Der
stüffsun sol nit haben sin stüffmüter: vnd die
stüfftochter sol nit habē jren stüffuatter. Dañ
ob glych wol die stüffmüter allein vstruck-
lich gestellet wirt im gsatz/wirt doch herinn
ouch der stüffuatter verstanden / Dañ eins als
nach ist als das ander. Vnd diewyl dañ eins
verbotten ist / so muß das ander nit erlobt
syn. Weñ du nun das gsatz grad umbkerst/
so söllend stüffuatter vñ stüffmüter jre stüff-
sun vnd töchtern nit haben.

3 Du solt diner schwester schaam/ die dines
vatters oder diner müter tochter ist / daheim
oder daussen geboren/nit blößen.

Zum dritten werdēd geschwüstergid von
einem teil allein / einanderen zur Ze verbot-
ten/also/ Der Brüder mag vnd sol sin schwe-
ster von einem teil allein nit haben. Herwi-
derum so mag die schwester jren b üder von
einem teil allein nit haben. Vnd daheim ge-
boren syn/ist/ weñ din vatter nach diner lyb-
lichen müter todt ein ander wyb nimpt/vnd
hat ein tochter by jro/die heißt jm daheim ge-
boren/vnd die selb magst du knab nit haben/
Dann sy din schwester ist / vatters halben.
Herwiderumb/ Das wyb / das din vatter
nimt/hat by jrem vougē mañ ein tochter ge-
hebt/die bringt sy mit jro ins huß/vñ hat ein
sun by dinem vatter ouch / der selb sun mag
die

37
Die gemeldt tochter nit haben. Dann sy der
müter daussen geboren / vnnnd des knaben
schwester ist / müter halbē. Sūst ist es kundt-
lich / das wenn der mañ by sinem abgesto: b-
nen wyb ein sun gehebt hat / vnnnd das wyb
das er nach dem tod sins vorigē wybs nūnt /
hat ein tochter vor by einem anderen mañ ge-
hebt / die sy yetzund mit jren zū disem mann
bringt / das die zwey ein andren nüt angehö-
rend / vnd woleinandren haben mögend.

Du solt dines suns tochter / od diner tocht- 4
ter tochter schām nit blößen / dann es ist din
schām.

Zūm vierdten werdend verbotten kinds-
finder / das ist dines suns tōchtern / vn̄ diner
tochter tōchteren. So müssend hie ouch ver-
botten syn dines suns sūn / vnd diner tochter
sūn. Dan es diser beider halb ein glyche räch-
nung hat. Vnnnd so vil mee werdend die sūn
vnd tōchteren selbs / den elteren verbotten /
wie vor gemeldet ist. Vnd wen̄ du yetz dise
glid vff den mann vnnnd vff das wyb umb-
ferst / so findst du noch zwey glyche glid / also /
Der mann oder vatter mag nit haben sines
suns tochter : so mag ye das wyb od die tocht-
ter nit haben jres vatters vatter / das ist / jren
großuatter. Item / Sol der mann nit haben
siner tochter tochter / so sol ye die tochter jrer
müter vatter / das ist großuatter nit haben.

Vnnd also hat man yetzund den großvatter
von vatter vnd müter. Demnach mag das
wyb oder die müter nit haben jres suns sun/
so mag ye der sun / fines vatters müter / das
ist großmüter nit haben. Glicher gstalt sol
das wyb nit habē jrer tochter sun/ so sol ouch
der selb sun nit habē siner müter müter / das
ist großmüter. Also hast du ouch beid groß-
müteren von vatter vnd von müter.

5 Du solt der tochter dines vatters wybs/
die dinem vatter geboren/vnd din schwester
ist/scham nit blößen.

Zum fünfften werdend verbottē lybliche
gschwüstergid von vatter vnnd von müter/
also/ Der brüd sol nit by siner lybliche swe-
ster/noch die schwester by jrem lyblichen Brü-
der ligen.

6 Du solt dines vatters schwester sham nit
blößen/dann es ist dines vatters nächste.

7 Du solt diner müter schwester sham nit
blößen/dann es ist diner müter nächste.

8 Du solt dines vatters brüder sham nit blöf-
sen/das du zu sinem wyb gangist / dan sy ist
din baaf.

Dise dry artickel hab ich darumb zamen
gesetzt / das sy an einandren hangend vnnd
nacheinandren gond. Doch mag man vmb
mee heitere vnd verstands willen dry räch-
nungen stellen. Die erst rächnung so man
das

Das gsatzt vff den man vnd vff das wyb zu
 glych zucht / bringt 4. glid / also / Der mann
 mag nit haben sines vatters Schwester : dar-
 umb mag er ouch nit habē siner müter Schwe-
 ster. Vñ so diß gsatzt vff das wyb keerst / So
 mag das wyb nit habē sines vatters Brüder /
 glycher gestalt mag sy ouch nit haben jrer mü-
 ter Brüder.

Die ander rächnung stat darinn / das du
 die 4. obgemelten glid vmbkeerist vnd aber
 vff den man vnd vff dz wyb richtist / so wirst
 du aber 4. glid findē / volgenger gestalt. Der
 man sol sins vatters Schwester nit habē / dar-
 umb sol die Schwester oder das wyb jres Brü-
 ders sun nit haben. Zum anderen / Der man
 sol nit haben siner müter Schwester / darumb
 sol die Schwester oder das wyb jrer Schwester
 sun nit haben. Zum dritten / Das wyb mag
 nit haben jres vatters Brüder / darumb mag
 der selb Brüder oder man sines Brüders tocht-
 er nit haben. Zum vierden / Das wyb mag
 nit haben jrer müter Brüder / darumb kan der
 Brüder oder mann siner Schwester tochter nit
 haben. Dise 4. glid oder teil verbietet allein
 Brüders kind vnd Schwester kind. Aber die
 Keiserliche rächten ziehends noch wyter vß-
 hin / namlich ouch vff Brüders vnd Schwester
 kints kind in den dritten grad / oder in den
 vierdten / weñ du den vatter der der stam ist

Geschwä-
rerige kind.

für das erst glid rächnest/das aber nit by ye
derman brüchlich ist. Vnnd die selben rächte
lassend gschwüster gite kind/ als zweyer Brü-
dern od schwestern kind / in die Le vnentgol-
ten zamen kumen. Instit. lib. 1. tit. 11. de Nupt.
Es weerēds ouch niene die göttliche gsatzte.

Die dritt rächnung entstadt vß dem das
im gsatz verbottē wirt des vatters brüders
wyb. Dann ye gut zū verstōn ist / das ouch
diner müter brüders wyb verbotten wirt.
Dannethin muß volgen das dem wyb ouch
verbottē sye/ sines vatters schwester mañ/vñ
jren müter schwester mañ. Dañ ye nit zū ge-
dencken ist das Gott dem wyb nachgelassen
habe / das er aber dem mann verbotten hat.
Wenn du nun dise 4. glid umbkeerst vnd sy
vff den mañ vnd das wyb (als oft gemeldt)
richtest/ so findest du aber 4. der gestalt/ Der
mañ sol nit habē sines vatters brüders wyb:
darum sol das wyb nit haben jres mañs Brü-
ders sun. Zum anderen/ Der mañ sol nit ha-
ben siner müter brüders wyb/darum sol das
wyb nit habē jres mañs schwester sun. Zum
dritten/ Das wyb sol nit haben sines vatters
schwester mañ/darum sol der mañ nit haben
sines wybs brüder tochter. Zum vierdten/
Das wyb sol nit haben jrer müter schwester
mann/darumb sol der mann nit haben sines
wybs schwester tochter.

Du

47
Du solt dines suns wyb scham nit blößen/ 9
Dann es ist dines suns wyb. Darum solt du
nit jr scham blößen.

Zum Vündten wirt dem man verbotten
sines suns wyb. Darumb wie dem vatter
sines suns wyb/ also muß ouch der müter jro
tochter man verbotten syn. Vnd ouch wyter
werdend schwiger vnd schwäher verbotten:
Besonders so der Herz Leuit. 20. vstrucklich
gesprochen hat/ Wen yemants ein wyb nimt/
vnd jro müter darzu/der hat ein laster ver-
würckt/man soljn mit für verbrennen/vnd
sy ouch.

Du solt dines brüders wyb scham nit blösz 10
sen/dann es ist dines brüders scham.

Zum Zehenden wirt dem man sines brü-
ders wyb verbottē. So volgt ouch daß das
wyb nit haben mag jrer schwester man. Jes-
tzund keer die zwey glid vmb / Der man sol
nit haben sines brüders wyb/ darum sol das
wyb nit habē jres mans brüder. Item/ Das
wyb mag nit haben jrer schwester man/dar-
umb mag der mann nit haben sines wybs
schwester. Vñ dises wirt grad ouch vō Gott
selbs vstruckenlich gemeldet im 12. artickel:
namlich dz einer nit solle zwo schwestern bes-
schlaaffen/ od eine by zweyen brüdern ligen.

Du solt dines wybs sampt jrer tochter 11
scham nit blößen/noch jres suns tochter oder

tochter tochter nemmen / jr scham̄ zū blößen.
Dann es ist jro nächste/ vnd ein laster.

Zum Einlifften werdend vstrucklich ver-
botten die Stüffkind vnn̄d darzū ouch dero
kind/ das ist der stüffkinden kind / vnn̄d mit
namen sol der mañ nit haben seines stüffsuns
tochter/ vnd seiner stüfftochter tochter. Daby
güt zū verston ist/ das ouch der müter oder
dem wyb des stüffsuns sun/ vñ jro stüfftoch-
tochter sun verbotten ist. Wenn du nun die
glid vmbkeerst / so findst das des großvaters
ter wyb / vnd der großmüter mañ zū allen
teilen verbottē sind. Dañ kerumb das/ Der
mañ sol sins wybs tochter tochter nit habē/ so
mag ouch die tochter jrer müter müter mañ/
das ist jrer großmüter mañ/ nit haben. Item
keer das vmb/ Das wyb sol nit haben jres
mañs suns sun / so mag ouch der mañ oder
sun sins vatters vatter wyb/ dz ist sins groß-
vatters wyb nit haben.

12 Du solt kein wyb nemmen sampt jrer schwe-
ster/ sy zū reitzen/ jro scham̄ zublößen/ diewyl
sy noch läbt.

Zum Zwölfften wirt verbotten das kein
mañ solle zwo schwestern haben : darū sol
ouch kein wyb zwen brüdern habē: wie ouch
daoben gemaldet ist. Dann das Jacob zwo
schwestern gehebt hat/ beschach nit mit sinem
willen vnd erwāgnem fürsatz/ sunder durch
falsch

falsch vnd list Labans. Darzū ist hie das ab-
 kündt mit dem gsatz / das etwan vor dem
 gsatz geübt worden ist. Das aber hinzū ges-
 setzt wirdt / Siewyl din wyb noch läbt / ver-
 stand / magst du jro schwester nit haben / ist
 darumb hinzū gesetzt / das Deut. 25. ein sōm-
 lich gsatz also lutend geben ist / Wen Brüder
 by einandren wonend / vnnnd einer stirbt / one
 kinder / so sol das wyb des abgestorbenen nit
 einen frōmbden mañ daussen nemē / sunder
 jro schwager sol zū jro kumen / vnd sy zū wyb
 nemē. Vnd den ersten sun den sy gebirt sol
 er vfrichten nach dem namē sins abgestor-
 benen Brüders / dz sin nam nit vertilcket werde
 vß Israel. Gefallt aber dem mañ nit das er
 sines bñders frowen nāmē / sol sol :c. Siewyl
 aber dises gsatz sine vsachē nit me hat / wirt
 es nit mee geübt / vnnnd ist abgangen. Vnnnd
 diewyl ouch vil wybern vnd mannen vffer-
 den sind / mit denen du dich versāhen magst /
 tringt dich kein nodt das du grad dines ab-
 gestorbenen bñders wyb / oder du wyb diner
 abgestorbenen schwester mañ haben müßist /
 zū dem das es ein groß abschühē hat by ye-
 dermañ. Da aber ein Chust schuldig ist sich
 desse zūbeflyssen das buwen mag. Dañ wol
 zūbedenckē ist das wort Pauli / Ich hab alles
 macht / es bringt aber nit alles nutz. Es sol
 billich ein yed ouch gewaren vñ saarē gemei-
 ner erberkeit / in disen vñ der glychē dingen.

Dis sind nun die verbote
nen vō Gott grad/in denen niemāts
gebürt sich zeuermächlen. Vnd da-
mit der ganz handel dester verstant
licher sye/ wil ich alle grad in zwo
taflen stellen/vnd die ersten vff
den mann oder Knaben/die
ander vff das wyb oder
vff die tochter
richten.

45
Die erst tafel gadt
vff den mañ oder
knaben.

Der mañ sol
zu der Le-
nit haben sin
oder sines

Müter.
Tochter.
Stüffmüter.
Stüfftochter.
Schwester von eim teil allein
Schwester von vatter vñ mü-
Suns tochter. (ter.
Tochter tochter.
Großmüter.
Vatters schwester.
Müter schwester.
Brüders tochter.
Schwester tochter.
Vatters Brüders wyb.
Müter Brüders wyb.
Wybs Brüder tochter.
Wybs schwester tochter.
Suns wyb.
Schwiger.
Brüders wyb.
Wybs schwester.
Wybs suns tochter.
Wybs tochter tochter.
Großuatters wyb.

Die Ander tafel gadt

vff das wyb oder

vff die tochter.

Vatter.

Sun.

Stüffuatter.

Stüffsun.

Büder von einem teil allein.

Büder von vatter vñ müter.

Suns sun.

Tochter sun.

Großuatter.

Vatters büder.

Müter büder.

Büders sun.

Schwester sun.

Vatters schwester mañ.

Müter schwester mañ.

Mañs büders sun.

Mañs schwester sun.

Tochter mañ.

Schwäher.

Schwester mañ.

Mañs büder.

Mañs suns sun.

Mañs tochter sun.

Großmüter mañ.

Das wyb sol
zü der Le
nit habē jren
oder jres

17
Es mag ouch gemälte vorschrybung der graden vff ein andere form in zwo tafeln gestellt werden / namlich nach der ordnung in allwäg wie sy Leuit. 18. geordnet sind vnnd vff einandren gond / vnnd das in die ersten tafel allein die grad verzeichnet / die klaar vnd vstrucklich im wort vñ gsatz Gottes gsetzt / ouch die so one alles widersprächē in glychem faal vnd glycher rächnung verstanden werdend. In die and tafel aber die grad gestellt / die vß den erst gemeltē entstand / so man die in der ersten tafel umbkeert.

In beid tafeln hab ich zyffer vnd büchstaben verzeichnet. Die zyffer zeigt die ordnüg wie die grad Leuit. 18. als ouch vorgemeldet vnd anzeigt ist / vff einandren gond vnd vfolgend. Das a bedütet das klaar vstruckte gsatz. Das b die grad die one widersprechen in glycher rächnung billich im vorigen yngeschlossen vnnd vß im vermerckt vnnd verstanden werdend. Das c zeigt an das der grad vor ouch gemeldet sye. Vezund vfolgend die Tafeln.

Die Ersttafel.

- 1 a Einer sol nit haben sin müter.
a Eine sol nit haben jren vatter.
- 2 a Einer habe nit sin stüßmüter.
b Eine hab nit jren stüßuatter.
- 3 a Einer habe nit sin schwoester von einem teil.
b Eine habe nit jren brüder von einem teil.
- 4 a Einer habe nit sins suns tochter.
b Eine habe nit jres suns sun.
a Einer habe nit siner tochter tochter.
b Eine habe nit jren tochter sun.
- 5 a Einer habe nit sin schwoester von vatter vñ müter.
b Eine habe nit jren brüder
- 6 a Einer habe nit sins vatters schwoester.
b Eine habe nit jres vatters brüder.
- 7 a Einer habe nit siner müter schwoester.
b Eine habe nit jrer müter brüder.
- 8 a Einer habe nit sins vatters brüder wyb.
b Einer habe nit siner müter brüders wyb.
b Eine habe nit jres vatters schwoester mañ.
b Eine habe nit jrer müter schwoester mañ.
- 9 a Einer habe nit sins suns wyb.
b Eine habe nit jrer tochter mañ.
- 10 a Einer habe nit sins brüders wyb.
b Eine habe nit jrer schwoester mañ.
- 11 c Einer habe nit sins wybs tochter. Stüßtochter.
c Eine habe nit jres mañs sun. Stüßsun.
a Einer habe nit sins wybs suns tochter.
b Eine habe nit jres mañs suns sun.
a Einer habe nit sins wybs tochter tochter.
b Eine habe nit jres mañs tochter sun.
- 12 c Einer habe nit sins wybs schwoester.
c Eine habe nit jres mañs brüder.

Die Ander tafel.

49

- 1 Eine habe nit jren sun.
Einer habe nit sin tochter.
- 2 Eine habe nit jren stüffsun.
Einer habe nit sin stüfftochter.
- 3 c Wenn du dise zwoen grad schon umbkeerft
so findst du eben die vongen zwoen.
- 4 Eine habe nit jren grosuatter.
Einer habe nit sin großmüter.
c Eine habe nit jren grosuatter.
c Einer habe nit sin großmüter.
- 5 c Wenn du dise zwoen grad schon umbs
keerft/so findst du eben die vorigen zwoen.
- 6 Eine habe nit jres brüders sun.
Einer habe nit sins brüders tochter.
- 7 Eine habe nit jrer schwester sun.
Einer habe nit siner schwester tochter.
- 8 Eine habe nit jres manns brüders sun.
Eine habe nit jres manns schwester sun.
Einer habe nit sins wybs brüders tochter.
Einer habe nit sins wybs schwester tochter.
- 9 Eine habe nit jres mañs vatter. Schwäher.
Einer habe nit sins wybs müter. Schwogier.
- 10 Eine habe nit jres mañs brüder.
Einer habe nit sins wybs schwester.
- 11 c Eine habe nit jren stüffuatter.
c Einer habe nit sins vatters wyb. Stüffmüter.
Eine habe nit jrer großmüter mañ.
Einer habe nit sins grosuatters wyb.
c Eine habe nit jro großmüter mañ.
c Einer habe nit fines grosuatters wyb.
- 12 c Eine habe nit jrer schwester mañ.
c Einer habe nit sins brüders wyb.

9

Ob diese gradus dem Jüdischen volck allein vnd nit and
ren ouch vorgeschriben syend. Cap. VIII.

Wid welcher hie vermeinen
wölte das gsatz Mosis wäre gäs
ben den Juden allein/ vnnnd nit
anderen völcfern/ insonders vns
Christen nit: der wüsse das Gott die Juden
im zum sundertrut erwölt hatt/ durch die er
gewöllen sin eer/ sinen namen vnnnd willen
ouch in andere völcfer vßtragen vnd vßkün
den. Siewyl sy dan ein gmeiner spiegel ge
wäsen sind allen anderen völcferen/ vñ aber
Gott die maasen im spiegel nit duldet/ so wil
ers ye ouch in anderen völcfern nit dulden.
Der will Gottes ist im selbs allwäg glych.
Vnnnd was er hie sinem volck in gschufft ge
stellt/ das hat er ouch anderen völcferē glych
vor vnnnd nach dem geschribnen gsatz/ in ire
hertzen vnd conscienzen yngeplantz. Dan
welcher nit gar ein vnnerschampt vñ vñhisch
hertz hat/ der tragt ein abschühen vnnnd grüo
wel ab der zamenfügung in obgemelten ver
bottnen graden. Erbarkeit/ scham vnd zucht
gibts selbs / das wir sölicher lüten müßig
gangind. So redt Gott klaar vnd heyter an
obgemeltem cap. Leuit. 18. Ir söllend üch in
diser stucken keinem verunreinigen. Dan in
disem allem habend sich verunreiniget die
Heidē/ die ich vor üch här wil vßstossen. Vnd
das

Dise grad
habend alle
wäg ein
schühen ge
hebt.

Das land ist dardurch verunreiniget: Vnnd
ich wil jr mißthat an inē heimsüchē / daß das
land sine ynwonner vßspürwe. Darumb hal-
tend mine brüch vñ rächt / vnd thünd nit ei-
nen diser grüwlen / vff das üch das land nit
ouch vßspürwe weñ jr es verunreinigēd. Vß
welchem ye güt zeuerston ist / das Gott nit
allein von sinen Juden geforderet hat das
sy sich diser gradē der blütfründtschafft vnd
magtschafft enthieltind / sunder ouch von al-
len anderen völkern / die er ouch zum höch-
sten straaft / das sy sich darin verunreiniget
hattend. Vnd thüt jnen kein vnbill. Dan ob
schon die Heiden kein geschriben gsatzt ge-
hebt habend / sind sy jnen doch selbs (als Pau-
lus sagt) ein gsatzt / in dem das sy Bewysend
des gsatztes werck in jren hertzen beschriben
syn. Siewyl ire gewüßninen sy Bezüged / dar-
zü ouch jre gedancken / die sich vndereinan-
dren verflagend od entschuldigend / vff dem
tag des gericht. Darumb ist by Gott kein
ansähē der personen / sunder welche one das
gsatzt gsündet habend / die werdēd ouch one
gsatzt gerichtet werden. Rom. 2. cap.

Es ist ouch das ein grosse anzeigung das
Gott von mengklichē vfferden wil dise gra-
dus vermitteln vnnnd geschücht werden / das
er vff die überträtter des todts straaft fellt.
Dann also spricht er Leuit. 20. cap. Wen ye

54
Straaff
dero die in
etliche vers
bottne gras
gryffend.

mands by fines vatters wyb schlaafft/das er
sines vatters scham entblöft/die söllend beiz
de des todts sterben/jr Büt sye vffjnen.

Wen yemants by sins suns frowe schlaafft/
so söllend sy beide des todts sterben. Dann sy
habend ein schand gethon/jr Blüt sye vffjnē.

Wen yemants ein wyb nimt/vnd die mü
ter darzü/der hat ein laster verwürckt/man
sol jn mit für verbrennen vnd sy ouch ꝛc.

Wen yemants sin Schwester nimpt/sines
vatters vnd siner müter tochter/vñ jr scham
blöft/das ist ein schand. Die söllend vßges
rütet werden vor den lüten jres volcks.

Siner müter Schwester scham/vnd dines
vatters Schwester scham/solt du nit entblöf
sen. Dann ein sömlicher hat sin nächste blüt
fründin vßdeckt:vñ sy söllēd jr schuld tragē.

Wenn yemants by fines vatters Brüders
wyb schlaafft/der hat sins vettern scham ent
blöft/sy söllend jr sünd tragen/on kinder söll
end sy sterben.

Wenn yemants sins Brüders wyb nimpt/
das ist ein vnflat ꝛc. Hierinn werdend fry
lich ouch begriffen die grad die glych od ouch
näher sind/namlich Das ein vatter nit by si
ner tochter/noch die müter by dem sun ꝛc. li
gen sol/vñ ob es beschäch/das man dannet
hin gewalt vnd recht habe zü jro lyb vnd lä
ben gerichtē/das ouch jro blüt vffjnen blybe/
vnd

vnd nit vff dem richter / Der jm von gefellter
vrtail über des schuldigen blüt keiner raach
noch straaß von Gott zü besorgen hat.

Wyer sind ouch dise grad by den Heide
(wie dan vor ouch anzogen ist) die nit gar zü
vhischer vnuernunfft vnnnd wütery künen/
verbotten gewäsen. Der heilig apostel Pau
lus achtets gar hoch/das by den Counthern
von solicher vnkeuschheit solt gehört werden/
die ouch by den Heiden schandtlich vnd vn-
gehört was. 1. Cor. 5. Vber das alles habend
gemelte gradus ouch die fromen oberer vnd
Christliche künig vñ Keiser zum höchsten ver-
bottē/als man findt in Cod. lib. 5. tit. 5. de in-
cestis & inutilib. nuptijs. Item Pandect. lib. 23.
vnd Instit. lib. 1. tit. 11. de Nuptijs. Darumb
hilfft nit der ynwurf den etliche Moses hat
ben thünd/sam dz gsatzt Moses dē Christen
abgenōmen vñ abgethon sye. Zucht/scham/
erberkeit ist niemants von Gott abgethon.
Die Iudicialia sind im gsatzt nit also abgethō/
das keine me sollind vnd dem Christen volck
syn. Die fryheit ist vns wol gegābē/das wir
an die stuck oder vmbstend nit angebunden
sind/die fürnemlich dem Jüdischē volck von
gelāgenheit der zyt vnd art des lands vnnnd
des volcks gābē warēd. Aber wider rechts/
gebürlichs/eerlichs vñ froms/hat vns Gott
nie gefryet/vnd die selben gsatzt nie abthō.

Mosis
gsatz ab-
thon.

Darumb keere sich niemants an die / die mit dem tittel Christlicher fryheit vß allen erberren gsatzē in alle vnzucht deß fleischs schlieffen wöllend.

Bapsts
rächte.

Die Bapstischen rächte / als man sieht in Decret. lib. 4. tit. 14. verbietēd ouch den vierden grad/vnnd schlabend ein wunder seltsamen merckē vß ouch anderer graden vnd der gfatter schafft halbē. Doch lassend sy sich williglich schlyssen vō denen die gält bringend/vnnd lassend vmb gälts willen nach / das sy villicht vmb gälts willen erfunden vnnd vßgesetzt hattend. Darum̄ thünd im die Christlichen oberen wol vnd recht / die sust vnd one gält fry nachlassend / das der Bapst in sinem Chünzistorio vmb gält verkoufft vnd nachgelassen hatt. Dann hierinn vil minder des Bapsts rächte zū achten ist / dann des Indianischen herren gsatz. Was gadt vnns der Indianer an? Was gadt vns aber ouch der Bapst zū Rom an?

Keiserliche
rächte.

Die Keiserliche rächte habēd wenig graden mee / dan die gemeldetē vß dem gsatz Gottes: onet wie vor gemeldet vom drittē grad. Daruff sähend vilicht ettliche oberkeiten/vnd strickend ouch den dritten grad ab / lassend den vierdten gon. Was aber Gott verbottē habe oder nachgelassen / hat menglich nunmee wol verstanden.

Hierumb

Hierum sol aber niemants bochen vñ wü-
ten/ der oberkeit verbott schmähen schupffen
vñ verdammen. Ein Christen mensch weißt
wol das der oberkeit in sölichen stucken vnd
vfferen dingen/ die wider das war heil nit
sind / die seel vnd conscienz nit verstrickend/
vil gwalts von Gott gäben ist. Wo nun die
oberkeitē niemāts sin conscienz verstrickēd/
vnd den dritten grad nit zur sünd machend/
sunder diewyl sust so vil lüten vfferden sind/
das ein yetlicher sich wol vnd eerlich versähe
mag/wesh er schon in dritten grad nit gryfft/
diewyl ouch by vilen lütē noch ein groß schü-
hen darab ist / vñ vmb dero vñ dero glychen
gelägenheiten willen den dritten grad ver-
bietend / was kan man hierumb vil gschreiß
vnd wäsens machen? Herwiderum kan vnd
sol man vil minder die verdammen vnd ver-
schupffen/die by dem wort des Herren allein
glybend/ one anhang. Ja alle die oberkeiten
die etwas noch zū diser zyt/ergernus zū ver-
myden / wyters nachlassend vñnd duldend/
dan sy sust von göttlichs geschribens rächts
wägen schuldig wäred / söllend sich doch mit
der zyt beflyssen/zū des Herren gsatz vñnd
wort zum nächisten anhalten vnd zuträtten/
damit sy nit etwan geachtet werdind/ witzig-
ger wöllen syn dann Gott ist / vñnd also in
Gottes gericht fallind.

Der dritte
grad vers
botten.

55

Vnd dem gmeinen einfalten menschen ist darzwischen vnd zu allen zyten nützlich sicherers vnd bessers dan das er der Verichtern oder wysen radt habe / wenn er der fründtschafft halben By jm selbs irrig oder zwoyfelhafftig ist ꝛc.

Von rechter verwilligung in die Ehe beider Menschen / vnd das die Ehe frywillig sein sollte. Cap. IX.

Vnd gemelter stucken sol ein yetlicher Christen mensch im Beziehen der Ehe warnemen / namlich das sein Ehe nach gemeinem rächten / nit zu nachteil dem waaren gloubē / mit wüssen vnd verwilligūg seiner eltern / oder dero vnder welcher gwalt er ist / vnnnd nit in verboten graden der blütfründtschafft oder magtschafft bezogen vñ zamengefügt werde. Zu dem allem vnd vorab wirt erforderet beider frywillige hertzliche verwilligung / wie dan in der beschrybung gemeldet ist / Die Ehe solle mit beider güter verwilligung zamē gefügt werden. Von der selben güte verwilligung wil ich yetzund disen kurtzen bericht gäben.

Verwilligung.

Die verwilligung ist das begäben vnnnd zufallen dines hertzes / da du gegen dinem erwölten gmahel in die Ehe vnd in die höchsten liebe vnd gmeinsame dich erwigst vnd ergibst. In der hürischen liebe vnd verwilligung

gung ist ouch wol ein häfftiger anfal/ hafft
 vñ gunst gegen dem geliebten/ aber vß dem
 fleisch vnd zü argem / darumb hefftet der Teu-
 fel das hürisch bübisch band zamen. Die Zelich
 verwilligung entstadt vß göttlicher ord-
 nung/ vnd lendt vff das eerlich. Dañ sy lies-
 bet das erwölt oder fürgeschlagē mit ordens-
 licher vnd reiner liebe / By dem selben begärt
 sy mit gmüt lyb vnd güt nach dem wort des
 Herren zü blyben/ im zü dienē/ eeliche pflicht
 zü halten/ vñ lieb vnd leyd zü lyden: wie dañ
 ouch in der beschrybung volget/ Das sy bis
 an jro end für vñ für By einandren wonind/
 vnd jro läben in der aller höchsten gemeinsam-
 e verschlyssind. Darumb hefftet Gott das
 Zelich band zamen. Der hürisch/ fleischlich
 vnd angefochten will / entstat vß üppigkeit/
 sicht nit vff Gottes eer vñ ordnung / sunder
 vff wüst/ vff die hüpsche/ oder andere dergly-
 chen zerbrüchliche ding. Vnd so bald die sel-
 ben vfhörend / oder er jro maßleidig wirt/ so
 hört der will ouch vf. Der Zelich will aber
 (als gehört ist) sicht vff Gottes ordnung/
 tringt vff eer/ vnnd beharret in der liebe/ im
 trübsäligen wie im glücksäligen. Hierinn
 scheidet sich ouch die Zelich verwilligung
 von der natürliche neigung. Natürlich ist/
 das zwey menschen die glycher art vnd com-
 plexion / glychs wäsens oder wandels vnnd

glycher gſtalt vnd hantierung ſind/mee wil-
lens zamen tragend/dañ die thünd/die hie-
rinn kein gemeinsame habēd / doch iſt ſölicher
will nit also gſtaltet wie die verwilligung in
der Ke. Wiewol ouch vngezwyltet ſömliche
glyche der arten / vil zū beſtendiger eelicher
einigkeiſt vnd verwilligung thüt: vnd deſ-
halb faſt glüt darzū iſt. Vnd in ſumma/Ke-
liche verwilligung iſt das hertz / die art vnd
liebe/ die Adam zū ſiner Eua trüg. Er hatt
alle andere thier beſchowet/aber keiſe hat er
ſich vermögen: ſo bald jm aber die Eua für-
gſtellt ward/do ſprach er/ Das wäre einmal
gebein von minem gebein / vnnnd fleiſch von
minem fleiſch/das iſt/ die hat mins hertzens
gmüts vnd geblüts/1c. wie im 1. cap. geſagt
iſt. Umb dero willen vermeint er vatter vnd
müter zeyerlaſſen vnd jro anzehangen ſyn.
Sy erkant er ein lyb mit ſinem zū ſyn: ſo
müß ouch volgen das ſy ein gmüt hertz vnd
willen gehebt habind. Dañ kein einiger lyb
hat zwen widerwertig willē / ſunder ein lyb
hat einen willen.

Der eelich
will von
Gott.

Vnnnd ſömlicher will wirdt von Gott den
menſchen yngegeben / vnnnd gantz gwaltig
empfundē/dann er übt ſich ſtarck/vnd richt
ſich vnd tringt nach ſins gelychen. Dannen
har die alten rächt geredt habēd/die Ke wer-
de allen menſchē von Gott beſchert. Dan-
nenhar

nenhar kummend oft vnuerwändte Lein/
 doch nit vnordenlich / mit Gott zusamē. Vil
 werdend wol angeschlagen / wöllēd aber nit
 geradten / dann Gott hats nit also geordnet.
 Thobie 7. cap. spricht der engel / Sara die
 tochter Raguels solle den Thobiam haben:
 dann sy sye jm von Gott verordnet / vnd vß
 dero vrsach syend die siben mann / denen sy
 nacheinandren versprochen worden / mit todt
 abgangen. Genesis 24. als die elteren Re-
 beckā die wunderschickung Gottes durch
 das werben Liezzer vernomen hattend / sprā-
 chend sy / Das ist von dem Herren kumen/
 darumb könnend wir nit wider dich reden/
 wed böses noch güts / da ist Rebecka vor dir/
 nim sy / vnd züch mit jro dahin / 2c.

Vß welchem allem gützenerston ist / das ^{Die Ge sp} die Le sol frywillig vnnnd weder von den el- ^{frywillig.} tern noch anderen menschen genötet vnnnd
 erzwungen werden. Dann diewyl die Le/
 beider eemenschen güte verwilligung ersor-
 deret / die allein Gott / vnd nit die menschen/
 gāben kan / so söllend ye die eltern jre kind
 nit zwingen / sunder Gottes ordnung vnnnd
 rechter ordenlicher bewilligung warnemen
 ob die da sye oder nit. Bathuel vnnnd Laban
 achtetend der ordnung Gottes / vnnnd do sy
 die selben gwaltig vor ougen hattend / den
 noch beschickend sy die tochter Rebeckam /

erkundigetend sy ires willens ouch / vnd als
sy frywillig ja sagt / ward sy erst abgefertiget
dem Isaac irem versprochenen gmahel zu.
So sind vil exempla vor ougen / vß denen
man erlernen mag / was ellends vnd jamers
vß den vnwilligen gezwungnen Len geuol
get ist. Vnnd wäre deßhalb hie wäger die
oberen versähind vorhin das niemants sine
kind zwunge / dann das sy erst hernach weñ
die sach schier versumpt / vnd schaden vffscha
den volgt / mit wenig frucht vnnd doch mit
rühe handeln müßend.

Der kinder
anfächtung


Hie söllend aber ouch die kind bedencken /
das sy hierumb nit grad kybind / vnnd mit
gwalt ouch mit verachtüg der eltern zu irem
grossen vnheil ybind / inē ein willen vō Gott
yngabē syn sich vndernāmind / der aber von
Gott nit yngeben / sunder von eigner anfäch
tung hie ist. Dañ es begibt sich oft / das sich
ein kind einer wyß annimpt die nüt sol / vnd
Gott mißfallt / vn̄ namlich dz es vnderstadt
ein vnerliche vnredliche person zu haben: als
die tochter / den fryen frästen hurtigen spiler
vnd prasser / oder den verlognen vil listigen
Betrieger: der knab / die üppigen vßgestrich
nen fentzigen mätzen / da die eltern künfftig
gem übel fürzukūmen billich ynredend vnd
weierend. Sy söllend aber darumb die kind
zu anderen Len / zu denen sy gar kein hertz
vnd

vnd willen nit habend/ nit zwingen/ sunder
sunst mit vernunfft vnd vßzug oder gütem
dapfferem bericht abrichten / die verkeerten
wyß jnen vßnemen / vnd sy zü jrem nutz vñ
fromen mit Gott kömlich füren.

Etwan beschicht es das die Eltern selbs ^{Der eltern}
nit recht dran sind / vñ ouch nit eer vñ rechts ^{ansächüg.}
süchend/sunder nun jr ansächtung vnd Boß-
heit. Da sind dan etwan die kind vernünfft-
tiger vnd redend den eltern kömlich vnd mit
züchten yn. Es begibt sich ouch dick das die
Eltern nit destminder vff jrer verkeertē wyß
vff jrem gyt vnd Boßheit verharrend/ vñ jre
kind zü versetzen vndernehmend. Darumb
etwan die kind / diewyl sy über jre jar kumen
sind/ vß kömlichem trang genötet/ sich selbs/
mit radt/ eerlich/ versähend. Da frylich von
der oberkeit nit zü gestatten ist / das die vn-
uernünfftigen vngottsföchtigen eltern/wie
sy wöllend/ fürfarind. Dan wie den finden
die ansächtung/ da sy etwan vnnütze nütßlö-
lende lüt haben wöllend / wider jro heil / nit
zü gestatten ist: also kan kein Billigkeit üch el-
terē üwers gyts gsitzē / damit jr üwer fleisch
vnd blüt versetzind. Ir meinend wol etwan
jr wöllinds fast wol versorgen / diewyl aber
üwer fürnemen nit vß Gott ist / noch vff eer
lendet/ so versetzend jrs. Darumb achte ye-
derman Gottes/ der eeren/ vnd rechter ver-

willigüg/so wirt gott niemäts lassen verfarē.

Von den vrsachen der Ee/ warumb sy solle bezogen roeten.
Cap. X.

 Vnd damit gemelte verwilligüg noch Baß vermerckt werde/wil ich fürbaß die vrsachē der Ee/namlich warumb sy yngesetzt/vñ warumb sy solle bezogē werde/mit gotts wort erklären / damit mengflich verstande woz yn er willige/wenn er in die Ee verwilliget.

Von wäge
das so kins
der gebäre
sind.

Die vrsachen aber der Ee sind ordenlich einandren nach in der beschrybung der Ee/im 2. cap. gestellt vnd gemeldet/namlich/vñ zum ersten/wirdt die Ee bezogen von glönbigen das sy kinder gebärind oder by einandren habind. Dise vrsach ist in volgenden worten Gottes gemeldet vnnnd gegründet/Vnd Gott schüff den mensche in siner bildnuß/in der bildnuß Gottes schüffer in/mañ vnd wyb schüffer sy. Vnd Gott benedyet sy vnd sprach zü jnen / fruchtbarend vnd meesrend üch/vnd füllend die erden. Darumb Beziehung die glönbigen die Ee das sy kinder überkumind. Vnd wüssend wol dz bärhafft oder vnbarhafft syn/von Gott kumpt: Darumb erkennend sy ouch das sy die kinder nie von jnen selbs/sund von Gott habend. Vnd dise vrsach ist nit kleinfüg vñ ring. Dan kind haben

63
habē ist der grōßst scharz. In den kinden lā-
bend die elteren (also zeredē) ouch nach irem
todt. Dann die kinder ersetzend die elteren.
Vnd so sy wol zogen vnd geradte sind / wirt
Gott durch sy geeret / der gemein nutz gefür-
deret / es beschicht allen mensche ouch den el-
teren selbs guts durch sy. Sy sind der eltern
trost nach Gott / frōud / der stab vñ vfhalt
ires alters. Der vnglōubig achtet dero vrs-
sach nit / vnd fürcht in fallind kind an / vertrū-
wet Gott nit / wil die arbeit ab im schütten /
vnd manglet deßhalb d eeren vñ des guten /
das dem glōubigē vß diser frucht erwachst /
welcher sin hertz vñ lust daruff gsetzt hat das
er mit seiner Le Gott vnd dē mensche ein gü-
te wolgefellige vñ nütze frucht pflanze vnd
fürbringe. Doch begibt es sich vil / das dise
frucht ouch gottsfürchtigē lüten abgeschlagē
wirt / vnd das sy frylich nit one verordnung
Gottes vnd one vrsache / keine kinder by ein-
andren habend: welchs d glōubig von Gott
ouch dultigklich vfnimpt / glych wie der dem
Gott der kinderen gonnt / Gott darūm das
er in fruchtbar gmachet hat ernstlich dancket.
Deß alles habend wir ein herzlich exempel
in den heiligen drey Patriarchē / Abrahamen /
Isaacen vñ Jacobē / welchs yederman kunte-
barer ist / dan not habe wyter daruon zeredē.
Darumb wenn es schon fällt an diser vrsach /

vnd dz Gott keine Kinder dir gäben wil noch
gibt/ dennoch ist din Le ein rechte Le vor
Gott. Dan es sind noch andere vrsachē auch
darumb die Le vfgesetzt ist / vnd darumb sy
bezogen wirt.

Das sy die
hüry vermy
de mögind.

Vnd mit namen so wirdt sy auch Bezogen
von gläubigen das sy die hüry vnnd allerley
vnreinigkeit vermyde mögind. Dife vrsach
gibt auch Paulus den Corinthern für in der
1. am 7. cap. vñ spricht/ Es ist dem menschen
güt das er kein wyb berüre. Aber vmb der
hüry willen/ die zeuermeyden/ habe ein yetli-
cher sin eigen wyb/ vnd ein yetliche habe jren
eignen man. Er spricht es sye güt vnd kom-
lich das ein man kein wyb berüre vnd sy Bes-
schlaaffe/ ja wenn jm Gott das gunnen vnd
die gaab gäbe hat/ das er wol vnd one brand
mag one wyber küsch läben. Wen aber eis-
ner oder eine nit mag/ so hat jm Gott die artz-
ny der Le gäben/ vnd wil die Zelichen werck
nit für sünd/ hüry/ vnküschheit oder vnreinig-
keit rächen. Dan er spricht ye heiter/ Es ha-
be ein yetlicher sin eigen wyb / vñ ein yetliche
jren eignen man. Eigen aber macht die Le/
hüren vnd büben sind nit gegen einandren
eigen/ sunder nun entlehnet. Es volgt auch
noch heyterer in Paulo das er die Zelichen
werck od das byschlaaffen nit nun den Le-
lüten vergundt/ sunder auch heist/ ja das er
auch

Heliche
werck sind
one sünd.

65
ouch yetwädern in d̄ Ee sin selbs gwalt ab-
schlecht/vnd klar sagt entwäders habe gwalt
dem anderen eeliche werck zeuersagen vnn̄d
abzeshlahen. Der mañ (spricht er) leiste dem
wyb pflichtige gütwilligkeit: desselben gly-
chen das wyb dem mañ. Vnd umbredt also
mit züchtigen wortē das Eelich byschlaaffen
od̄ die eelichē werck/ welche etliche zū Corin-
then vß b̄sonderbarer angenōmner geistlig-
keit vnn̄d falscher glych̄nerischer reinigkeit
jren eegmächlen abschlügend vñ verscytend:
der meinung sy wärind hierum̄ gantz heilig
vnd geistlich/ glych wie zū vnsern zytē etliche
widertöuffer vnd widertöufferinn jren Ee-
gmächlen ouch gethon habēd. Aber Paulus
heißt sy einandren die Eelichen pflicht vnn̄d
schuld leisten/ frylich der hūry zū weerē/ vnd
die vnreinigkeit zū demen. Dañ es volgt in
Paulo grad hernach/ Das wyb ist jres lybs
nit mächtig/ sunder der mann: Des glych ist
der mann sins lybs nit mächtig/ sunder das
wyb. Damit er ye heiter verbüt das keins
dem andren sinen lyb versagen sölle. Dann
sy zwey/ spricht der Herz ouch/ sind ein lyb.
Dannenh̄ar frylich der heilig vñ gottgeleert
bischoffin dem grossen consilio zū Nicea/ ge-
nommen/ das er geredt hat/ Sin eigen eelich
wyb beschlaaffen/ sye ouch ein reinigkeit. Dañ
Paulus glych im̄ selben cap. von den wirtwē

redt/ es sye wol gut wenn sy also blybind: setze
 aber grad daruf/ So sy sich aber nit enthal-
 tend/so sollend sy zu der Le gryffen. Dan wä-
 ger sye es zu der Le gryffen / dann gebrennt
 werden. Vnd bald darnach spricht er wyter/
 Wenn du zu der Le gryffst/ hast du nit ge-
 sündet. Sich was möchte heyterers gesagt
 werden? Zu der Le gryffen (sagt der Apo-
 stel Chusti) ist nit sünd / so muß ouch volgen
 das die Kelichen werck nit sünd syend / nit
 von jro selbs wägen/sunder von der Le vnd
 Gottes ordnung vñ vergünstigung wäge.
 Vnnd das noch über alles das ist das noch-
 mals anzogen/so volgt aber in Paulo/ Vnd
 so ein jungkfrow zur Le gryffst / hat sy nit ge-
 sündet. Dan es weißt ye mengklich wol/wie
 heilig vñ fürträfflich herlich die jungkfrow-
 schafft ist / noch dennoch sagt Paulus / die
 jungkfrow sünde nit/so sy in der Le jr jungk-
 frow schafft verlürt: so muß ye volgen das
 Gott die Kelichen werck nit rächne für sünd
 vnd vnreinigkeit. Sünd aber vñ wüste vns-
 reinigkeit ist's huren/schandlicher vñ laster-
 licher ist's jungkfrowen schwachen vnd ver-
 süren. Dan es sagt abermals Paulus zu den
 Hebreern am 13. cap. Die Le ist eerlich by
 allen/vñ das Bett der Kelüte vnbesleckt. Die
 hurer aber vñ Lebrächer wirt Gott richten:
 wieuil mer wirt er richtē die meitli schänder?
 Job spricht im 31. cap. Ich hatt ein pundt ge-

Jungkfro-
 wen schwa-
 chen.

machet mit minen ougen das ich kein jungfrowē ansähē wölte. Dan wie schwär ist die straff Gottes von oben herab / vn̄ was gibt der allmächtig zū erb v̄nd zū lon von der höhe? Verderbt er nit die büben/ v̄nd versstößt die mit solicher schalckheit v̄ngondt: c.

Der wyß man̄ Solomon spricht Proverb. 4. cap. Fröw dich mit dinem Eweyb die du in diner jugend genömen hast/ die sol dir syn wie ein geliebte v̄serwelte bynd. Ire Brüß sollend dich settigen alle zyt / in jrer liebe solt dich stäts fröwen. Dann warumb woltest du der hüren nachhängen vn̄ den büsen der frömbden umbfahen min sun? In welchen Worten Solomon/ glych wie ouch Paulus/ die Elichen liebe v̄nd werck alls reinigkeit liebet vn̄ lobt / von der hury aber alls wüster Befleckung abzücht. Darumb nunmer vn̄ gezwyflet/ das die E/hury v̄nd vn̄kuschheit zenermyden/ yn̄gesetzt ist/ v̄nd das die Elichen werck v̄o Gott nit für sünd verrächnet werdēd. Welchs alles ich etwz wytlouffiger erzelt v̄nd mit heiliger geschriffte erweisen v̄nd beweestnet: wiewol ich nit gern v̄o disem handel so vil geschriben hab/ doch zū gutem viler verwoiner conscienzen / die sich one vrsach v̄ß vn̄wüßsenheit Gottes erlaubnis v̄nd rächten / jämerlich hierinn pynigend v̄nd Beunrügigend / hab ich diß alles gethon.

℥ 4

Darumb ich ouch hoff niemants werde es
mir verargē: diewyl ich doch nützlich anders
gesagt hab/ dan̄ das vorhin Paulus selbs ge
schriben hat.

Maas vnd
scham̄.

Vnd ist hie in disem handel allem das wol
zū bedenc̄en/ das wie die scham̄ zucht vnn̄d
maas̄ güt in allen dingē/ das sy ouch hie güt
vnn̄d von hohen nöten ist. Die Le ist eerlich
vnn̄d heilig/ darumb sollend wir nit vnuer
schampt die zucht hinder die oren schlahen/
vnd den vnuernüfftigen thierē glych wer
den. Gott hat die Le zur artzney vnserm Blö
den vnd schwachen fleisch / sin vnruw zū ge
stullen/ vnd das wir am̄ geist vnd fleisch rein
vnd vnbesleckt syend/ gāben vnn̄d geordnet.
Wenn man aber damit mütwillet vnd vn
uerschampt redt vn̄ handelt / so mag die vn
maas̄ vn̄ vnuerschampte das güt zū bösen/
vnd die reinigkeith zur vnreinigkeith machen.
Vnd Paulus laßt ouch nach / das die Zelüt
(als von Bättens wāgen/ in grossen anligen
oder wenn sunst gfaarliche zyt sind) wol von
einandren bettē mögend. Doch ouch nit an
ders / dan̄ mit jro beider güter verwilligūg.
Darzū ouch nit allweg oder lang / sund̄ nun
ein zyt lang/ damit sich der tūfel nit ynflieckē/
vnd sy mit hūry oder vnreinigkeith versūche/
oder zeuollen mit Lebruch verführe.

Die dritt vrsach ist/ das eins dem andren/
nach

nach dem willen Gottes einsame zu vermyden/
ein Behilff vñ trost sye: welche der Herz
mit disen Worten vßtrückt hat/ Es ist nit gut
das der mensch allein sye / ich wil jm ein Be-
hilffen machen / der jm zu nächst bystande.
Vñnd bald hernach spricht er aber/ Sy beide
söllend ein fleisch oder ein lyb syn/ das wie
vñd den glideren ein gemeine hilff vñ gemein-
same ist/ also sol es ouch vnder den Zelüten
syn. Eins sol des anderē oug/o:/mund/hand
vñ fuß syn. In der trübsältigkeit sol eins des
anderē trost/ in widerwärtigkeit sol eins des
anderen widerbringen / vñd in allem läben/
ein Behilff vñd erhaltung syn. Vñd diß sind
die vrsachen/ vmb welcher willen die Ze vß-
gesetzt ist/darumb die gläubigen die Ze be-
ziehend / vñ vffweliche sich die Bewilligung
richtet vñd niderlaßt.

Einsame zu
vermyden/
hilff vñnd
trost zu bes
ropfen.

69

Der heiligen Ze end/ frucht vñnd lob/woie heilig/ cerlich
vñd gut sy sye. Cap. XL

SJeruß ist yetzud lycht zu er-
lernen was der Ze end/ ducht vñ
frucht / ouch wie sy so heilig nütz
vñd gut sye. Das ist der Ze end
Daruff sy lendt nit einsam syn/ein gellen diß
läbens haben / der lieb vñ leid hälffe tragen/
den du lieb habist/vñd von welchem du wie
derumb geliebet werdist/das du der blödig-

Der Ze
end.

Ze iij

Der Ee
würckung.

keit dines vnürwigen fleischs artzny vn stillung by jm findist / vnd also hury vn allerley wüst vnd vnreinigkeit vermydist / kind Gott zu eeren / dir vnd anderen dinen nächsten zu gutem nutz vnd fromen erziehst :c. Darum so ist yetzund jro ducht / würckung / krafft vn frucht / tröstē / byston / hálffen / radtē / reinigen / zu zucht eer vn scham fürderen / vnreinigkeit vstryben / Gottes eer vn gmeinen nutz fürderen / vnd der glychen andere vilfaltige tugenden anrichten.

Die Ee ist
heilig vnd
eerlich.

Dannenhar ist die Ee ein groß werck vn heilige ordnüg Gottes / die niemäts besleckt oder verunheiliget / dan dem der sy mit wüstem vnreinem hertzen annimpt / welchen doch (eigentlich zeredē) sin eigne boßheit vn nit die Ee verunreiniget. Dan sy ist allwäg heilig vnd gerächt an jro selbs / heiliget vnd eeret alle die sy mit rächtē hertze annemend. Sy hat ouch ye vn ye ein fürträffliche achtüg reiner herrlicher eeren gehebt by allen rechtuerständigen völkern / also das Paulus hat fry reden gedörien / Die Ee ist eerlich by allen / oder by aller wält.

Dan Gott selbs hat die Ee vfgsetzt durch sich selbs / vnd nit wie andere güte satzungen vn ordnungen / durch sine engel oder heilige mensche: er hat sy ouch grad im anfang vnd im lustgarten / frylich zu lust vnd nit vdrutz
dem

41

Dem mensche angehebt. Alle andere ordnung
sind vffet dem Paradyß angesähen / die
Le ist im paradyß vffgericht. Vnd so dan ein
yetliche ordnung jr lob vnd eer von irem ers
sten anheber / vnd von dem alter / oder ort da
sy gemacht / od von dem nutz den sy bringt /
hat / so ist frylich die Le die loblichest eerlichest
ordnung / als die von Gott selbs / im Para
dyß / in anfang der wält / vnd zu gutem vnd
lust dem menschen vffgericht ist.

Darum habend in der Le geläbt die aller
heiligeste / frömest / wysesten vñ redlichsten
man vfferden : ja der heilig geist beschämpt *Genesis.*
sich nit grad im erste büch der Bibli merteils
nüt anders / dann von Len / finden / wiegen /
geburten / vñnd derglychen eelicher hußlige
keit zum einfaltisten zereden vnd zeschryben.
Wemann sind gewesen Adam / Enoch / Noe /
Abraham / Loth / Isaac / Jacob / Joseph / Job /
Moses / Aaron : ouch andere regenten / ryche
ter / püester vnd künig / Josue / Gedeon / Phis
nees / Samuel / David / Ezechias / Josias / O
seas / Isaias vñ andere prophetē mer. David
rümpt den Bestand als ein bsunderen sägen
Gottes / den er denen beschere / die in lieb ha
bend vñnd denen er günstig ist / vñnd spricht
Psal. 127. Wol allen denen die den Herrē vor
ougen habend / vñ in sinen wägg wandlend.

Den wirst du das niessen das du mit diner
handarbeit überkumen hast/ O wie sällig vn̄
glückhafft bist du. Sin Ewyb ist wie ein
fruchtbare wynrâb/die nâbêd an dinem huß
stat/dine kinder aber wie die gepflantzte ol-
bôum vmb dinen tisch herumb. Sich also
wirt beradten ein yetlicher der den Herren
vor ougen hat/ 2c. Dannenhar hattends die
wyber des alten testaments für ein grosse
schand vnd plag/ wen̄ etwa eine vnbarhafft
oder vnfruchtbar was.

Im Nüwen testament hat vnser Herz Je-
sus vnder dem namen des Westands wöllen
erbohren werden. Dañ die jungkfrow Ma-
ria dem Josephê/der da was vom huß Da-
uids/ vermächlet gewâsen / doch hat sy von
dem Heiligen geist empfangê vnd ein reine
jungkfrow geboren/ ist ouch ein reine jungk-
frow geblibê. Das erst zeichen das der Herz
Christus gethon/hat er vff einem hochzyt vol
biacht/ vn̄ namlich ein sôlich zeichen/das dem
Westand trôsten kan / Gott werde die sich in
siner forcht vnd gloubê sines ewigen worts
vermächlend/zytlicher narunghalbê nit ver-
sumen/ouch kônne vnnd wölle er das vnge-
schmactt wasser aller trübsalen verkeeren in
den süssen wyn sines gnadrychê trosts. Die
heiligen apostilen vnnd prediger Jesu Christi
habend Ewyber gehebt / als von dem heili-
gen

93
gen Petro vnd andern apostlen Paulus der
apostel sagt 1. Corinth. 9. vnd von dem heis-
ligen Philippo Lucas Acto. 21. vnd Euseb.
eccles. histo. lib. 3. cap. 30. Paulus nennt die
leer deren die die Le verbietend vnnnd ver-
strickend. tufels leer/vnd spricht 1. Timoth. 4.
Der geist sagt offentlich / das in den letzten
zyten werdind etlich von dem glauben ab-
trätten/vnd anhangen den verfürischen geis-
ten / durch die so in glychßnery lügen reder
sind/ vnd brandmal in iren gewüßninen has-
bend vnnnd verbietend eclich zü werden 2c.
Darum volgt das die leer die die Le als hei-
lig eerlich nütz nodtwendig vñ güt darthüt
vnd bekennet/Gottes leer grächt vnd güt sye
heilig vnd vnbesleckt.

Das der Papsst den Eckand den geistlich genannten vojs
der Gott/eer vnd rächt verbotten habe. Cap. XII.

Warumb ist es sich wol trāff-
lich zü verwunderē/ warum doch
die letzten Pāpst vngefaarlich in-
net 400. jaren den dienern der kil-
chen in Türschen landen die heiligen Le ab-
gestrickt habind. Doch wirdt des wunders
minder/weñ man gedencft an weß statt der
Papsst sitzt / vnnnd wār in jm würcke regiere
vnd den vnradt allen trybe / frylich der geist
Antichristi. Sy schryend die reinigkeit sye
Reinigkeit
heilig.

heilig. Vnd sind sy aber wüster Dann wüst.
Dann sy nit minders dan rein läbend. Sy
reded ouch glych als ob die Le nit heilig / vn
rächte reinigkeit sye. Es ist wol waar / Pau
lus rümpf die jungfrowtschaft hoch / als sy
ouch fürträfflich zu prysen ist / dann sy vil rü
wen bringt / viler beschwården vnnnd burdi
nen der seelen vnnnd lybs entladt / ouch das
gmüt vnd den lyb styf vnnnd vnzertrennt an
Gott haften macht. Was gadt aber das die
groben wüsten vnslätigē hürer an? Sy sind
nit also / sunder zum dieffisten in allem wüst
versenckt. Es setz ouch Paulus glych vff dz
lob der junckfrowtschaft / Sölichs sag ich üch
zu gutem / nit das ich üch ein strick an halß
werffe / sunder das es üch wol anstadt / das jr
dem Herrē styf vn vnzogen anhangind.
Hörtēd hie zu jr Bapstler / Wierwol die jung
frowtschaft ein edle hohe gaab vom Herren
ist / die dem Herren zum nächsten anhefft /
noch denocht wil Paulus niemants keinen
strick anlegen / noch vñ des güten willen ein
gfarlich gebott vfrichtē / vn die Le verstrickē.
Sömlchs söltēd ouch die Bapst / die nachuol
ger Pauli wöllend geneit syn / gethon habē /
vn einem yedē fry gelassen / nach siner gab vō
Gott empfangen / eintweders also one eege
mabel zeblyben / od sich eelich zu vermächlen.
Dan das die Le allen mensche gemein vn

Die Genie
mants ver
boten.

45
gar keinem stand vff erden verbottē sye von
Gott/ist güt zū verston vß allem dē das bis-
har von der Ee gesagt ist. Die Ee ist an jro
selbs in allwäg heilig/vnnd besleckt gar nie-
mants. Warum wolt dan ein heilig nutz vñ
güt ding nit gmein vnd fry syn? Der Herr
redt selbs im heiligen Euangelio/Matt. am
19. cap. Es ist nit yederman geläge noch gä-
ben one gmahel zū läben: Wār es habe vnd
möge/der möge es wol thün: sam er spräch/
Wār es nit mag oder hat/mag sich der Ee be-
hälffen. Dan ye das wort Pauli vnbeuwegt
blybt/Es ist wāger zur Ee gryffen dan ge-
brennt werden. Das ist ein gemeiner spruch
vnd trifft yederman an/scheidet weder geist-
lich noch wältlich. Ja wen man glych vff den
stand/vff das ampt/vñ vff den kilchendienst
tringen wil/so ist doch kundt/das ein reiner
stand durch ein reine ordnūg nit verunreini-
get wirt. Warum solt dan dem diener d kil-
chen die heilig ordnūg der Ee verbottē syn?
Der das ampt vñ dienst der kilchē vfgesetzt/
der hat ouch die Ee vfgesetzt. Vnd der geist
der den dienst d kilchen als heilig gottgfellig
rümpt/d selb pryßt ouch die Ee als eerlich vñ
Gott fast angenām. Vñ Paulus selbs fordes-
ret von dem pfarrer/das er habe ein Eewyb
vnd gottsförchtige wolgezogne eeliche kind.
Besäch man den text 1. Tim. 3. vñ Tit. 1. cap.

Darum welche sich fürhin wid dise so halle
warheit setzend / sind wüst vn unreine men-
schen/pflantzer vnd schirmer aller hury vnd
vnreinigkeit/an denen sich Gott gwüßlich
rächen wirt zu siner zyt.

Gelübt der
reinität.

Das aber etlich hie ynredend/ Es sye wol
war/der Herz Christus vnd der heilig Apo-
stel Paulus habind die Le fry gelassen vnnd
den geistlichen nit verbottē / diewyl aber die
geistlichen/ das ist die diener der kilchen/ die
yetzund am ampt sind / one wyber zu läben
gelobt/ so sollind sy ouch trüwlich halten was
sy gelobt habēd: mag nit sömlicher widerred
verantwortet werdē/ das die diener in Tüt-
schen landen nit anders rein oder one wyber
zu läben gelobt habend / dann quantum per-
mittit humana fragilitas, so vil menschliche blö-
digkeit jnen sölichs züließe. Diewyl sy aber
jrer blödigkeit halben rein one wyber nit lä-
ben könnend / habend sy die Le nit verlobt.
Dann die Le ouch reinigkeit ist/ hury ist vn-
reinigkeit. Wenn sy dan Lewyber neimend/
so haltend sy doch ire glübt erst. Oder aber
bewärend jr das die Le vnrein sye: wenn sy
sich nit vereelichend vnd aber hürend / denn
haltend sy wol jr glübt nit. Wenn sy aber
die Le schon verlobt hettind / so wäre doch
das vorhin zu erwägen / ob der mensch das
zu verloben habe / das in sinem gwalt vnnd
vermögen

77

vermügen nit ist: Es ermässe ouch ein yeder
By jm selbs/welchs doch traglicher od lyden-
licher vor: Gott vnnnd der wält sye/ein to:recht
vnnütz glübt thun/vñ to:heit darzü volbrin-
gen: oder nun mit dem mund vñ verheissen
sünden / vnd aber mit der thaat nit sünden.
Die gelobend to:lich vnnnd thünd übels oder
lasterlichs darzü/ die reinigkeith gelobend/vñ
über das/ das sy empfindend/ das sy nit one
wyber läben mögend/nüt dester minder hü-
rend/ vnnnd irem hüren läben das glübd der
künscheith fürwelbend. Die aber gelobend
allein to:lich/vnd thünd aber nit to:lich/oder
lasterlich / die die Le vß güter od gezwung-
ner not verlobend: weñ sy aber empfindend/
Dz sy one ein Legmabel eerlich nit läben mö-
gend/ das sy zü der Le gryffind/damit sy nit
hüren vñ sich verunreinigen müßind. Vnd
findet sich also mit der rächnung dz niemäts
sin glübt fräulicher vñ schandlicher brich:
dan äben die den glübt:uch gern ander lü-
ten vff den halß trächind.

Man sieht ye häll vnd ist am tag wie rein
vnd one wyber sy läbind. Was darffes dan
worten: Was wil man hüry vñ offne schand
vnd schmach/die richtig wider Gott vnd alle
erbarkeit strydet / vnder dem to:rechten tittel
des glübts zü schirmen: Sind wir dan alle
samen zü narren wordē/ das wir nit verston

Unreini-
gkeit vnder
dem glübd
der reinig-
keit.

wöllend das Gott sömlicher ellenden gläub-
 ten nützig bedarff vñ jnen nützig nachfragt?
 Da ligt dem tüfel aber vñnd seiner vnreinen
 wüsten rott der hasst / Gott gebüt dem die-
 ner / das er mit ernst der hüry vñnd aller vñ-
 reinigkeit weere. Mit was antlits / mit was
 glimpffereen vñnd süg aber wil der diener
 sömlichs thün / weñ er selbs ein offner hürer
 ist / vñnd eben ein hürer syn muß? Der Herz
 spricht im Euangelio zu sinen dieneren / Ze
 sind ein liecht der wält: also sol üwer liecht
 lüchten / das die menschen üwere güte werck
 sähind / vñd p̄ysind den himelischen vatter.
 Weñ man nun in dem liecht oder sürgesetz-
 ten sicht ein sömliche wüste finsternus / alle
 üppigkeit vñ vnreinigkeit / lieber was meinste
 du das sölichs in dem gemeinen schlächten
 menschen bringet? Der tüfel hat den vnradt
 erdacht / der hiffet hie vñ schirmp die wüsten
 üppigen leer / nun das man rechte reinigkeit
 nit erkenne / vñ er allwäg in seiner glychßner
 vñd wüßt rychßne.

Die Gevß
 anfang fry
 den geistli-
 chen.

Die Zeist den dienern der kilchen im alten
 testament nie verboten: vñnd warend dens
 noch sy ouch diener des worts Gottes vñd
 der Sacramenten / berüfft zur heiligkeit vñd
 reinigkeit. Im Nüwen testament wirdt sy
 jnen mit einem büchstaben nit verbottē / aber
 öffentlich vñ vnlougenbarlich erloubt. Dar-

zu habend die alten heilige Bischoff Lewyber
 gehet vnnnd eeliche kinder. Das erfindt sich
 klarlich in den historien ouch in Eccles. hist.
 Eusebii. In dem grossen Consilio zu Nicaea/
 zu den zytē des keisers Constantini magni/
 als man vngesfahrlich zalt von Christi geburt
 320. jar/ward wol von ettllichē Bischoffen das
 ist pfarreren anzogen / Ob man die Le den
 Bischoffen / das ist / den dienern des worts
 abschläge vnnnd verbutte. Aber es ward also
 geradschlagt vnd abgeredt/ Kelich werden/
 od also one Lewyber blyben/sölte in yetlichs
 fryer waal ston. Hette yemāts die gnad das
 er one wyber läben/vñ sich enthalte möchte/
 so solte ers thun. Wär das nit möchte / der
 solte zur Le gryssen : Diewyl doch syn eigen
 Lewyb beschlaaffen ouch ein reinigkeitt vnd
 nit sünd sye. Sölte man die Le yetzund ab-
 stricken/so wurde man die diener zu hury
 vnd offner schand tringē/ das doch vnchrist-
 lich wāre/ 2c.

Diser Sententz hat in merteil Christlicher
 Kilchen ein sürgang gehet/insonders in den
 Kilchen Tütscher landen/biß das Hildebrand
 der münch/ Papst/vnd Gregorius VII. ge-
 nennt ward. Der warb durch sin bottschaft
 an den Bischoff von Mentz/ob er vilicht das
 verbieten der Le by der priesterschaft er-
 langen möchte. Ja er gebot jnen by verlies

Wenn die
 Le verbot
 ten.

rung ihrer Ämpteren / ihre Zewyber von inen
zethün. Aber als hierumb zu Erdfurt im
October oder Wynnmonat ein grosser Syno-
nodus ward / woltend die priester der anmü-
tung kein statt gäbe / sagted der Bapst hand-
lete solchs vß kaiserischem geist / wolte der
büry vñ aller vnreinigkeit die thüre vstün.
Paulus hette geredt / Wäger istz zu der Le-
gryffen dan gebrennt werde. Darum wols-
tend sy nach dem wort des Herrē ihre Zewy-
ber behalten / vnd das ampt ee / dann die hetz-
ligen Le verlassen. Sy wöllind ouch gern
sähen ob man die kilchen mit Englen / vñ nit
mit menschen versähen könne. Vnd in sum-
ma / so träffenlich handtlich warē die from-
men lüt an der warheit / das ouch der bischoff
von Mentz in grosser gfaar stünd / vnd we-
nig für hatt / er wäre vß dem stül von inen ge-
rissen vnd zu tod geschlagen. Derglychē nit
ynlang darnach ouch dem bischoff von Chur
widerfür / ouch in einē Synodo / d̄ zu Mentz
versamlet was. Also gar vnchristlich vñ vn-
erber beducht sy die Bapstlich anmütüg syn-
dis ist beschähen als man zalt von Christi
geburt 1074 vñ 1075 jar. Vnd wirt geläsen in
der Chronica H. Lamberti von Schaffnas-
burg / der zu den selben zyten ein münch Be-
nedictter ordens / zu Hirßfelden gewäsen ist.
Vnnd zu gemelter zyt habend sy mit ihrer
dapffer

81
Dapfferkeit dem Papst sin vnbillich fürnemen
gebrochen. Hernach aber als sy mit der
zyt an Dapfferkeit abgenomen/vñ die Bapstli
schen mit jren listen vñ practiciieren nit nach
gelassen habend/ist es dahin kumen/das alle
die man gewycht oder geordnet hat zü die
nern der kilchē/küschheit habēd gelobē müs
sen/doch ist dennocht das wörtlin hinzü ge
thon Quantum permittit humana fragilitas, so
vil mir menschlicher Blödigkeit halb müglich
ist: wie obgemeldet ist. Da aber yetlich bi
derman dennocht die rächnung wol machen
kan: Habend nun die pfarrer vñ priester all
die vor denen letzten 400 jaren vff die tusent
jar vorhin geläbt/vnd cerlich geläbt habend/
te wyber gehebt/vnd ist jnen nit sünd gesyn:
waarlich so ist es nit erst innet 400. jaren/von
des Bapsts verbieten wägen/sünd worden.
Aber was darffes vil worten? Es ist ein bü
bery. Vnd wir habēd mit vnsern ougen ge
sähen / was schanden vñ vnreinigkeit vñ
dem verbieten der priestern Le geuolget ist/
vnd was es grossen übels der kilchen Christi
angericht hat. Das nit one vrsach der heilig
bischoff zü Augspurg S. Vlrych auch dar
wider geschriben vñ geradten hat man solle
die Le den priestern nit verbieten.

Vñnd grad die die hüttigs tags weiß ich was Canones vnd Patres oder Consilia rü

Bapstliche
Canones
wider die
bürg.

mend wider der priestern Ee/zerträttend et-
liche Canones selbs mütwillig. Dann stat
nit Distinct. 32. ca. Præter/ das kein hörer solle
Mâß halten? Lüg wie haltend sy das so syn.
Stat nit im ca. Nullus in der selben distinc-
tion/ das by dem bann niemants keines hū-
rers Mâß hōren solle? Lüg wie thūt mans
so hüpschlich. Stat nit Distinct. 29. ca. Si quis
docuerit/ Welcher vermeinte vnnnd hielte den
priester nit mee geschickt syn zum göttlichen
ampt/ darumb das er ein Eewyby hat/ der sye
verbannet. Jetzund habēd sy das vmbkeert
das sy die verbannend die Eewyber habend
vñ göttlichen ämptern dienend. Wir lassend
aber das ellend veriameret volck faren. Dan
sy gemelte Canones verkleibend vñ für sprū-
wer rāchnend / ja alle dise wālt narrend vnd
mit gsehenden ougen blind machend / oder
zum minsten zū blendē vnderstond. Ellend
sind die frylich/ die es allwāg lydend. Allein
hab ich disen anzug darūm gethon/ das nie-
mants so er von der Ee heiligkeit gehōrt/ ges-
dächte/ weñ sy so heilig ist als man sagt/ war-
umb sy dann der Bapst den geistlichen ver-
botten habe. Dan yetzund weist mengklich
das sōlich verbott der Ee vß dem tūfel vñ nit
vß Gott ist. Vñ wirt ob Gott wil kein from-
mer sich dise Būbery mee irren lassen. Ja alle
fromen oberen sollend die üppigkeit vñ hūry
dero

83

Deropfaffen nit Duldē noch schirmē/die Gott
jren gwalt vnderthon hat. Dañ hieran werē
dend sy thūn dz Gott gefallt. Herwiderūm
Gott nit wenig erzürnen/gestattend sy jnen
jr bißbar geübte vnuerschampfte bübery.

Wie schantlich wüßt vñ lasterlich die hüry sye. Cap. XIII.

Wid damit der heiligen **E**e
pnyß eer güt vnd lob dester häller
glanze/wilich yetzund in das ge
genteil die hüry stellen/vnd erzels
len wie schandlich wüßt vnd lasterlich sy vor
Gott vñnd aller erberkeit sye: Damit der ju
gend Gottes eer geliebet vñnd schand gelei
det/yetlicher sich der wüsten hüry entschlahet/
vnd der heiligen **E**e Beflyße.

Der vßerwöllt Gottes mensch Paulus Hüry sehen
der die gli.
der Christi.
schrybt zū den Couthern also / Fliehend die
hüry. Alle sünd die d mensch thüt sind vffert
sinem lyb/wär aber hūret/d sündet an sinem
eignen lyb. Vnd grad vor gemelten worten
setzt er den verstand dieses fürtrags vñ sagt/
Wüßed jr nit dz üwere lyb sind glid Christi?
Sölt ich nun die glid Christi nemen vñ hūre
glider daruß mache? Das wöll Gott nimer
me. So sicht Paulus mit dē spruch/Alle sünd
die d mēsch thüt ic. vff die **E**e. Dañ wie die
Ee vß zweyē menschen od lyben ein mensche
vñnd ein lyb machet/also machet die geistlich

Wc/namlich das annemen der gnaden Gottes/ vnd das wir in Christum roufft vn̄ Christen sind / ein lyb zwüschen Christo vnd vns gläubigē / also das wir glider Christi geneit werdēd vn̄ sind. Wie nun ein eemensch so er hūret an sinem eegmabel ja an sinem eignen lyb sündet : also sündet ouch in sinen eignen lyb der gläubig weñ er hūret. Dañ er schendet die gnad Christi vn̄ besleckt den heiligen pundt zwüschend jm vnd Christo gemacht. Dañ es volgt in Paulo / Wüssend jr nit das wār an der hūre hanget/der ist ein lyb: Dañ sy zwey (spricht der Her:) werdend syn ein fleisch od ein lyb. Wār aber dem Herzen anhänget/ist ein geist. Der geist aber wirt durch die hūry verwüst vnn̄d zerrissen. Dann din geist hertz vnd gmüt dz zū dem Herzen ston solte / hafftet an der hūren mit dero du eins vnd verlybt bist. Darum̄ sündend die hūrer in den pundt vnn̄d in die geistlichen Wc/das mit wir mit Christo verhefft syn soltend.

Man rouf
bet Gott
das syn.

Wytter volgt in Paulo / Oder wüssend jr nit das üwer lyb ein tempel des Heiligen geists ist/welchen jr habēd von Gott vn̄ sind nit üwer selbs: Dann jr sind thür erkoufft. Daruß volgt vnwidersprächlich das die hūrer das zū schand vn̄ in wüst hinwäg gābēd/ das aber nit jren ist. Dann sy gābend hin jre glider ja hertz müt vnd sinn in die hūry/vnd
hat

hat aber Christus die selbē zū sinen eeren vnd
 zur reinigkeite erkoufft/vñ nit mit gält sunder
 mit sinem blüt erkoufft. Es volgt ouch dz die
 hürer in grosser straaß Gottes stond. Dan
 Paulus sagt hie der Chusten lychnam syend
 Gott des heiligē geists tempel. So spricht er
 2. Corint. 3. So yemants den tempel Gottes
 schendet/ den wirdt Gott schenden. Ist aber
 das nit gröblich den tēpel Gottes gschendt/
 an das ort vnd end/ da Gott mit sinem geist
 regieren solt die wüsten hüren Venus setzen
 vnd dero mit lyb vñ seel anhangen vnd dies
 nen? So gangind yetzund die herfür die alle
 wäg verwänen wöllend einfalte hür/als ledigs
 mit ledigem / sye nit sünd / oder joch nit
 so gar sünd. Paulus der apostel Chusti sagt
 die hür trenne vns von Gott / zerryffe die
 pündtnus die wir mit Gott habend / ent-
 frömbde vñ roube Gott das syn/mißhandle
 Gott sine glider/ mache vß den glidern Chri-
 sti hüren glider/geschende vñ entheilige den
 tempel Gottes/ darumb werde Gott die hür-
 rer ouch schenden. Ist nun das alles ring zū
 wägen/so Beken ich dz die hür also ein ringe
 sünd ist wie sy die liederlichē öde lüt machēd.

Hür schen-
 det den t. m
 pel Gottes

Der selb Paulus schlüßet ouch nit nun ei-
 nist die hürer vß dē himelrych. Wār minen
 worten nit gloubt / der läse zū den Rōmeren
 am 1. cap. 1. Cor. 5. vñ 6. Galat. 5. Ephes. 5.

Hür
 schlüßet vß
 dem himel.

vnd 1. Thess. 4. Zu den Hebreern spricht er
beyter heruß/ Die hurer vnd eebächer wirt
Gott richtē. Was kan vnd sol man dan mee
sagen? Wilt du nit dester minder reden die
hury sye nit sund/so schryet der heilig propheet
Isaias das greulich Wee vff dich/vñ spricht
Isaie 5. cap. Wee uch/die jr das gut nennēd/
dz böß ist. Oder wüßend jr nit/dz Gott die
hury ouch hie im zyt schwärlich als ein groß
laster straaft: Paulus spricht 1. Cor. 10. Las-
send vns nit hury tryben/wie etlich der alten
getribē habend/vnd sind eins tags erschlage
23000. So ist kundtbar was grosser schmach
vnd schand Samson jm selbs/vorab Gottes
eer vnd namen/By Gottes vñ sinen syenden
den Philistern/ ouch allē kindern Israel/ mit
sinem fryen ledigen hūrē vstrach/vnd wie er
vñ der huren willē so gar schmächlich ender.

Hury rou-
bet eer/lyb
vnd gut.

Proverb. am 5. cap. redt Solomon also/
Die läffzē d hūrē tropffend süßer dan honig
waben/vñ jr kälē ist linder dan öl : jr letstes
aber ist bitterer dan wermüt/vñ scharpff wie
ein schwärt das an beiden orten schnydt. Ire
fuß fürend zū tod / vñ jr gang zücht zur hell.
Darum lüg das nienan zū jro gangist / noch
zū der thüren jres huses nahist / das nit an-
deren din hab werde/vñ din jürlich gewächs
vnd ynknümen den rissänern. Solomon be-
schrybt mit wenig worten den kurtzen vnd
süßen

süßen betrug der hury / der doch ein vnent-
 liche bitterkeit verlaßt / vnd in summa erzelle
 Solomon wie die hury verderbe an seel/ eer/
 lyb vnd güt. Exempla bedarff man nit her-
 für zestellen / jro sind leider suß zeul vorhan-
 den. Die historien Bezügend das die bösen
 blatern oder frantzosen vnd lämy / von einer
 hüre durch die hury in die wält vßgespreitet
 syend. Wie mancher der all sin hab vnd güt
 mit hüren verthon hat / wirt zü letst erhenckt
 ertrenckt vnd entöpfft: 2c.

Der hures
 ren vnruo

Noch dennocht farē die vnuerschampten
 hurer für in jrer verderbüg schand vn laster /
 ja vndernämend sich erst die Le zeschmähen /
 vnnnd jren vnradt etwas zü verglimpfen.
 Darum sagend sy von vil vnlusts der in der
 Le sye. Vnd ist aber jr hüren läben anders
 nüt dan ein barer wüß vnd vnlust vor Gott
 vnd allen eeren lüten. Wüß ist nüt destmin-
 der wüß / wenn schon die wüß suw gern im
 wüß ligt. Sy sagend vil von bösen eewy-
 bern / die einer ein mal näm / vnd jro nit mee
 mit keinem lieb abkummen möge. Vnd zü-
 hend aber sy öde üppige falsche vnd vntrüwe
 schleppseck herumb / von denen sy ouch zum
 höchsten gschmächt vnd geschendt / nit lassen
 könnend / darzū müßend sy von denen wü-
 sten vnfläten mee lyden / dan kein Biderman
 von siner eeren frowen. Sy sagend ouch vil

von kinder erziehen/ die in der Le werdind.
Vnd müßend aber sy in der hüry banckhar-
ten ziehen/ die sy ankummen sind / glich wie
man vorzyten die götzen vnd fäldkilche bu-
wet / mit stür vn̄ handreichüg mengkliches.
Sy sagend von grosser müy vnnd sorg / wie
man in der Le das hußgfind vßbringe vnd
neere. Vnd müßend aber die grossen göuch
vil mit größern sorgen den schandtlichen fa-
sel erziehen/ vnd dennocht weñ sy jren besten
flyß angewendt habend / fürchten / der vner-
setzig sack habe noch nienan kein vernügen/
vnd die schnödd schandtlich kupplerin werde
noch vil ein größere rächnung vff dem bä-
senstil machen vnd herfür bringen / damit sy
den seckel zum gält in jro gwalt bringe. Zu
dem kumpt ouch das in der hüry das vßgä-
ben das höchst vßfähen hat / vnd din gält / nit
du / lieb ist. Nümen gält / nümen lieb. Mir
hört das gält vn̄ der sack / spricht die hür / dir
die kapp vn̄ die badlach: ein anderer hat der
gält hat / diser hat vßgebadet vnnd ist schon
vßgeschlagen. Also blybt das byssen griß-
gramen vn̄ kratzen sin letze / die er von sinen
hüren bringt. Wyter sagend sy von dem
nächlichen grällen grynen der finden / vnnd
vnrüwigem wachen der Zelüten. Vnd züs-
hend aber die grossen narren gantze nächt
ymb die gassen / vnd wachend dem tüfel / mit
vid:uz

89
vnd:utz frost vnd vngemach. Darumb lasse
sich kein redlich mensch in der hury mit dem
schmähen vnd schmütze der Le/von solchen
böben behalten. Die hury hat richtig vñ fry
vil mer vnruwen angst vñ not/ dan der Le-
stand. Vñ die vnruwo so in d Le/ist mit Got
vnd eeren. Gott gibt gedult krafft vñ willen
das alle arbeit dem gläubigen ring zetragen
sind. Die hurer sind glatt des tüfels marter-
rer/Behaltend ewige schmaach vnd schand.

Das aber etlich sagend/ Wen die hury so ein grosse sünd vor Gott ist/vnd so vil wüsts vnd vnradts mit jro bringt/warumb enthal-
tend dan etliche oberkeiten offne hürenhüser?
Sag ich darzü/Man duldet mengs mee/ dz
nüt sol/vnd mit dem dulden nütdester besser
wirt. Laß aber du die oberkeitē ire thaat ge-
gen Gott verantwurten. Gott hat dir vnd
vnns allen gebotten/ Du solt nit hüren oder
vnkünschen. Dem volge ein yeder Chusten
mensch/was joch ander lüt duldind vñ thür-
gind. Der heilig apostel Paulus spricht/Hü-
ry vñ alle vnreinigkeit lassend nit vnder üch
genennt werden / wie den heiligen zusta-
at. Ephes. 5. cap. Sol nun vnder Chusten lütē/
als einem heiligen volck/ daß durch das blüt
Christi gereiniget ist/ hury nit genennt wer-
den/ frylich söllend vil minder wüste hüren-
hüser vsgericht vñ offenlich gehalten werden/

Dañ es ye ein offner wußt vñ bare schand ist.
Darum lügend die zü die sömliche schandhü-
ser schirmend / wie vñ was sy Gott zur ant-
wurt vmb jro thaat gäbind. Die da sagend
man dulde sy also größere laster zü vermydē/
söltend by jnen gedencken/ob sömlich jr mit-
tel ergers mit bösem abzustellen / ein sömlich
vnd Gott wolgefellig mittel sye: od ob Gott
neißwan geheissen oder erlobt habe/offent-
liche hury vnuerschampt nachlassen vñ schir-
men/ das minder die töchtern angereñt vnd
gßwecht/oder dz nit noch ergers von müt-
willigen lüten begangen werde. Wir Befin-
dend aber täglich dz sömlich mittel nit hilfft/
vnd das da glych hurenhäuser sind/mithinzü
ergers nit vermittē wirt / vnd deßhalb arge
mit ergerm/vnnd laster mit wußt näben an-
dren louffend/ vnnd also schand vnd vnradt
träfflich fürtruckt. Darumb laß ein yetlicher
redlicher Christ hie von dem wußt zancken
wår da wil/wilt du thun dz dich Gott heißt
vnd deß du eer vnd heil vor Gott vnd eeren
lüten habist/so gang der hure vnd hurenhäu-
sern müßig/schirm sy nit vnd bruch sy nit.

Die iugent
mag sich
nit an him-
mel heben.

Hie sagend nun ertlich die jugend möge
sich aber nit an himel heben/ der himel sye zü
hoch. Ist waar. Aber niemants heißt dich
ouch/ das du dich an himmel hebist. Frylich
hebst dich ouch nit an himel/ weñ du dich an
die

91
die hüren hebft. Dañ du hebft dich gewiſſer
an die hell vnd an tüfel dañ an himel oder an
Gott. Gott hat dir andere mittel/hüry zü
vermyden/dann den himel verordnet/nam-
lich ein redlichen eegmabel. Dann Paulus
ſpricht/ Hüry zü vermyde habe ein yeder ſin
eigen eewyb/vñ ein yede jren eignen eemañ.
Ein ſömlichen gmabel habend noch bißbar
alle die vff erden fundē / denen eer vñ fromis
gefällt/vnnd hat nie keiner daruñ bedörffen
in himmel zeſtigen.

Es iſt aber nit yedermann gelägen mann
oder wyber zü nehmen. Vil armer Len ma-
chend vil Bättler. Es zwingt dich doch nie-
mants das du ee zyt oder vngelägner ſach
mannen oder wyben müſſiſt. Allein ſo es die
nit wil gelägen ſyn from zü ſyn/ſo wird doch
nit vnfrom. Wil es dir ſich nit ſchicken zur
Le zü gryffen / ſo laß doch ouch das hüren.
Vnd denn ſo ſind wir woleins. Lieber halt
dich eerlich züchtig ſuber vnnd rein / biß zü
der zyt das es ſich dir wolfügt vnd wol ge-
lägen iſt zur Le zegryffen. Sprichſt/ Wie
ſind aber fleiſch vnnd blüt. Sag ich / Sind
aber nit ouch vnſere forderen fleiſch vnnd
blüt gſyn? Habend ſy darumb in der kindt-
heit gewybet? Oder habend ſy darzwiſchen
gehüret? Beſäch man die byſpil Iſaacs/ Ja-
cobs/ Joſephen vnd anderer redlicher lüten/

Zur Le gryf-
fen iſt nit
yederman
gelägen.

Die in guten vñ gestandnem alter erst zur **Le**
kumen sind/ vñnd doch nüt destermunder ire
jugend züchtiglich in reinigkeithingebbracht
habend. Darumb soltend vnserer jüngling
vñd junge mañschafft ouch wie ihene gottes
fürchtig syn/ Gottes gebott vor ougen habē/
Gott vmb gnad anruffen/ müßig gang vñd
alles das/ das zü vnkeuschheit reizē mag my
den/ dargegen aber arbeitē/ in der versüchüg
dapffer widerfächte. So befindend wir das
widerspil/ das vnserer jugent wenig achtung
Gottes vñd seiner gebotten hat/ das sy Gott
nit anrufft/ müßig gadt/ sich in böse gesell
schafft wätt/ vñnd vollen sußt. Dannenhar
kumpt dann das sy sich nit enthaltend / vñd
wänend sy müßind glych noch schnüderling
den hüren nachlouffen oder wyber haben/
vñd könnend aber noch nüt arbeiten noch ge
wünnen. Vñd also verderbend sy sich: dar
umb nit die **Le**/ sund jr Bübery verderbt sy.

Die Gema
chet vil
bättler.

• Macht aber glych ouch das hüre nit bätt
ler: Wann kumend vns dan die schaaren
bättleren/ der armen platerächte lüten: Von
der hüre ererbend sy mertels den vnradt.
Vñd das rächnet vñd ängt niemants. Wen
aber ein frommer redlicher gsell/ der zü seinen
tagen kumen ist/ vmb eeren willen zü der **Le**
gryßt/ den zücht man den bättelsack herfür/
in zü erschreckē / oder andere von der **Le** ab
wendig


93

wendig zemachen vnd by der hury zu beheb-
ben. Das kan vnd thut der sibenlistig tufel.
Gott der rych truw vnd allmächtig hat nie-
mants nützig versagt/der in sucht mit glou-
ben/trüwlich arbeitet/ from vnnnd redlich ist.
Darum laß sich niemäts in sündē verheffte.

In summa / Die hury zücht vnd teilt das ^{hury.}
gmüt ab vō Gott/macht vns pundtrüchig/
schmächt die gnad Gottes vñ glider Christi/
sy roubt Gott das sin/entheiliget den tempel
Gottes/vnnnd truckt vns gar mit geist vnd
fleisch ins kadet vnnnd in allen wüst/macht vß
vns vñsche menschen/befleckt lyb vnd seel/
bringt vns vmb all vnser haab eer vnd güt/
schändt/verderbt vñ furt zur hell/mit ellend
jomer vnd nodt. Dargegen erlöset vns die
Ze einmal von gemeltem jomer allem. Vnd ^{Üppig res}
ist deßhalb ein ellend das man das alles nit ^{den.}
erkennen wil / vnd noch ouch alte betagte lüt
findt/die hury nit für sünd habend / vnnnd so
lychtferig vñ üppig vor jungen lütē von jro
redend/dz die jugent anzündt in jrem bösen
fürnemē nun halßstarck fürfart. Lieben
sünen hörend vil mee den vßerwelten Got-
tes menschen Paulum/ der da vß dem heili-
gen geist redt/Ir söllend wüssen das kein hü-
rer oder vnreiner erb hat im rych Christi vnd
Gottes. Darum lassend üch nit versurē mit
vnnützen Worten. Dann vmb dero willen

kumpt v̄ zorn Gottes über die kind̄ des vn̄-
glaubens. Hörend zū vn̄ behaltends/ Gott
wil yhener üppig grob reden nit rächne wie
sy es anschlahend. Darum̄ wöllend jr dem
zorn Gottes entwyche/ so suchend die hury.

Wie schändlich vnd lasterhafft der Lebruch/ vnd wie er
von alten zeyten bis hiehar gestraafft sye. Cap. XIII.

 Sind glich wie die hury ye
vn̄ ye by aller erbarkeit in der gan-
zen wält für schändlich gehalten/
also ist by den selben der Lebruch
vil schändlicher vnd gantz lasterhafft gehal-
ten wordē/ als den alle redlichen oberen ouch
die Heidnischē/ wie ein maleficiū an lyb vnd
an läben gestraafft habend. Vnd wo in die
menschen glich nit gestraafft/ hat doch Gott
dermaassen zeichnet das menglich verstan-
den hat/ was Gottes willen vnd wie er ver-
meint den Lebruch zū straffen syn.

Wie Gott
den Les-
bruch vor
dem gantz
gestraafft.

• Als Abraham mit seiner Esrowen Sarai
in Egypten kam/ vn̄ die Egyptier vermeins-
tend Sarai wäre Abrahams Schwester/ nar-
mend sy Sarai vnd firtends an̄ hof dem kün-
ig Pharaο zū. Aber der Herz plaget den
Pharaο mit grossen plagen/ vnd sin huß üs-
beral vmb Sarai willen/ mit dero er doch
nützig arge zehandle hebt/ vnd was er da-
thett vnwüßend thett. Dann als er vernam
das

95
Dz sy Abrahams Weyb was/ beschickt er in
vnd sprach/ Warumb hast mir das gethon?
warum sagtest mir nit das es din wyb was?
warumb sagtest mir es wäre din Schwester?
Da hast du din wyb/nim sy vnd züch dahin.
Vnd so dem also ist/vil mee ist zü gedencken/
das sich Gott noch trässlicher über die erzür-
ne/die mütwilligklich Webräcker. Dese his-
story aber stadt geschriben Gene. 12. Am 20.
cap. stat geschriben/das Abimelech der Phis-
lister künig zü Gerar Abrahamen sin wyb/
glych wie vor Pharao/genomen hab. Vnd
Gott sye dem künig im troum erschynē vnd
habe gesprochē / Sich du bist des todts vmb
des wybs willen / das du sy genomen hast /
dan sy ist eins Weibmans wyb. Vnd hatt aber
Abimelech glych wie vor Pharao noch nützi-
thaatlichs mit jro gehandelt. Darumb ouch
Gott hernach redt/ Wo du sy Abrahamē nit
wider gibst/ so wüß das du des todts sterbē
mußt vñ alles was din ist. Hat nit Gott hie-
mit klar zü verston gābē was sententzes vnd
vrtails er über die Webräcker gegāben hat?
Darum ouch Joseph als er von sinen herren
frowē angestrenget ward/jres willēs mit jm
zū pflāgē/sprach/Min herz hat mir alles vn-
derwoffen onet dich. Dann du bist sin We-
yb. Wie solte ich nun ein so grosses übel be-
gon/vnd wider Gott sündigen? Gene. 39.

Job spricht im 31. cap. Ist min hertz ye ge
neigt gwäsen zū mines nächstē wyb/ od hab
ich neißwan vff sin thüren späch gehalten/ so
diene min wyb ouch ein anderen/ vñ andere
beschlaaffind sy. Hiemit bekennt Job billich
syn/ das jm mit der maasß gemässen werde/
mit deren er andien lütē gemässen hat. Dies
wyl nun der Lebruch yetlichem ein vnuer
röuwige spyß ist / so gedencf ein yeder by jm
selbs wie vngern es ein anderer hab/vñ lasse
andere eegmähel vnberürt/ so blybt jm ouch
der syn vnberürt. Es volgt im Job/ Dann
das ist ein schalckheit vnnd mißthaat/ die für
den richter hört/ ja ein fhür das gantz ver
zeert/ vnd alles vermögen von der wurzen
vßrütet. Damit Job den Lebruch ein söm
lich laster / ja ein bedachte bosheit syn bekennt
die für den richter höre/ das ist/ die billich vö
der oberkeit sölle gestraafft werden/ dann es
sye ein fhür daß alles verzeere lyb eer vnnd
güt/müt hertz vnd fröud. Vnnd diß alles ist
verhandlet vnd geübt ee dan dem volck Is
rael das gsatzet durch Mosen geben ward.

Straff
des Ee
bruchs im
31. cap.

Vnd im gsatzet bestimt Gott dem Lebruch
vnd anderen malefischē händlen sin straff/
vnd spricht Leuit. 20. Wår die Lebruch mit
yemants wyb/ der sol des todts sterben/ Bei
de eebriacher vnd eebriacherin/ darumb das er
mit sines nächsten wyb die Le gebrochē hat.
Vnd

97
Vnd diß gsatz ist widerum̄ anzogen Deut.
22. cap. vnd vſgericht.

Nit allein aber ist der Lebruch By dē volck Straaff des
Zraels so thür gestraafft/ es habend in ouch Lebruchs
die Heiden an lyb vnd an läben grusamlich by den Hei-
gestraafft. Das wil ich yetzund vß den his den.
stonen vñ gloubwürdige schrybern darthün.
Welche die Lepreier im̄ Lebruch begriffend/
die Bundend sy/ vnd furtends dry tag durch
die statt hin/ demnach wurdend sy all jr tag
veracht vnd eerloß schmächlich vñ schantlich
von aller menglichem gehalten. Zaleucus
verbot den Lebruch By den Locrensern hoch
vnd thür. Den überträttern ließ er beide ou-
gen vßstächen. Vnd als ouch sin eigner sun
im̄ eebuch begriffen ward / hieß er jm̄ dz ein
oug/ als ein richter vßstächē/ das ander hieß
er jm̄ selbs als ein vatter vßstächen. By vn- Die Ger-
seren vättern den manlichen dapfferen red- mani.
lichen Tütschen/ ee sy zū Christenem glouben
kamed / stünd die straff der Lebrücherin im̄
gwalt vñ gefallen jres eemañs. Der mocht sy
zum wenigesten vßziehen vñnd emplößen/
zum huß vßiagē/ in der Statt oder im̄ dorff/
vor jro fründen/ mit rüten öffentlich herum-
schwingen ꝛc. Wie dann Cornelius Tacitus
verzeichnet hat: der ouch dise wort schrybt/
Vnder jnē lachet niemants der lasteren/ vnd
bschysen oder beschissen werden / heißt jnen

nit nach dem louff/Bruch / vnd sitten der zyt
ten handeln. Sich zü wie vil Baasß ist es do
malen vmb sy gestanden / Dann es yetzund
vmb vns stande/die wir aller sünden vnd last
steren lachēd / darzū wüste laster als kriegen/
hüren/eebrächen/überkleiden/ zütrinckē vnd
alle vnreinigkeit damit verantwortend / Es
sye yetzund also der Bruch in der wält/ vñ sye
gantz der gemein louff wordē. Opilius Nas
crinus der Römisch Keiser pflag die Eebrä
cher mit dem shtür zü straaffen. Dann welche
er eebrüchig fand / ließ er zamen binden vnd
mit einandren läbendig verbrennen. Das
schrybt von jm Julius Capitolinus.

Lex Iulia.

Vnd by den Römern ist ein gemein gsatz
gewäsen/Lex Iulia genennt/welches die Ee
brächer heißt mit dem schwärdt richtē. Das
selb gesatz hat ouch noch gewäret zü den
zyten des heiligen Hieronymi / welcher bes
chribt wie ein jüngling mit sampt einer Ee
frowen/eebruchs halben/zum schwärdt vers
urteilt/vnnd wie sy gericht worden syend.
Ad Innocentiū de muliere septies icta. Vnd Les
gem Iuliam de stup. & adult. habend ouch die
Christlichen Keiser angenömen/vnnd wirdt
vō dem Justiniano gesetzt Instit. lib. 4. tit. 29.
de Publicis iudicijs.

In dem Bambergischē halßgericht wer
dend dise wort geläsen/ vnd dem tittel Wie
man

man mißthaat pynlich straaßen sol/ So ein
 Weeman/ einen anderen vñ vnküßcher wer-
 cken willē/die er mit sinem Weuyb verbracht
 hat/pynlich beklagt/vñ deß überwindet/ der
 selbig Webrächer sol nach sag der Keyserliche
 rächte mit dem schwärt zū dem tod gestraafft
 werde. Vnd die Webrächerin hat jr byrat gut
 vñnd morgengaab gegen irem Weeman ver-
 würcet/sol ouch zū ewiger büß vñ straaß ver-
 sperrt vñ behalten werden. Derglyche wirt
 ouch geläßen in des heiligen Römische ruchs
 pynlicher gerichtsortnüg/ vnder Carolo V.
 Römischen keiser vff den ruchs tagē zū Aug
 spurg vñ Regenspurg in den jaren 1530 vnd
 1532 vffgericht/ So ein Weemann einen ander-
 ren vmb des Webruchs willen / den er mit
 sinem Weuyb verbracht hat / pynlich beklagt
 vñnd des überwindt/ der selbig Webrächer
 sampt der Webrächerin / söllend nach sag vn-
 ser vorfaren vñnd vnser Keiserlichen rächten
 gestraafft werden. Was aber die Keiserliche
 rächte für ein straaß bestimpt habind/ist vor-
 mals gehörit.

Des heiligs
 ligen Römischen
 ruchs orde-
 nung.

Diser anzug vö der straaß des Webruchs/
 weiß ich wol / wirt vil lüten befrömbdē vnd
 für schwär vnd vntraglich ansähen. Wen sy
 aber die sach rächt bedächtind / die anfächtüg
 vnd die bösen gewonheit an ein ort satztind/
 vnd ermässind was doch der Webruch wäre

Warumb
 d Webruch
 so schrode
 gestraafft
 sye.

vnd was im völgte/ würdind sy sich ab der
straaff nit so traffenlich verwundern. Der
Lebruch ist ein zerstörüg vñ höchste schmach
der ordnung Gottes / vß dem tüfel vñ wüß
des fleischs erwachsene bübery / ein offents
licher vñ vnuerschampter falsch/ ein schandt
liche vntrüw oder trüwlose / vñ ein wüßens
haffter pundtbruch vnd meineyd. Das dem
allem also sye/mag mengklich vß den vorigē
capitlen ermässen. Die Le ist ye ein ordnung
Gottes/das zwey einandren in trüwen vñ
zertrentlich anhangē söllend. So sagt Pau
lus der Lebruch sye ein werck des fleischs.
Nit minder ist offenbar/ das Leüt ein stäs
ten pundt mit der Le anrichtend / vñ einan
dren da vnder dem anruffen vñnd Bezügen
Gottes vor der ganzen kilchen/ mit mund
vñnd hand trüw vnd glauben gelobend ꝛc.
Ist nun das alles erliegen/ brächen/ verwü
ßten vnd zerträtten/ist versprochne trüw vor
Gott vñ der kilchen gegäbē/ eer vnd gloubē
in lufft schlahē/ein klein misthün/ so muß ich
bekennē das die straaff des Lebruchs by den
alten zü ruch gewäsen sye. Wirt aber trüw
lose meineyd vnd Gottes vñ aller eeren vers
achtung vnd zerrüttung billich ernstlich ges
straafft / so ist ouch die straaff des Lebruchs
rächtmässig vnd nit zü ruch.

Item sol der verlurst des güts nach der
schazung

101
schätzung des besitzers geschertz werde/so ist
nach dem läben grösserer verlurft nit/ dan so
yemants sinen eignen lyb verlürt. Nun ist
aber gewiß das die beide Lemenschē ein lyb
sind: vnd das Paulus spricht/ der man habe
sines lybs kein gwalt sunder das wyb/ vnd
das wyb habe jres lybs nit gewalt/ sund der
mann. Darumb welcher Zebriächet der ent-
frömdt stilt oder roubet dem anderen sinen
eignen lyb / das höchst vnd liebste güt. Oder
welcher eeren mensch wölte nit lieber einen
dieben ob sinen schätzen stälend finden / vnd
verlurft der güteren erlyden / dann den Zeb-
riächet by sinem gmahel finden/ vnd schand
an sinem gmahel erlāben?

Darumb leyrt Solomon Proverb. 6. cap. Zeb:uch
dise beide laster Diebstal vnd Zeb:uch vff die vnd diebery
wag gegen einandren/ vñ zeigt wie der Zeb: gegen ein-
bruch schwärer sye vñ fürziehe: also/ Dem anderen ge-
dieb d vß hungers not/ dz er sich spysc/ stilt/ stellt vom
ists nit verwyßlich / dan so er ergriffen wirt/ Solomon.
müß ers sibensaltig oder all sin haab wider-
legen. Der aber siner vernunfft also beroubt
wirt/ dz er mit einem andren wyb eebriächet/
der bringet eintwāders sich selbs vmb / oder
aber er rüftet jm selbs streich vñ schmaach zū/
welche schmaach nimmer abgetlcket mag wer-
den. Dann der zorn des yfers vnd Lemāns
(wo er süg hat zū rāchen) wirdt es nit nach?

lassen. Er laßt sich ouch mit Bitt nit abwen-
den / vnd ob du jm schon gaaben schanckst/
so nimpt ers nit an. Dife verglychung ver-
stat yederman wol. Dañ weñ yemants das
sin verstolen/doch jm das selb one schadē wi-
derumb wirt/so laßt er sich Begnädigen/ die-
wyl es etwan vß armüt beschähen ist. Wen
aber einer sin Legmabel im Lebruch begryf-
fet/so laßt er sich niernermit begütigen. Dañ
es ist ein lutere vnsinnigkeit vñ Bübery. Wy-
ter so yemāts ein dieben am diebstal ergryfft/
hat er doch nit macht sich zū rächen vñnd den
dieben zū töden: so aber yemants den Le-
brächer an offner thaat findt / mag er sich rä-
chen. Vnd wie er joch den Lebrächer vñ die
Lebrächerin verwundt/gschendt/ oder glych
wol zeuoll zū todt sticht/so wirt sollichem thä-
ter nüt vñ sin todtschlag zū gesücht. Vß wel-
chem allem ein yeder klaar verstadt/weliches
das schwärer laster vor Gott vnd allen gly-
chen rychtern sye. Es redt ouch vor disen wor-
ten Solomon / Mag einer ouch sbür in der
schooß tragen / vnd das kleid vnuerseert Be-
halten? Oder mag einer vff einer glüt gon/
vnd die füß nit verbrennen? Also mag ouch
ein yetlicher der zū seines nächsten wyb gadt/
vñ sy berürt/ nit vnuermaasßget blybē. Da-
mit er abermals die gfaar vñ grösse dises la-
sters anzeigt/ denen tröwend/die tolich ver-
meinend

103
meinend iren Lebruch heimlich zehabē / Das
sy niergēd ergriffen vñ gestraafft werdind.

Hiehar dienet das durch den Lebruch vil ^{Entfrömbt}
malen grosse erb verenderet vñnd dem räch- ^{den die erb.}
ten erben abzogen werdend. Dañ es begibt
sich das ein Lebrächerin kinder hat by dem
Lebrächer / da erbend dann gemelte kind alle
haab ires verwānten vatters / als eekind / die
aber vneelich sind / dardurch der vatter mit
siner eeren fründtschafft vmb lyb vñnd güt
kumpt. Sin Lewyb / die sin lyb ist / hat der
eebrächer geschāndt: vnd die vneelichen kind
nāmend das güt dahin. Ist nun das nit ein
grosse vngerechtigkeit vñnd bübery / so weiß
ich nit was man bringen möchte / das wußt
gnüg wāre. Desßhalben wiewol der Lebruch
an mannen vñnd wybern schandtlich / ist er
doch an wyberen füruß schādlich vñ schandt-
lich. Dann über das die Lebrächerin die erb
(wie gehōrt ist) verenderet / vñnd mit glübt-
bruch vñ schandlichstem falsch entfrömbt
vñnd den rechten erben verstilt / tricht sy erst
ouch irem Biderben armen eeman zū grosser
schand grössere müy vnd arbeit angß vñnd
nodt vff den halß / mit dem dz er die Lebrā-
chischen kind / die nit sin sind / erziehen muß.
Darzū schmācht sy iren vatter / iro mütter vñ
fründtschafft: ire kind die schon eekind sind /
müssend sich iro beschāmē / vñ ouch in zwoyfel

ston by der wält/ ob sy eekinder syend od nit.
Darumb sy ouch irer müter namen niemar
nennend/oder nennen hörend/ das sy niter
erschrickend vnd sich schämend. Die Leb:
cherin machend ouch ire Leman/ wenn sy
schon redlich eeren lüt sind / verachtet vnd zu
nüte. Sy sind vrsächig das oft lüt zusamen
kommend / die ouch in der blütfründtschafft
einandren nach gefründet sind. Vñ sölicher
vñ der glychē vnzalbarer confusionen/ schan
den/ schaden / schmahen vnd wüsts volgend
vß dem lasterhafften Leb:uch. Ich geschwy
gen yetzund der mordten/ des vergabēs/ der
verräteryen/ todschlegen/ vnd landtskrieggē/
die vß dem Leb:uch gewolget / vñ land vnd
lüt verderbt habend. Das habēd die vralten
eeren lüt bedacht vnd angefaßen/ vñ habend
des lybs vnd des läbens straaß vff den Leb:
buch billich vnd vß rächten vrsachen gesetzt.
Soch wöllend wir ouch hörē wie die Leb:
brächer iren wüß beschöndind / vnd ermässen
wie redlich sy handlind. Sy redēd/ Ob Gott
glych wol den Leb:uch by der straaß lybs
vñ läbens verbottē/ so sye doch die selb straaß
nit exequiert vnd volstreckt oder geübt wor
den. Dañ es stande nienan das man die Leb:
brächer getödt habe. Dañ Dauid sye ein Leb:
brächer gsyn/ vnd habe aber kein straaß dar
umb empfangē. Ja Christus der Her: habe
die

Der Leb:
cheren weer
10:1.

105
Die straff des Lebruchs vſgehebt vnd abge
thon. Siewyl er das Lebrächisch wyb nit ha
be heiffen töden/ſunder hingon. Dann dies
wyl ſy niemants gericht habe / ſo wölle er ſy
ouch gon laſſen. Ioan. 8. cap.

Daruffſag ich also/ Einmal ſo hat Gott in
ſinem geſatz heiter vſgetruckt wie er den
Lebruch rechnet/vnd wie er in wil geſtrafft
haben. Hat man nun nit thon was Gott
vnd wie Gott gebottē hat / ſo iſts nüt deſter
beſſer: aber Gottes geſatz blybt nüt deſter
minder vnberewegt ſtyffſton. Es habend aber
die alten den Lebruch an lyb vnd läben ge
ſtrafft/ wie vor gnügsam vſ den hiſtorien
bewäret iſt. Darumb gäbend die Lebrächer
für/ an dem gar nüt iſt. Ernd ſchon in der
heiligē geſchriſt nit alle vtheilen vnd gericht
hendel/ die der Lebrächern halben ergangen
vnd geübt wordē ſind/iſt kein wunder. Daſſ
die Bibli nit ein ſchelmenbüch vnd der abge
thonen vmb jro miſthaat regiſter iſt. Oder
ſtat üch nit vſtrucklich gnüg/wie es der Su
ſanna wolt ergangen ſyn?

Dauid begieng ein Lebruch ſin läbenlang
ein iſt/der zog vnnnd bracht in ouch in groſſes
mord / das er nit nun ſinen trüwen diener
Diam / ſunder ander redlich lüt mee in todt
dabin gab. Schowend wohin das Lebrächē
Bringe? Was volgt aber? Er iſt zwaren nit

versteiniget. Was Begegnet jm aber? Wie
 er ander lüten jre kind geschendt hatt / also
 müßt er an sinen eignen kinden ouch schand
 sähen/vnd mit grossen ellend erlāben. Dañ
 Amnon notzoget Thamar sin lybliche Schwe
 ster. Vnnd sy beide wārend Dauids kinder.
 Ja der ander brüder Absolom erstach jämē
 lich sinen brüd Amnon / von wāgē der miß
 thaat/ die er mit Thamar siner Schwester bes
 gangen hatt. Nit vnlang darnach vertreib
 der selb Absolom Dauiden sinen lyblichen
 vatter vß dem künigrych/vnd beschlieff dem
 vatter schandlich sine wyber. Daruff volgt
 ein grusame grosse schlacht in dero Absolom
 Dauids sun mit sampt vil tusend lādvolcks
 erschlagen ward. Jezund ermāß ein yeder
 by jm selbs/ wie vil ringer sye ein mal frütig
 dannen gericht werden vnd sterben / dañ so
 mengen todt/so lang vnd so vil grosser angst
 vnd not erlyden. Darum ist Dauid also gru
 sāmlicher gestraafft dañ wāre er nun einmal
 versteiniget worden. Vnnd erlern hieby ye
 derman / das niemāts der hand Gottes en
 trünnen mag / weñ schon die wālt nit hand
 anlegen wil. Gott straaft nun dester rüher.
 Vnd noch vil erger istes / weñ ers hie nit thüt
 sunder in yhāne wālt spaart.

Die Hebrä
 che in Chri
 sto fürges
 stellt.

Das aber sy Christum den Herren zum
 Schirmer der Hebräern vnd des Hebruchs
 machend/

107

machend/ist nun gantz vnnd gar ein schand.
Christus hat keiner sünd nie den zoum vfges
leit. Dann er spricht/Ich bin nit kumen das
gsatzt vfgelösen sünd zü erfüllen. So spricht
Paulus/Dem gerächte ist kein gsatzt gäben/
sunder den vngerächte vnd vngeho:samen/
den hüreren/meineiden/lugneren/vnnd las
terhafften. Er spricht auch zü den Galas
tern/Wandléd jr im geist so sind jr nit vnder
dem gsatzt. Darum diewyl die Leb:ächer im
fleisch wandlend vnnd nit im geist/so sind sy
vnder dem gsatzt/vnd hat jnen der Herz gar
kein gsatzt noch straaß abgenomén. Darzú
sol vn müß man auch in der histori Joan. 8.
cap. das bedencken/das der Herz zum wyb
gespröché hat/Wyb hat dich neißwar verur
teilt: Vnd als sy sprach/Niemáts/ hat er ge
antwortet/ So verurteil ich dich auch nit.
Dan mit sömlicher antwort hat er der rich
tern v:teil vor:behalten. Vnnd diewyl er yet
zund nit was kumen zü richten/als ein rich
ter/so verurteilet er sy nit: vnd laßt also das
rächte vnd die thaat beide in jrem wárd ston.
Der Herr was yetzund kummen die sündler
zü begnaden vnd zur besserung zü berüffen/
Darumb sprach er auch hie zü disem wyb/
Gang hin vn sünd fürohin nimen mee. *Es* *Besserung.*
vermanet auch der Herz mit disem wort alle
die/so in dem Leb:uch verhoffet sind/das sy

nochmalen vshörē vnd sich Besseren wöllind/
ob sich jro silicht Gott erbarmete / vñ schand/
ouch schmaach/straaff vnnnd lyden/ die sy sust
wol verdient hättend/ von jnen nāme. Dān
ye Gott keinen lust hat am verderben des ar-
men sünders/ sunder vil mer wil er dz sy sich
Bekerind vnnnd läbind. Wöllend jr üch aber
nit Bekerren/wöllend jr mit vsgereckem hals
vnd vnuerschampter stürnen fürtrucken / so
wachtet Gott über üwere Bübery / vñ spricht/
Jeremies. cap. Sy sind vß Brunst der vn-
künscheit/wilden thieren glych worden/ ein
yetlicher wyhlet gegen sines nächsten We-
wyb: solt ich aber sömlichs nit straaffen? Dar-
umb wartend jr Lebriacher nun keines an-
dern/dann das üch Gott vmb üwer vnuer-
schampt Büben vnnnd hüren werck/straaffen
werde. Dān jr gond mit schand/wüst/mein-
eid/vnd lasterlichen sachen vmb.

Wie man ein tömlichen rächten vnnnd gūten Eegmahel
ertlesen solle. Cap. XV.

Und bisshar hab ich erzelt
wannenhar die Eckumme / wār
sy yngesetzt habe / was sy sye/ wie
man sy ordenlich beziehen solle/
ouch was der Eck Ursachen/ end vnnnd ducht/
item wie sy so heilig nütz vñ güt / herwider
umb wie schandtlich schädlich vnnnd lasterlich
die

100
Die hüry vñ der Lebruch sye: Siewyl aber in Was für
hin sollte ge
handlet
werden.
den vrsachen der Le gemeldet worden ist/die
Le sye von Gott vsgesetzt das die Keliit jro
läben in der allerhöchsten gemeinsame aller
dingen verschlyssind/von wägen das sy kin-
der gebärind/oder das sy die hüry vermyden
möginde /oder das eins dem anderen nach
dem willen Gottes / einsame zü vermyden/
ein behilff vnd trost sye/vñ aber an dem mit-
hinzü vil wil gelägen syn / was gesellen vnd
gspanen dir hierzü erwöllist / wie du mit jm
läbist/vnd so dir Gott kinder gibt/wie du sy
erziehst: so wil ich fürhin/in disem volgen-
den teil diß büchs sagen / wie man ein kom-
lichen rächten vnnnd güten eegmabel erkiesen
sölle. Demnach wie man zü beiden sytē wol
vnd rächt mit einandren läben/ vnnnd eeliche
lieb vnd pflicht trüwlich halten vnd meeren:
vnd zü letst wie man die kinder wol vñ rächt
ziehen möge.

Dann welcher jm haderlüt zügesellet/vñ Vil ist an
der waal ge
lägen.
zü vnfridē kumpt/ mag sich sölichs vnfridēs
nit beklagē. Warum ließ er die haderlüt nit
vffet dem huß: Welcher nun nach rüwiger
Le stellt/der muß jm nit ein vnrüwigen Le-
egmabel erwöllen. Welcher etwas pflanzen
wil/der erkundiget vor des erterichs art/dar
yn er pflanzē wil. Vil mee solt du rächung
haben was art din Legmabel habe/ vß dem

Du begärst kinder/pflanzling der eeren vnd wolstands/zepflanzen. Vnd wie die pflanzung vnd sorg in allen wachsenden dingen ein grosse krafft hat/also hat sy vil ein grössere krafft vñ bessere frucht im flyssigen vffziehen der kinden. Das nun die Leen vnnd kinder vnderwylen so übel geradtend / ist die gröst vrsach/das es an dem erkiesen vnd am vffziehen fällt. Das man aber fällt/macht eintweyers die anfächtung dero wir volgend / vnd von jro verfürd werdē/oder die vnwüßheit/als da die lüt nit wüßend waruf sy sähe/oder wie sy der sach thün söllend. Vnnd diewyl in disen puncten der Le wol vnnd übel stand stadt/wil ich das aller notwendigest das hie von mag gesagt werde/yetzund zum fürzisten verzeichnen: vñ zum ersten reden von dem erkiesen oder von der waal eins eegmahels.

Was die
waal sye.

Das erkiesen oder die waal/ist ein annemen dero dingen die vns bedunckend vnserem end vnd fürnemēn kömlich syn. Darum hat ein yetliche waal jro end / daruff sy sich richtet. Siewyl wir nun hie von der waal eins eegmahels redē/müßend wir der Le end/das ist die vrsachen darum man zur Le gryfft/widerumb in gedächtnuß bringen. So habend wir gehört / die Le sye darumb yngesetzt / vnd solle darum bezogen werden

VON

111
von zweyen menschē/das sy beide Biß an jro
end für vnd für by einandren wonind / vnd
jro läben in der aller höchsten gemeinsame als
ler Dingen verschlyssind / von wägen das sy
finder gebärind / oder das sy die hury vermy
den mögind / oder das eins dem anderen/
nach dem willen Gottes/ einsame zū vermy
den/ein behilff vnd trost sye. Darum solt du
der erkiesen wilt / vffernennete stuck / als vff
das fürgestellt end vnd zyl sähen/vnd erkun
digen ob die person/die du dir zū vereinigen
gedenckst/dise stuck habe die du yetzund ge
hört hast erzellen. Das selb aber wirst du ers
faren/wenn du den güteren die in dem men
schen sind/ nachrächnest/ von welchen ich yetz
und sagen wil.

Es sind im menschen dreyerley güter / die
güter des gmüts/des lybs/vnd zytlichen ver
mögens. Die besten vñ edlisten sind die gü
ter des gmüts / als on die/die anderen zwey
mee schad dann nütz sind. Es sind aber die
güter des gmüts gottsforcht/glouben/ gots
tes eer/ gottes dienst/ verstand oder wüßens
heit/ fürsichtigkeit/waarheit/ mässigkeit/ge
rechtigkeit/srygäbe/küschheit/demüt/ eer vnd
zucht/ gschlachte vnd thätige/vñ der glychen
tugenden. Dise verligend noch verbergend
sich nit/ wo sy sind / sunder thünd sich in vil
wäg herfür/ das man jro gwaar werde kan/

Dreyerley
güter im
menschen.

Güter des
gmüts.

Red. fürnämlich aber mit d red. Dañ vnser Herz
Christus gesp:ochen hat/ Vß völle des herz
zens loufft der mund über. So habend die
alten gesprochen/ die red sye des hertzens od
gmüts spiegel/in dem man daussen sähe wie
es im menschen dainnen stande. Darumb
welcher wüßsen vnd erfahren wil/wie es vmb
eins menschen gmüt stande / der geware eis
gentlich der red/ob sy gottsfürchtig/züchtig/
warhafft/dapffer/redlich/beständig/vnd ver
nünfftig/oder ob sy row vnd gottlos/scham
per/rümsüchtig/erlogen/gschwärtzig/vnstät/
vnredlich/vnuernünfftig vnd lychtferig sye.
Vnd vß disen fruchten erkenñ dañ den boum
vnd die wurzel des hertzens. Vnd wiewol
die glychßnery seer vil Betrugs in d red übt/
so kan doch kein glychßner allwägen so lyß
gon/das er sich nit etwan anstosse/vnnd sich
also verradte. Aber vñ me sicherung willen/
ist güt das du nit allein der red gewaarist/
Achtung. stunder ouch anderer gebärden vnd sittē/wie
der mensch sich yetzūd schicke / wie er es biß
har gefürt habe/was namens vnd geschreys
er gehebt/vnnd noch habe/ was andere vers
ständige eeren lüt vffim haltind / wie er sich
in ston vnnd gon / ouch aller glidmaß halte/
Kleidung. was fleidung er bruche/tüppige/hürische/bü
bische/lychtferige/ oder züchtige vnnd sinem
stand eeren vnnd vermügen gemässe/das ist
rächt

rächtgshaftne. Dann die kleidung gibt offte
 gwüsse vñ traffenliche kundtschafft der hoch-
 fart/lychtferigkeit/üppigkeit/vnstanthafft/
 vnuerfchampte/prachts/ouch der vnflätig-
 keit oder sübere/vñ anderen lasteren oder tu-
 genden die im menschen stäckend. So mag ^{Gesellschaft}
 man vil an der gseilschafft vnnd gspiltschafft
 erlernen. Dann mertheils ist der mensch also
 geartet wie die geartet sind by denē er sinen
 wandel hat. Wir sähend doch das ouch vn-
 der anderen thierē wilden vñ zamen glychs
 sich zū glychem gesellet. Also gibt ouch das ^{Vferziehen}
 vferziehen grosse kundtschafft / namlich by
 wām/vnd wie yetlichs vferzoge sye/by from-
 men oder by vnfrommen / ob es in der zucht
 der fromen willig bliben vnd gehorsam er-
 schinen / oder ob es sich vß der zucht gerissen
 vnnd sinem mütwillen nach gelouffen sye.
 Dan es ligt nit sonders daran wie by from-
 men lüten du gewonet / sonder daran ligt es
 vil mee wie verz vnd wie vil du inē geuolget
 vnd gehorsamet habist. Judas ward vnder
 den apostlen von dem Herren Christo vferzo-
 gen / darumb was er aber nit dester besser.
 Dann er ließ sine bösen tück nit / vnd gehors-
 amet nit.

Vß disen stucken allen / vnd anderen der-
 glychē vmbstendē / sol im ein yetlichs mensch
 ein vteil machen ob die person / die er im zū

Verkeerdig
vñ bofheit
des gmüts

Der Ze zenemmen vferoren hat / ernennite
güter des gmüts habe / vnd jm also zu sinem
fürgenommen end rächt fridlich vnnnd eerlich
in der Ze / wie gebürt vñ Gott yngeſetzt hat /
zu läben fomlich vnd fügflich ſye. Dan wie
in dem gmüt erzeltē tugendē / also ſind in jm
ouch ſchädliche böſe laſter vñ verderbnuffen /
als gottloſe / verachtung Gottes worts / miß-
glauben / vnd abgöttery / appenſtützler / vn-
uerſtand vñ gröbe / liegen / falſch / glychßnery /
vngerächtigkeit / gſchwätzigē / vnmäßigkeit /
trunctheit / gyt / vnküſcheit / vnuerſchampte /
vnzucht / fräuel / fräche / hochſart / ſtöltze / eigen-
richtige / kyb / bläyen vnnnd vnghandtsame.
Welcher jm nun ein gemahel erwölt der mit
ſömlichen verderblichen laſtern behafftet iſt /
der ſücht jm ſelbs nit ein gmahel zu einem
rächten fridlichen vnd güten eerlichen läben /
ſunder ein pyn vnruw vnd zerſtörung alles
zimlichen vñ gebürliche läbens. Inſonders
iſt wenig da hoffnung zu haben / wo gottloſe
vnnnd verachtung Gottes worts iſt. Dann
glych wie Gottes forcht mit jro zücht den
gantzē krantz der tugenden / also bringt gott-
loſe allen wüſt vñ alle laſter mit jro : verſperre
ouch den wäg zu der beſſerung. Dann wel-
cher Gottes wort nit hören wil / der ſchlecht
ab allen bericht / vnnnd iſt deßhalb kein beſſe-
rung von jm zu verhoffen. Wo dann ouch
kein

Verachtig
Gottes
worts.

115
Kein scham ist / da gethar der vnnerschampt
mensch alles das thun / das in gelust. Wo lie-
gen rümen vnd lychtferigkeit ist / da hat nie-
mants nützig gewüßes / da stat alles das man
thut vnd redt in zwysel / vnd ist keins hinder
dem anderen sicher. Wo hochfart ist / da ist
ouch fräche / fräuel / hochmüt / verachtung / vnz-
durtz / kyb vnd verbertung: vnd wo die sind /
da ist nüt dan bläyen / kyslen / vnd nimer kein
güte stund. Darum welcher der rechten stus-
cken der Le / vñ eins rechtgshaftnen läbens
nit versälen wil / der geware der güteren des
gmüts vñnd erwölle ein sömliche person die
mit den güteren vnd nit schaden oder verke-
rung des gmüts von Gott begaabet sye.

Nach den güteren des gmüts folgend ze
nächst die güter des lybs / als da ist ein rächt-
gestaltiger oder rächtgshaftner lyb / gesunde
heit / ein rächt alter &c. Ein rächtgestaltiger lyb
ist / der ein rächte form vnd gestalt hat / gschickt
vnd frefftig kinder zü gebären vnd huß ze-
halten: ouch die du lieben vñ deren dich ver-
nügen mögigt &c. Von der schöne des lybs /
hinder dero sunst nüt mee ist / redt Solomon
Prouerb. 31. cap. Ein falsch ding ist vmb
liebliche / vnd ein ytel ding vmb schöne: aber
ein Gottsforchtig wyb ist hoher eeren wärt.
Vnd Prouerb. 11. cap. Wie das guldin fleis-
not ist an dem rüssel des schwyns / also ist ein

schön wyb/die vnzüchtige gebärdē hat. Dar
umb sind alle die groß narrē die in der waal
allein vff die schöne lügend / vnd der gütern
des gmüts nit achtend. Solichen dienet her
nach die schöne zū vnruw/zū leid vnd kum-
ber. **G**esundheit sol ouch in der waal bedacht
werden / damit nit du mit sampt allen den
dinen verfarist / vñ din gantz huß vergiffet
vnd verwirret werde. Doch red ich hie von
schwären franckheitē / nit von tägliche zufä-
len vnnd kleinen siechtagen/denen alle mens-
schen vnderworffen sind. Ich sag aber von
der wütende / hirnschwynung / doubtsucht/
von dem hinfallendē siechtage / von der lämy
vnd den plateren/oder dero glychen/ vor de-
nen sich menglich traffenlich goumen sol.
Doch wo die **E**selüt / die yetzund by einanz-
dren sind/ von Gott/ mit sömlichen franck-
heiten angegriffen wurdend / söllend sy mit
einander mitlyden haben/ als die in einem
lychnam sind. Von dem rächten alter ist im
6. cap. gesagt.

Güter des
zytlichen
vermögens

Adel.

Die güter des zytlichen vermögens sind/
von dem adel oder sust von eeren lüten erbo-
ren syn/rychtumb/eerenämpter/oder gwün
vnnd gwärb haben/ vnd derglychen. Der
höchst vnd loblichest **A**del / ist edel syn in tu-
genden/ in güten wercken sitten vnd gebär-
den. Wår nun ouch darzū von sinen elteren
Edel

Edel ist/der ist so vil achtbarer. Aber von eeren lüten erbozen syn/vñ vneerlich handlen/ ist sich selbs vnd die sinen schmähē. Vil sind funden/die nit hohes hartumens warend/ziertend aber jro gschläch mit tugenden vnd eerenthaatē / das sy vñ das gschläch zü träflichem vfgang kamend. Vil sind hüt by tag von jren vorderen hohes namens vnd hartumens/verlassend sich aber daruf/mürwilelend/vnd vermeinend es gezimme jnen von Adels wägen/vnnd stande jnen nun wol an was sy thünd/vnd sind also edel das ist fürträfflich vnd fürpündig in allem wüßt vnnd allen lasteren/damit sy sich in abgang vnd in die höchste verachtung vnd hassz aller menschen richtend. Darumb lüge ein yetlichs hie in die sacht mit vernunft/damit niemants nach gold gryffen wölle/vnd glüterwütsche/vnnd sich vnwiderbringlich verbriue. Vmb das zytlich güte stadt es ouch vast mißlich vñ gefarlich. Das güte ist wol etwan groß/aber mit wenig eeren züsamen geleyt. Vnnd by dem selben güte/wil nit allwäg glück frid vñ rüw syn. Vil verlassend sich vff jr güte/vnnd lernend nüt/darum könnends ouch nüt/dan kostlich syn vnd mit hochfart vnnd vnmaas verzeeren das mit vneeren / oder ouch glych mit eeren/lang zamen gelegt ist. Wenn man nun allwäg ab einem huffen nimpt/vñ nimt

Das zytlich güte.

mer nüt daruf leit / so schwynt er mit der zye
dahin / wie groß er joch sunst gewäsen sye.
Darnach volgt dann armüt / ja ein vnlyden-
liche vndultige armüt. Dann die das jro ye-
tzund verthon / habed / Bißhar keinen mangel
gehebt / vnd sind in aller völle gewäsen / dar-
umb pflegt sy vnlydlich nach sömlicher sun-
nen zefrieren / vñ vnderstond sich sölich dan-
nethin ouch an der hellblatten zü wermen.
Welcher nun in siner waal vff die vile des
güts sicht / vnnd nit ouch wie es gewonnen
vnd harkumen / oder wie das mensch sye / das
dz güte besitzt / dem wirt gwonlich ein präms
hütli vfgesetzt / des rüß jm der Rhyn nit ab-
wäscht. Güte one Gott vñ eer / ist ein tödlich
giff / vnd der lybhafft tüfel selbs. Güte vnnd
rychtag in der hand eins vnberichtē vnwüs-
senden menscheng / ist ein scharpff mäßer in
der hand eins kinds / das damit nüt rächts
schafft / sunder nun sich selbs verwundet vnd
verderbt. Darum sähe in der waal yederman
mee vff eer wüssen vnd können dan vff das
güte. Vnd über das gwonnen güte / ist wär-
bende hand / die da gwünnt vnnd sich neert
mit Gott vñ eeren. Ein rycher der schon vil
gewunnes güts hat / vnd aber darnaben nüt-
zid gelernet hat / vnd nützid gewinnen kan /
der so er einmal vñ sin haab vñ güte kumpt /
kan er kein anders mee gwünnen / vnnd ist
schon

Gwün vñ
großarb.

149
schon an Bättelstab kumen: Der aber der et-
was gelernet hat/gschickt ist zu ämptern/der
wärben vnnnd wercken kan vnnnd mag/so er
schon das sin einist vnd anderist verlürt/kan
er doch anders widerumb gewinnen.

Vnnnd wiewol keiner mit siner waal fürs
nemlich vff das güt sähen/sol/dennocht ouch ^{Achten}
niemants vnfürsichtiglich handeln vñ eer- ^{zimlicher}
liches vßkumens nit achten. Dan glych wie ^{eerlicher}
vß grossen güt hochmüt / also vß der armüt ^{narung.}
vil böses volgt. Darum ist nit vnrecht das
du in diner waal ouch ein nachtrachtung ha-
bist/ wie dich neeren mit eeren / vnd weiß du
wöllist mit dinem gemahel geläben/vñ was
dins gemahels haab gwün vnd gwärb sye/
vnd wie er dir zur zimlichen narung beholfs-
sen syn möge. So du aber des höheren vnd
besseren vngeachtet/ allein vff das güt sähen
wirft/so nimst nit die person sunder das güt
zur Ee: ist des nit so vil/ als du gern härtist/
oder schwynt es/so hört alle liebe vf. Dan die
liebe die güt/hüpsche/vnnnd andere ringfüge
stück machend /ist glych einem fhür das vß
strow od fluckspänen gemacht ist/das wüst
flur vf/wirt groß / verflacket aber bald. Also
vergadt ouch die liebe bald / die nit vß wir-
gen vrsachen erweck wirt. Macht man aber
ein fhür vß gesundem vestem holtz/ so gibt es
ein natürliche wärende vñ wolriechende hitz.

Also wenn du in der waal eins Legmahels
sichst vff rächte göttliche vnd eerliche stuck/ so
ist die liebe dester wiriger.

Summa
der waal.

Vnd in summa so lüge ein yetlichs mit si-
ner waal zum ersten vff die stuck daruñ die
Le von Gott vffgesetzt ist. Demnach ob die
person / die du in der waal hast / fügklich er-
melten stucken sye. Vnnd damit sölichs rächt
möge vermerckt werden / so sähe hie yeder-
man trüwlich vff die güter des gmüts/ob die
person gottsförchtig/ wüssend/ vernünfftig/
waarhafft/trüw/ eerlich/züchtig/ mässig vnd
fründtlich sye/item ob sy gsund vnnd nit mit
schwären Franckheiten Beladen / vngstaltig/
vnstätig/wüst/häßlich/ouch was jr stand sye/
was sy vermöge vnd könne/wie wo vnd by
wäm sy erzogen/wes sy geläbe vñ sich neere/
wie frütig/gschickt/hußlich/ arbeitssam vnnd
redlich sy sye. Findst du dan über sölichs übe-
rige grosse güter mit Gott vnd eeren/ schöne
vnnd derglychen gaaben/ so hast du Gott so
vil mee danck zesagen. Voruß vnnd an aber
sol Gott/ dem alle hertzen aller menschen als
lein offen vnnd kundtbar sind / trüwlich mit
ernst vnd glouben ouch one vnderlaß gebät-
ten werdē/ das er vns nit versaren lasse/sun-
der das er vns vätterlich zü rächter Le ver-
hällffen vnnd füren wölle/ in dero wir eerlich
vñ säligklich ouch jm zü eeren. rächtg schaffen
läben

Ds gebätt.

121
Liben mögind. Dann Gott ist allein der die
Ee Bescheert/der die hertze in seiner hand hat/
vñ den willen gibt: als in vorigen Capitlen
gesagt ist. Doch wie in anderen stucken vnd
händlen die vorordnung Gottes die ordnen-
lichen mittel nit abthüt/also thüt ouch hie die
selb Gottes vorordnung die ordenliche waal
nit ab: sunder by den gottsföchtigen gond
sy beide mit einandren.

Sömlicher Gottes vorordnung vnd ord- Ein schön
denlicher waal habend wir gar ein schön by- exempel der
spil Gen. 24. cap. da der diener Abrahe von Eelichen
sinem herren vßgeschickt wurd/ sinem sun waal vnd
Isaacen vmb ein wyb in Mesopotamia zu des wär-
wärben. Der selbig diener hebt sinen handel bens.
mit dem gebätt an/vñ spricht/Herz du Gott
mines herren Abrahams/schaff das mir hütt
Begegne/vñ thü barmhertzigkeit an minem
herren Abraham. Sihe ich ston hie by dem
wasserbrunnen (dann er hielt mit sinen die-
nern vnd kamelen daussen vor der Statt by
einem wasserbrunnen) vñnd der lüten töch-
tern in der Statt werdend heruß kummen
wasser zü schöpffen/Wenn nun ein tochter
kumpt zü deren ich sprich/Neig dinen früg
das ich trincke: vnd sy spricht/Trinck/ich wil
dine kamel ouch tränckenn /daby wil ich se-
hen/dz sy die sye/die du dinem diener Isaac
Bescheert habist. Sich in disem gebätt erkent

Abrahams Diener die vorordnung Gottes/
vnd das Gott allein die Le beschere/nüt des
ster minder bätet er/vnnd gebucht sich der
mittlê. Dan es volgt in der historia/Vnd ee
er vßgeredt hatt/sich da kam heruß Rebecka/
vnd trüg einen krüg vff der achflen/vnd sy
was ein seer schöne tochter vnnd ein vnuer
seerte jungkfrow/die steig hinab zum Brun
nen/wasser zü schöpffen. Do luff der knecht
zü jren vnnd hiesch jren zetrincken: vnnd sy
sprach/Trinck min herz. Vnnd damit ließ sy
den krüg nider vff jr hand/vnnd gab jm ze
trincken. Vnd do er getruncken hatt/sprach
sy/ Ich wil gern dinen kamelen ouch zetrin
cken schöpffen. Vnd ylt damit/vnd schapffte
vß dem Brunnen mit dem krüg in den tren
cketrog/vñ tranckt die kamel. Der man aber
trachtet vñ hatt acht vff sy/vñ schweig still ic.
One zweyfel achtet er der gütern des gmüts
vnd des lybs/vnd befand fründliche/vnder
dienstige/demüt/arbeitsame/frütige/ceren
enbietung gegen frömbden lüten: das sy nit
vnkündnend/oder zart erzogen/vnd ein hoch
fertig weich thier was/sunder redlich vnnd
dapffer. Er hätte ouch nit baß mögen erfa
ren wie sy geartet was/onet durch sömlichen
anlaß. Sy was noch ein vnbesleckte tochter
vnd darumb ouch züchtig vnd nit bßchnüpe
per. Als sy zum Brunnē kumpt/macht sy kein
gstand/

123
gstand / bringt auch keine huffen junger gsel-
len mit jro / fallt auch den frömbden man vß
gwünderige nit an / sunder frütig vñ richtig
gadt sy jr straaß / vnd hat jrs dings acht. So
bald sy aber von dem alten eeren mann von
dem diener Abrahe angesprochen ward / er-
zeigt sy sich gantz früntlich / vnd vnderdien-
stig. Sy nennt in eerlich ein herren / dient im
flux / fragt in nüt / vñnd schwärzt wyter nüt.
Das sind rächt tugenden in den jungfrow-
wen hoch zü loben. Zü dem wirt dise jungf-
frow auch gerümpft von der schöne vnd jres
lybs ggestalt / die noch so vil hüpscher / so vil züch-
tiger sy was. Sprichst / Wo sind aber die an-
deren Gottes gaaben vñ güter des gmüts /
gottsforcht / rächter gloub :c: Sag ich / Die
vorgemelten tugenden sind in jro nit one
gottsforcht vnd glouben gewäsen. Zü dem
so hat vorhin Abraham disen sinen diener ge-
eidet vff dise form / Du solt schweeren by dem
Herren des himmels vñnd der erden / das du
minem sun kein wyb nãmist von den töch-
tern der Cananitern / vnder denē ich wonen /
sunder du solt ziehen zü den minen / vñ dan-
nenbar ein wyb bringē. Die Cananiter was-
rend im glouben vnd sitten zerrütt vnd zer-
brochen / abgöttisch vñ schantlich / doch mäch-
tig vñnd ryck. Die aber in Mesopotamia /
Dannen Abraham kummen was / warend

gottesfürchtig vnd from̄ / Doch nit so gwaltig
vnd rych. Aber Abraham haltet der gottes-
fürcht nach / vnd laßt vns darinn ein byspil/
das wir alle Gott lieber habind̄ dann den
Mamon. Vnd also hast du ouch/das in diser
Le des gloubens zum höchsten gefaret ist.

Als nun der diener der traffenliche gaabe
an der tochter stillschwygend gewaret hatt/
fragt er wyter/ Wess bist du vnd wam ge-
hört du zu? Antwortet sy/ Ich bin Bathuels
tochter/vnd Nabor ist min großvatter. So
zoch der diener Abrahe guldine ring vnd ein
kostlich haarband herfür/ vñ schenckt die jrē.
Dann nit vngewöhnlich ist es eeren schenckinen
eeren töchtern/ vñ eeren willen gaben / vnd
jre gmüt also zu eeren vñ eelichem gunst bie-
gen. Sunst vnd in andere wäg vñ von arg-
wönigen personen/sollend fromme töchtern
nüt nemen. Dan̄ man hie rächt spricht/Wel-
ches den kraam nimpt/ muß zeletst ouch den
krämer haben/ 2c.

Noch wyter wolt der diener an der tochter
erfahren wie fründtlich/ barmhertzig/ gastfry
vnd trüw sy wäre/ vnd sprach / Habend wir
ouch platz in dines vatters huß zu herbergē?
Vnd sy sprach zu jm/ Wir habend vil strow
vnd füter / vnd platzes gnüg zu herbergen.
Doch das sy sich nit zeul gewalts annäme/
loufft sy hinyn/vnd zeigt jrem Bruder Laban
an/

an/ was jro begegnet: Der rüst bald die stal-
lung/gadt hinuß zum Brunnē / vnd furt den
diener heryn in sin huß/vnd setzt jm zū äffen
für. Der diener aber sprach/ Ich wil nit äffen
biß das ich vorhin min sach geworben hab.
Vnd hebt damit an/vnnd erzelt/ wie sin her-
Abraham ein einigen sun überkumen/vnnd
wie rych er worden/wie er in zū jnen in Mes-
sopotamiam abgefertiget habe / vñ ein wyb
zū wårben. Da sagt er wie er Gott gebätten
habe/vnnd zum Brunnē kumen syc/ wie jre
tochter Rebecka ouch zū dem Brunnē kum-
men/vñ wie/ ouch was sy gehandelt/by dem
er wol verstanden / das Gott jr tochter sines
herren sun zum Xewyb verordnet habe: da
so begære er yetzund einer entlichē antwort/
ob sy jr tochter wöllind sines herren sun ver-
mächlen? Daruf antwerted der tochter vater
vñ Brüder/ Das ist von dem Herren kum-
men/ darumb wöllend wir nit darwider/ze.
Vnd erlernend wir also vß der history/ weñ
wir Gott trüwlich gebätten / vnser waal or-
denlich gestellt/ vnd andere mittel geübt ha-
bend / das wir dann an die elteren wårben/
vñ wie oder welcher gestalt wir wårben sol-
lend. Die tochter wirdt ouch erkundiget jres
willens/vnd verwilliget/ damit wirt die Xe
beschlossen. Vnd so vil sye von der waal eins
fömlichen Xegmahels vñ von dem wårben
gesagt.

Form des
wårbens
vmb ein
wyb.

Warheit in
der Eetä-
ding.

Soch muß ich hie noch das duch sagē/das
sich ein yetlichs redlichs mensch hüte / das es
kein lug in der Eetäding für gäbe/sunder vil
mee die waarheit bruche / vnnnd sage wie alle
ding standind. Man sagt wol / Es kam nie
armer man zur E. Solichs liegen aber vnd
betriegen/bringt hernach gar grossen vnwil
len/by denen die betrogen sind. Gedencf
ein yetlichs wie vngern es betrogen werde/
vnd das man sagt / In der E sol niemants
betrogen werden.

Es sol ouch ein yetlichs die person deren
es vermächlet ist/nit anders/dann für sinen
Legmabel halten/wenn es glich mit jm noch
weder zur kilchen noch zestraaß gangen ist.
Dan also stat geschriben Deut. 22. cap. Wen
ein magt yemants vermächlet ist / vnnnd ein
man überkumpt sy/vnd schlaafft by jro/so sol
man sy beide für der statt thor hinuß füren/
vnd sy zu tod versteinigen.

Von der Hochzyt.

Cap. XVI.

Und nach abgeredter Eetä-
ding (in dero alle künfftige irrun-
gen/so des güts halben/oder von
wägen der zusagungen mit der
zyt erwachsen möchtind / fürsichtiglich sol-
lend fürkommen werden) sol der kilchgang vñ
Bywonung nit lang vßzogen werden / das
mit

127
mit der böß nit etwan bösen somen darzwis-
schen säye. Es sol ouch die bywonung mit
Gott vnd der kilchen fürbitt angehebt wer-
den. Da hat sich aber der tüfel yngflickt vnd
vil böser brüchen vnd sittē yngemischt. Dan
es ist an etlichen orten ein sträflicher bruch/
das man grad vff die vermählung ein gros-
sen wül vnd wüsts gefräß anrichtet/vñ grad
die selben nacht die zwey versprochen Le-
menschen zamen leit/daruf erst nach etlichen
wuchen zur kilchen gadt. Welchs doch nit
anders ist/dann ein onmächtige begird/vnd
ein anzeigung das du grad klein achtst die
Benediction/glych wie der Esau/vnnd in der
Le nit dann fleischlichen lust süchst. Vor al-
len vnd in allen dingen heist vns Christus
das rych Gottes süchē. Vnd diewyl er selbs
die ersten Le zamen gäben / vnd sy beide ge-
benedyete hat / so hat die kilch vß dem byspil
vnd geist Gottes / geordnet / das die Le lit
offentlich / vnnd vor allen dingen zur kilchen
kumen/vnd jre Le da der kilchen offnen vnd
bestäten / ouch die benediction von dem die-
ner Gottes empfangen/vnd sich da gemeiner
kilchen fürbitt befälhen vñ gebrechē söllind.
Söliche göttliche ordnüg sol ein redlich Chri-
sten mensch sinen ansüchtungen fürstellen /
vnd in siner Le nit das maal vnnd das Bett/
sunder das rych Gottes zum ersten süchen/

Der kilche
gang gange
vo: dem
bpligen.

vnd darnach erst im namen Gottes die By-
wohnung zehanden nemen.

Des Christ-
liche Kirche
gangs vns
chen vnd
nugbarkeit.

Dañ in gemelter ordnüg ist nit nun Gotes
thaat vnd exempel / sunder es sind hieby
ouch diß güte nütze vnd Christliche stuck Bes-
griffen vn̄ zü bedencke / die yetzund volged.

Zum ersten wirt mit diser ordnüg offents-
lich aller wält für die ougen gestellt / dz Gott
der ist der die Ke zamen gibt. Dañ das der
diener der kirche thüt / thüt er im namen vnd
nach dem Byspil Gottes.

Zum anderen wirt mit diser ordnung Bes-
züget das die Ke eerlich vnd Gott wolgefels-
lig / ein heilig werck des liechts / vnd nit ein
vnrein werck der finsternus ist. Dañ es ges-
dörend die Kelüt fry offentlich in offne kirche /
da allein die werck Gottes geübt werdend /
ans licht kumen. Die werck der hury vnd
vneeren / verbergend sich in die finsternus.
Man sicht ouch by dem kirchgang / wär mit
Gott vnd eeren in der Ke / vnd wär mit dem
tüfel vnd schandē in hury huß hat: ouch wel-
che man by einandren als eerenlüt / vnder ei-
nem Chusten volck dulden / vnd welche man
von einandren als huren vnd büben wysen
vnd tryben sol.

Zum dritten wirt menglich in diser ord-
nung vermanet die versprochnē trüw sinem
Legmahel gegäben / vnd vor Gott vnd der
ganzen

129
gantzten Kilchen gethon / trüwlich gehalten.
Dan so sich yemants nit vnbillich schampfte/
wenn er in gegenwertigkeit Biderber lüten
etwas verhiesse / das er aber nit hielt: vil bil
licher söltend sich die Lebriacher schämen / die
jr versprochne trüw vor Gott vn̄ der Kilchen
gegäben / brächend.

Zum vierdtē wil Gott denen die in siner
forcht die Le Beziehend / vnd nach siner ord
nung bestärend / sinen sägen gäben. Desß sich
die gläubigen zū jm trüwlich versähen söl
lend. Gen. 1. cap.

Zum fünfften verkündt man da das wort
Gottes / vnnd leert wie heilig die Le sye / wie
sich die Zelüt haltē söllind ꝛc. Da wirt yeder
man der im Bestand läbt / von nūwem siner
pflicht vermanet / vnd die die etwan im Le
stand übel läbend / zur besserung berüfft : die
aber die rächt läbēd / in allem güten gesterckt.

Zum sechsten beschicht da ein gemeine sūr
bitt der gantzten Kilchen / im̄ namen Christi/
für die nūwen Lemenschē vnd für den gan
zen Bestand. Vnd verheißt aber der Herr/
Wo zwen oder dry versamlet syend in sinem
namen / da wölle er in mitten vnder jnē syn:
darumb sich wol zū versähen ist / das er vil
mee by einer gantzten Kilchen syn / vnd jro ges
bätt erhören wölle. Dise vsachen alle an
gesähen / verachtend die gläubigen die ord

nung Gottes nit / sunder schickend sich mit
flyß vnnd vor allen dingen das ryck Gottes
zesuchen / vnd das eerlich nütz vnd gut ist an
die hand zenemen.

Missbrüch
in hochzyt-
ten.

Aber der Tüfel hat sich hie ouch yngemisch-
let / vnd wo er glych nit vermag das man die
ordnung des kilchgangs gar vnderlaßt vnd
verachtet / da vermag er doch vnd richtet an /
das man die ordnung nienerfür hat / vnd sy
mit allerley lychtferigkeiten besleckt. Derley
ists / dz die hochzytlüt am morgen früy anbe-
bend Suppen ässen vnd sussen / darob sy sich
biß in die halbe predige verspätend. Wenn sy
dann schon in die predig kumend / so sind sy
halb / etlich ouch gar / voll / darumb achtend sy
weder des prediges noch bättes / sund stond
nun da von gwonheit wäge. Soliche kum-
mend ouch zur kilchen mit aller hochsart vnd
vnmaaß der kleidern vnd zierden beschiffen.
Sy kumend mit einem grossen getümel feg-
len vnd hochfien der trummen / damit sy die
ganzten kilchen verwirrend / vn̄ in göttlichen
geschäften verhinderend. Sy kumend in des
Herren huß als in ein kouffhuß / iren kraam
vßzülegen / vnd sich feil zu schanden vnd bü-
bery zebieten. Vnnd grad wie sy zur kilchen
kumend / also ziehend sy wid von der kilchen /
wiegsam / verkeert / in schandtlichem pracht
vnd öder üppigkeit. Was meinst aber / du
gläubiger /

139
gläubiger/ das sömlicher filchgang by Gott
erwerber warlich mee vngnaden vnd zorns/
dann willens vnd gnaden Gottes.

Darum syend hie alle frome erbare lüt ver
manet/dz sy söliche mußbruch/ja sölichen sün
digen lasterhafften filchgang (wo der noch
also im bruch wäre) vnderlassind/vñ jre eere
fründschafft vñ nachpurschafft zü jnen näm
mind/vnd by güter zyt/nüchter vñ verstan
dig/demütig/als vor Gott/vnd one pracht/
züchtig vñ mit gebürlichen ersamē kleidern/
one hochfart/one trumen vnd hochflē/in des
Herre huß gangind / vñ da des Herre wort
hörind / Gott trüwlich mit ernst vñ glauben
bittind/die benediction empfabind/vnd mit
züchten vnd stille widerumb heim ziehind.

Nach de filchgang wirt by vilen nit min
der vnradts geübt / dan glych ouch im filch
gang. Dann wen man von der filchen heim
kumpt/da gadt es erst an ein wülen mit stas
sen vnd mit sussen. Der armen wirt nienan
gedacht. Vnd vergüdet man doch vff einen
tag/das die zwey nürwen Lemenschen deß
zur notturfft ein halb jar gnüg hättind. Die
zyten Noe vß dem Euangelio/vnd der Rych
mann vnd Lazarus/habend da wyten platz.
Lüge ein yetlichs das es jm mit sömlicher vn
maß nit ouch bette by dem Rychen mann in
abgrund der hellen.

Der hoch
zyre schand
vnd vns
massen.

Nach dem maal vn̄ äffen gat es erst an ein
wüß vn̄sinnig vn̄züchtig wäsen. Dañ man
für die Brut heruß an einen offenen dantz-
platz. Da erhebt sich dañ ein sömlich rennen
louffen vn̄nd durch einandren zwirblen/ da
sicht man ein sömlich fleischē v̄werffen vnd
emplößen der meytlinen / das yemants ge-
dencken möchte/ alle dise tãntzer hãttend alle
schãm hinder die oren gschlagen/ wãrend lu-
ter all toub vn̄nd vn̄sinnig vn̄nd sprungend
Sant Vyts reyen. Da muß die arm Brut al-
len dãnzeren füß halten / niemants mitzü-
hãtschen abschlahen/er sye glych wie schebig/
wüß/truncken/grob vn̄nd vn̄uerschampt er
wölle. Da muß sy oft vil vn̄radts vn̄nd vil
vn̄züchtē hören vnd sãhen. Vnd das sũlhen
vnd bangglen wãret biß zũ dem nachtäffen.
Im nachtäffen gadt es so vil wüßter vn̄mãß-
siger vn̄ vn̄züchtiger zũ/ so vil vn̄schamhaff-
tiger vnd trünckner der abend dañ der mor-
gen ist. Nach dem nachtäffen muß es aber
v̄ffein nũws gegumppet vnd gehoppert syn.
Vnd weñ die jungen Lemenschen schon ein-
mal v̄ß dem gwül gschrey vnd vn̄radt / müd
vn̄ hellig/ an jr rüw kũmend/ so ist dennocht
noch kein rüw. Dann man findt vn̄züchtig
vnd vn̄rũwig lüt/ die jnen erst für jr kammer
ziehend/ vnd da wüßte grobe lieder singend/
damit dem tüfel nun trũwlich vnd gnũg ge-
hofiert werde.

Hie

Sie Bedencke aber ein yetlichs Christen
 mensch/was doch diß für ein vnzucht vñ ver
 feerte wyß sye / vnd wie vnbillich söliche vn
 reinigkeith vnder Christenem volck/das heilig
 syn solt/geübt werde. Sie se sol ein abkün
 den syn alles vnzimlichen wollusts/aller vn
 maß/alles üppigen vnd vnuerschampten lä
 bens: vnd ein sömlichen künschen stand hebt
 man an mit so wüster üppigkeith vnd lychtfe
 rigkeit/mit sömlichem gwül vñ praß/ damit
 man der jungen lüten lyb seel vñnd güte bes
 schwaret. Oder ist doch yemants so vnuer
 stendig/d sömlichs noch nit verstande: War
 umb besserets dan niemäts: Oder wöllend
 wir Gott mit gwalt reitzen vñ tratzē: Nun
 wolhin/wiewol üch das ind harr erschiessen
 werde/müssend wir beschähen lassen.

Wie (sprichst du) hat dan Gott verbotten
 eerenlüten eerenmal mit einandren zü ässen/
 od eerentantz mit allen züchtē zethün: Ant
 wurt. Was Gott nit für sünd vßgibt vñ ver
 dampft / das sol ouch der mensch nit für sünd
 vßrüffen. Nun ist fröud mit eeren/ein gnad
 vnd gaab Gottes/vñ nit ein sünd: dannen
 har die alten gesprochen habend/ Fröud mit
 eeren sol niemants weeren. Darumb wenn
 sich der gläubig zimlicher fröuden mit zucht
 maß vñnd danckbarkeit schon gebrecht / so
 sündet er nit. Dan Gott hat dem menschen

Zimliche
 eerliche
 fröud.

fröud mit eeren/vnnd zü siner zyt/nit abge-
schlagen. Das findt sich klar Jeremie 31. cap.
So spricht Solomon Ecclesiastes 3. cap. Es
ist ein zyt zü weinen/vnnd ein zyt zü lachen.
Es ist ein zyt zü trurē/vnd ein zyt zü tanzzen.
Es ist ein zyt zü umbfahen/vnnd ein zyt das
man sich umbfahens enthaltet. Darum̄ weñ
es zyt ist süg vñ statt hat/so mögend die glöu-
bigen allerley fröuden spil/zimlich mit eeren/
vffhochzyten/oder sust jarstagen/weñ Gott
friden/vnnd güte zyt gibt/haben. Der miß-
bruch/die vnzyt/vnd vnmaß (wider die wir
hie allein redend) vnradtet vnnd bringt den
schwaal in disen vnd allen anderen dingen.
So volgt gern grosser vñ vnmaßfiger über-
schwengklicher fröud/träfflichs vnnd vnent-
lichs leid. Darumb syend hie alle glöubigen
vermanet das sy vffjre hochzyt alle vnmaß
abstellind/vnd den eerenstand mit zucht vnd
allen eeren anhebind/so wirdt ouch Gott sin
gnäd darzü thün/vñ sy in langwirigen cer-
lichen fröuden/oder wenn jnen glych trübsä-
ligkeit züfiele/nit one trost/läben lassen.

Von der ersten bywonung vnd eelicher liebe.
Cap. XVII.

Nach dem bisshar von d wal
eins Fomlichen Regmahels / ouch
von dem wärben vnd filchgang/
oder

135
oder offnen vnd bestäten der Le/zum fürzisten
sten gesagt / ist es yetzund an dem anderen/
Das ich zeige wie die zwey Lemenschen zū
Beiden syten wol vñ rächt mit einandren lä-
ben/ vnd eeliche liebe vñ pflicht trüwlich hal-
ten vnd meeren mögind.

Vnd hie hat die erste Bywonüg allermeist ^{Die erst by-} gefaren. Dann ee dan lüt (die nie by einan- ^{wonüg hat} dren gsyn/vnd eins noch des anderen nit ge- ^{gfaar.} wonet hat/ etwan ouch widerwärtig wysen vnd arten wider einandren habend) by einandren gwonind/vnnd eins das ander kenen lernet / so erhebt sich mancher struß/ vnd so man sömlichs im anfang nit fürkumpt / so wirt ergers daruß. Dan der tüfel der synd aller einigkeit schlecht hie ouch zū / vnd halter ernstlich an/das jm sin teil ouch darvon werde/ vnd das die Lemenschen nit zū wol eins syend. Darwider müßend die Lelüt flyssig wachen vnd stryten/dem tüfel nit statt gäben/ sund gedencken was jne vß sömlicher früyer vneinigkeit volgen mag. Das selb aber mögind sy vß volgendem byspil erlernen/Wen zwey brätter zum ersten nit wol gefügt vnd an einandren gelymt werdend/ so haßtends hernach nimer rächt. Wenn aber die erst füg vnd das erst lymen wol geradt / so mag hernach die brätter kein gwalt von einandre tryben/ja dz gantz brätt bricht ee/dan die rächte

füg. Darumb sollend sich die Zelüt inson-
ders flyssen das die erst bywonung fründlich
sye/ vnnnd durch kein häßlich gezenck vnfüg
werde/ dann der gantz Bestand durch all üz-
wer läben wirt dester glückhaffter vnnnd rüz-
wiger syn. Vnd ob es sich dan ouch begäbe/
das sich joch etwas wulcken der vneinigkeith
erhöbe / so verhütind doch sy beide/ das ent-
wäders zeuil mit zorn/schmähen vnd vnrats
an die sach thüye. Dan wenn man grad im
antritt der Ze so gar grob vnd wüß vneins
wirt vnd mit einandren gnodt vnd gar zer-
leyt/wil es nun allwägen vßschlahen wie es
mit grossen wunden vnnnd Beinbrüchen vß-
schlecht/ die seltsamlich so wol geheilet wer-
dend/das sy nit etwas schmerzēs erzeigind/
wenn sich das wätter enderet. Also wen die
Zelüt einandren so frū gar on alle eer haltēd/
vñ der spaan schon einmal zwüschē jnen ge-
richtet wirt/wil doch der alt grollen nun wi-
derumb vßstossen / wenn man glych hernach
etwan widerum vnd in kleinem stöffig wirt.
Dann kumend die häßlichen wort / Du hast
mir vor ouch also gethon. Ich solt wol wüße
sen das ich dir wenig vertrauen solte/ 2c.
Vnnnd der ggestalt verbitteret die frū vneinig-
keit das gantz läben vñ den gantzē Bestand.
Sömlichs betrachte ein yetliches vorhin/
vnd enthalte sich / dulde vnd lyde: schmeckts
jm

Wie man
sich in der
erstē bywo-
nung hal-
ten solle.

137
im glych nit alles / so gedencke an das wort
Pauli / Einer trage des andren burde / so wer
dend jr das gsatzt Chusti erfüllen. Lyde sich
eins mit dem andren. Darzwüschē erkonne
ein yetlichs des anderen art vnd sitten / vnnd
schicke sich dann ouch in des anderen läben:
diewyl sy doch einmal müßend byeinandren
wonen gnäsen vnd stärben. Vnd dencke ein
yetlichs den rüwen vnd dem wolstand nach.
Bedenckend doch zü beiden teilen eigentlich /
wenn iwer yetlichs also vff siner wyß storzen
wil / das jr nimmer lieben tag darby habē wer
dend. Was hilfft tich dann iwere läze wyß?
Besser ifts wenn du gewarest / das du an dir
hast das dinem Legmabel mißfallt / du thū
gibt dich desse ab. Mißfallt dann dir ouch et
was / so red fry vnd vernünfftiglich mit di
nem Legmabel das er sich deß vnd deß ab
thüge. Ist vernunfft da / so wirts beschieffen.
Mit der funst erlangend wir nit allwäg vnd
by yedermann alles das wir gern hättind.
Herwiderum so hat die züchtigüg dennoch
ouch jro zyt vnd ort. So wirt die zyt vnd by
wonung ouch vil bringen / also das dir mit
der zyt mengs milter wirdt werden / das dir
im anfang eben ruch vnnd vnlydenlich was.
Vor allen dingen aber wirt das gläubig ge
bätt zü Gott allermeist fridens vnnd rüwen
schaffen. Gott hat allein die hertzen in siner

hand/Die mag er neigen vnd enderen wie er wil. Nun laß du nit von dinem anruffen.

Was wir von Gott in rechtem glauben Das nit wider sin eer vnd vnser heil ist begärend/ Das wil er vns gäbē. Es wil aber ouch sōmlich gebätt verharret syn/als Christus leeret Luc. 18. cap.

Welche aber in jren ansächtungen/ vngesachtet diser vnser Bericht vnd warnung fürsarend/vnd grad in der ersten Bywonung so bald sy etwas an dem Legmabel/ inē widerwärtig/sindend/Bolderend vnnnd schrygend/ Niemandts dann der tūfel hat mich din beradten 2c. Die thünd grad als so einer ein wyngarten Foufft hätte/vnd ee zyt daryn die truben zeuerfuchen gienge/ vnnnd so die trubenbere noch hert vnnnd sur / Das ist noch nit zytig noch ryffwäring/darum grad die wynrāb vkrisse/vnd den gantzen garten verwüste. Dañ wie man hie der zyt/ also muß man jren ouch in der ersten eelichen Bywonung erwarten. Vnd wenn glych die truben wol ryffsind/ dennocht ist der safft nit grad der ersten zyt wyn/sunder zum ersten most/dar nach suser/zeletst erst wyn : ja die jar vnd elte machend in an etlichen ortē ye lenger ye besser vnnnd milter. Welcher nun der zyt nit erwarten/vnnnd darumb sinen wyn/das er nit grad wyn /sunder vorhin trüber most / dar nach

nach ouch räffer suser ist/vßschütten wölt/der müßte des wyns gar manglen: also müßtest ouch du keinen menschē zum Legmabel nemmen/wöltist kein ansächung vñ prästen dulden. Dann alle menschen sind angefochten/vnd hat yetlichs sin besonderen prästen vnnnd mangel/zü dem mangel vnd über die vnuolkomēheit die vnser yetlichs von vnserem ersten vatter Adam mit allen menschen gemein hat. Darumb rede vnd thūye hie nit ein yetlichs das jm in kopffschüßt/sunder gedencke das wir alle menschē sind/vnd das nach dem alten sprüchwort die zyt rosen bringt.

Vnnnd damit sich mengklich in dise Bericht vnd in den Bestand dester feriger vnd rächtgshaftner ynshicke/wilich hie zum kürzistē erzellen was die Zelüt von Gottes gebotts wägen einandren schuldig syend/namlich ordenliche gehorsame vnnnd Zeliche/ das ist die höchsten/liebe. Dan welches mensch diß stuck eigentlich erwigt vnnnd by jm selbs rächt bedenckt/wirt sich nit nun ordenlich vnd früntlich in der ersten bywohnung halten /sunder in allem eestand / durch alles sin läben hin/rächtgshaften in einigkeit rüwen vnnnd aller gebürlichkeit läbē. Von diser Zelichen gehorsame aber vnnnd liebe wil ich das warhafftig wort Gottes anziehen damit diser Bericht by mengklichem dester mee gälte / vñ yederman

Was die Zelüt einandren schuldig syend.

wüſſe ſo man hie nit volget / das man offento-
lich wider Gott vnd ſin ſatzung ſündet.

Der wyber
ren pflicht
vnd gehor-
ſame.

Paulus ſpricht zü den Ephesern am 5. cap.
also / Die wyber ſyend vnderthon jren man-
nen / als dem Herren. Dann der man iſt des
wybs haupt : glich wie ouch Chriſtus das
haupt iſt der kilchen / vnd er iſt ſines lybs heil-
land. Wie nü die kilch iſt Chriſto vnderthon /
also ſyend ouch die wyber jren mannen in al-
len dingen vnderthon. Zum erſten redt Pau-
lus von der gehorſame die die Lewyber jren
mannen ſchuldig ſind. Die wyber (ſpricht er)
ſyend jren mannē vnderthon / das iſt gewär-
tig vnd gehorſam. Vnd ſetzt hinzü das ſy diß
jre ghorſame nit anders rächnen ſöllind / dan
als ob ſy die dem Herren Gott ſelbs bewy-
ſind. Daruß ouch volgt das ernennete gehor-
ſame ſich nit vff das arg vnd böß / ſunder vff
das güte eerlich vñ gebürlich ſtreckt. Si ewyl
Gott allein am güten ein gfallen hat / vñ das
arg allenthalb verbüt. Es volgt ouch das die
vngehorſame der wybern / jren Lemannē be-
wiſen / Gott nit minder mißfellig iſt / dann ſo
man ſich jm ſelbs widerſatze. Zum anderen
ſetzt Paulus ouch die vrsach warumb die wy-
ber den mannen ſöllind vnderthon ſyn. Dan
der mann iſt des wybs haupt. Welchs er vß
dem 3. cap. Genesis genomē hat / da also ge-
ſchriben ſtat: Vnd der Herz sprach zum wyb /
Vff

Der man
iſt dß haupt

Vff din mañ solt du sähen / den solt du fürchten / vnnd er sol gewalt über dich haben. So schrybt Paulus selbs 1. Timoth. 2. cap. Dem wyb gstatte ich nit das sy leere oder predige / oder das sy des manns her: sye. Dan Adam ist am ersten gemacht / darnach Heua. Vnnd Adam ward nit versürt / das wyb aber ward versürt / vnd hat die überträttung yngesürt. Siewyl dann die meister schafft vnd das annehmen der her: schafft dem wyb nit wol vßgeschlagen ist / hat Gott sy gedemütiget vnnd zur straaff der sünd schräckhafft gemacht / vnd vnderworffen. Soliche straaff vnd ordnung Gottes söllend sy ansähen / vnnd willig iren Lemannen nach dem gebott des Herren gehorsam syn / damit sy nit in Gottes zorn sal lind vnd noch wyter gestraafft werdind.

Soch das die mañ kein tyranny vß iren her: schafft machtind / erlüteret Paulus welcher gestalt vnnd wie die mann irer wyberer hdupter syend. Der mann (spricht er) ist des wybs haupt / glych wie ouch Christus das haupt ist der kilchē. Christus aber ist also das haupt der kilchen / das er der kilchen eben das bewyßt / daß das haupt dē lyb bewyßt. Das haupt sicht vnd hört für den ganzen lyb / regiert vñ leytet den lyb / gibt jm läbliche krafft. Also beschirmt leert vnnd erhalt Christus sin kilchē / in summa er ist jro heiland / trost / oug / vñ

Wie der mann das haupt sye.

hertz/wyßheit vnd wägleitung. Darum sollend die mann der wybern haupter glycher gestalt/ vnd in glycher güthät vnd regierung syn / vnd sy beherzchen mit vernunft zu erhaltung vnd nit mit gewalt vnd mütwillen.

Wie die
wyber ges
ho:sam syn
vnd sich hal
ten sollend.

Zum dritten setzt Paulus den wyber ein byspil wie sy gehorsam syn vnnd sich gegen iren Lemannen halten sollind/ vnnd spricht/ Wie die kilch ist Christo vnderthon/ also syend ouch die wyber iren mannen in allen dingen vnderthon. Wie ist aber die kilch dem Herrē vnderthon? Sy sicht allein vff in vnnd sin wort: dan anderen oder frömden loset sy garnit/ sy halt sich rein vnnd stat an im mit den höchsten trüwen: was Christus sy heißt das nimpt sy zu hertzen vn̄ thüt / hinder Christo vnd one sinen willen thüt sy nüt: dan sy sucht vnd fraget in allem irem fürnemē das wort Christi/ sy liebet Christum allein vnd ob allen dingen / sy lydet gern vnnd willigklich vmb Christi willen/ sy thüt alles vmb sinet willen/ Christus ist iro trost fröud vnnd alles allein/ Christo sinnet sy tag vnnd nacht nach / nach Christo stadt jr einigs verlangen/ vmb Christi willen begärt sy ouch / wo es zur eer Christi dienete / zesterben / ja sy gibt sich ouch fry dahin vmb Christi willen/ als die grundtlich erkennet / das jr seel eer lyb läben vnnd alles vermögen Christi gantz vnnd gar eigen ist.

Also

Also sol sich ouch ein yetlich eeren wyb jrem
Mann mit allem jrem vermögen zedie-
nen / zeghorſamen / vnd biß in das grab an-
zhangen / fry vnnd willig ergäben haben:
ſy ſol ſich jres manns vernügen / den allein lie-
ben / dem loſen / vnnd nach ſinem geheiß all je
thün vnd laſſen richten / ꝛc.

Yetzund volget ouch im Paulo was die
mann jren wyberen ſchuldig ſyend / vnd wie
ſy jre mann lieb haben ſollend. Ir mann
(ſpricht er) liebend iwere wyber / glych wie
Chriſtus geliebet hat die kilchen / vnd hat ſich
ſelbs für ſy gäben / vff das er ſy heiligete / vnd
hat ſy gereiniget ꝛc. Des manns pflicht iſt
das er ſin wyb lieb habe. Die Liebe aber iſt
langmütig vnd fründtlich / ſy iſt nit verbün-
ſtig / die liebe ſücht nit jren nutz / ſy iſt nit ſtolz /
bläyt ſich nit / laßt ſich nit bald zu zorn reizē /
mißt nit bald ützid zu argem / iſt nit vdrüzig
vnd müyig / ſunder yſerig vn̄ vnderdienſtig:
darum̄ ouch d̄ man̄ (als obgemeldet iſt) des
wybs houpt / das iſt ſchirmer lerer vn̄ tröſter
geneñt wirt. Doch darff es nit langer erklä-
rung / die wyl Paulus ſelbs die wyß vn̄ maß
der Liebe / dz iſt wie ſy jre wyber liebē ſollēd /
erlüteret vnd ſpricht / Ir man̄ liebend iwere
wyber / glych wie Chriſtus geliebet hat die kil-
chen. Wie hat aber Chriſtus die kilchen gelie-
bet? Es ſtat geſchribē / Niemāts hat gröſſere

Der manns
pflicht
vnd liebe.

Wie die
man̄ jre wy-
ber lieb ha-
ben ſollēd.

liebe dan der/ der sin läbē für sine fründ setzt.
Nun aber hat Christus sömliche liebe siner
kilchen bewisen. Dann es volgt im Paulo/
Christus hat sich selbs für sy gäben. Warum?
Vff das er sy heiligete vnnnd reinigete. Dar-
umb ist das die maass der Felichen liebe das
der Kemensch nützig so liebs habe das er nit
ouch fürsetze vñ gmein habe mit sinem gma-
hel/diewyl doch von jm erforderet wirt/ das
er (so es die notturfft erheischt) ouch sinem lä-
ben von sines gemahels wägē nit verschone.
Vnd wie Christus sin kilchen von wägē irer
vnreinigkeit vnnnd sünden nit verschmächt/
verachtet od verlassen hat/ also sol ein Christ-
licher Keman sin wyb ouch nit füssen sülden
vnd nienerfür haben/ darumb das sy etwan
vnbericht oder sust angefochten vnnnd verläs-
meret ist: sunder wie Christus sin kilchē neert
vnd leert/ also sol ouch der mañ sin wyb vñ
derwysen vnd früntlich leeren.

Wie heilig
die Felich
liebe.

Merck aber vñ behalt das / O du Christ-
licher Keman / das Jesus Christus der sun
Gottes / vnd die heilig Christlich kilch / vnd je
beider heilige liebe / dem Kestand vñ eelicher
liebe zum fürbild oder byspil fürgestellt wirt.
Höher heiliger schöner vnnnd reiner byspil
möchte nit fürgestellt werden. So muß ye
frylich volgen das die Felich liebe Gott zum
höchste wolgefalle / als ein ordenliche heilige
göttliche

145
göttliche liebe: herwiderum muß volge/ das
eeliche vneinigkeit hassz vnd vnwillen Gott
zum traffenlichsten mißfalle. Dann Gott
erforderet ye die höchsten liebe von den Les
luten / darumb sy ouch nit sündend sunder
wol vnd rächt thünd wenn sy von des Her
ren gebotts wägen / grosse holdschafft vnn
d liebe zamen tragend.

Es volgt ouch wyter im Paulo / Also sol
lend die mann jre wyber lieben / als jre eigne
lyb. Wär sin lyb liebet / der liebet sich selbs.
Dann niemants hat ye sin eigen fleisch ge
hasset / sund er neert es vñ vfhalt. Dar
umb wirt der mensch verlassen vatter vnn
müter / vnd sinem wyb anhangen: vnd wer
dend die zwey ein fleisch syn. Darum sol ein
yetlicher lieb haben sin eigen wyb / glych als
sich selbs. Disz alles sind des heiligen apo
stels wort / die habend sömliche rächnüg. Die
Le machet vß zweyen mensche ein mensche.
Dann sy zwey (spricht der Herz) sind ein
fleisch. Darum sol der man syn wyb nit an
ders lieben / dan sin eignen lyb. Vnd wie es
gantz vnnatürlich ist / das yemants sin eigen
fleisch vñ blüt haffe: also sol es ouch für vnna
türlich gerechnet werden wen ein Lemensch
das ander hasset. Wir alle ziehend vnserem
lyb zu / vnn d neerend in. Billich söllend wir
ouch vnsern wyberen zuziehē vnd inen güts

Der mann
liebe sin
wyb wie sin
nen eignen
lyb.

thün/dann sy vnserē lychnam sind. Vnd wie
ein grosse einigkeit vnd liebe vnder den glie-
dern ans menschē lyb ist/also sol sy ouch zwit-
schen den Zelüten syn. Alle glieder helffend
einandren / sy trurend vnd fröwend sich mit
einandren/keins verbönnit vñ verwyßt dem
anderen nüt/ yetlichs hat sin platz vnd ampt
im lyb/ vñnd thüt one brümlen was es thün
sol/also sol es ouch vnder den Zelüte zügen.
Vñnd so vil sye von der Zelichen liebe zum
kürzisten vß Paulo gesagt.

Wie man Eeliche liebe trüw vnd pflicht halten vnd mees-
ren möge. Cap. XVIII.

Sie sol aber der Eemensch
sich mit daran vernügelassen/ das
er weißt was eeliche liebe ist/ vnd
wie er sinen gemahelliebē sol/ sun-
der er sol sich flyssen mit der thaat sinen ge-
mahel also zelieben/ wie im der Herr gebors-
ten hat/ ja dz er sich ouch beslysse die liebe für
vnd für zū beharren vnd zū meeren. Dan es
hebend wol etliche an zelieben/ beharrend
aber nit/ etliche schickend sich mit iro läbē der
maaß/ das sy billicher gehasset dann geliebet
werdē. Darumb wil ich ouch yetzund von
dem ein wenig sagen wie man eeliche liebe
trüw vnd pflicht behaltē vnd meeren möge.

Zum erste diewyl die rächt Zelich liebe vß
Gott

Gottes
wort vnd
gebät.

147
Gott ist vnd dem mensche von Gott gäben.
wirdt/ so sind zwey fürnemē mittel die sy be-
haltend vñ meerend/ das wort Gottes/ vnd
das gläubig gebärt. Dann so die Leüt das
wort Gottes ernstlich hörend vnd läsend/er-
lernend sy daruß täglich dz eeliche liebe mee-
ret. Vnd so sy Gott mit waarem gloubē bit-
tend / das er alles das abwenden wölle/ das
die liebe zwüschen jnē minderen / vnd jnen
zū dem verhältnissen/ das die liebe meerē mag/
wirt sy Gott erhören: allein haltind sy an mit
bättē vñ mit höre vñ läsen des wort Gottes.

Zū anderen/ sidmals die Le vß zweyen Ein hertz
vnd willen.
menschen einen machet: daß sy zwey sind ein
lyb/ spricht der Herr: so söllend sy ein hertz
willen vnd sün haben / vnd keins dem ande-
ren sinen mangel vshoben/oder sich siner gas-
ben erheben. Ist din wyb nit gantz fürsich-
tig vñnd gschickt/Gott aber hat dir wyßheit
vnd gschickligkeit gäben/so rüm dich nit wi-
der din wyb/sunder gedencck das dich Gdte
zū jren in die Le verordnet habe/das du jren
mangel ersetzist/vnd so jr beide zamen thünd
ein volkommner lyb werdind. Ist der mann Nit einan-
deren vß-
rupffen.
arm/vñ das wyb ryck/ so rüme sich das wyb
ouch nit der ryckthum wider den mann/sun-
der gedencke das durch die Le jr güte ouch
jres eemanns worden sye. Dann die Le ist
ye ein gmeinschaft aller dingen. So ist der

lyb mee dann das güt. Si ewyl dan̄ din lyb
dines manns ist / vil mee ist ouch din güt sin
worden. Vnnd also sol jren yetlichs ouch in
anderen gaaben die rächnung machē / nam-
lich das alles das / das ein Lemēsch fürträffe-
lichers dan̄ das ander hat / durch die Ze ouch
dem anderen gmein worden ist.

Dienst vñ
gemeinsame

Zum drittē meeret das ouch die liebe / weñ
eins dem anderen trüwlich dienet / item weñ
sy nüt verborgens vnnd heimlichs (das an-
ders den Zestand antrifft) vor einandrē hal-
tend / wenn sy alles das sy habend vnd über-
kumēd gmein vnd ein seckel miteinander
habend / nit vor einandren b̄schliessend / vnd
einandren trüw in äffen trincken vnnd aller
notturfft Bewysend / weñ sy einandrē losend /
einandren nit verachtend / vnd was die huß-
haltüg betrifft mit gmeinem radtschlag mit
einandren handlend. Zü grosser vneingkeit
aber geradt das fürnemlich / weñ dz ein has-
sel vnd niema dulden wil das das ander lies-
bet vnd nit lassen kan / als da sind fründ / wat-
ter / müter / gschwüsterig / vnd anders dergly-
chen. Darumb solt du vmb liebe willen / das
nit hassen / das du sichst geliebet werden von
dem / von welchem du ouch begärst geliebet
zwerden.

Willfaare.

Zum vierdtē erlerne ye eins dem anderen
ouch in allen anderen dingen willfaare. Das
Beschicht

449

Beschicht weñ ye eins an dem anderē achtet/
woran es ein schühen vñ woran es ein gfall
len habe / vnd sich dannethin desse flyßt vnd
ihense abthüt. Etliche wyber sind also wider
füg / das wenn der mañ frölich ist / so trurend
sy: vnd herwiderumb findt man mann / die
ein ding erst glust vnd thünd wenn sy mer
ckend das es jro wyberē widerig ist. Etliche
könnēd noch wöllend den ansächtingen we
der vil noch wenig zügäben. Etwan so das
wyb sunst trurig vnd bekümbere ist / so wil
der mañ überwindligen fröud von jr haben.
Vnd weñ der mañ vnderwylen erzürnt ist /
so reizt jn erst das wyb mit bösen spitzlinen
vnd üppiger thädning zü häfftigerem zorn.
Etliche wöllend vil lieber übel gschlagē syn /
dann nun ein wenig schwygen vnd vorgä
ben. Wo aber der verstand des willfarēs ist /
da gedencet yetlichs das das ander ouch ein
mensch vnd angefochtē ist / es gibt eins dem
anderen in der ansächting vor / hat ein mit
lyden mit jm / vnd wycht jm gülich. Entfalle
dinem gmahel im zorn schon ein vngeschickt
wort / so gedencet das hat der zorn vñ mit din
gmahel geredt.

Zum fünfften behaltet vnd meeret eeliche
liebe nüt häfftiger dan fründliche / liebliche /
gslachte vnd holdfälligkeit in wortē gebär
den vnd thaaten. Man findt aber Felüt by

Fründliche
vñ holdfä
lige.

Denē nit ein güt wort/ sund nüt Dañ schauwen
 kyben vnd stāts im widerspiligen funden
 wirt. Noch dennoch füllend sy alle wālt
 mit klagen / was ellenden läbens sy mit ein
 andren habind: vn sind aber sy an irem eig
 nen vnradt schuldig. Lassind sy jr sygendfä
 lig wāsen/vnd syend früntlich vnd holdsälig
 mit einandren / so kumends ouch zū rüwen.
 Vnnd ob sy vilicht nit vil holdsäligkeit kō
 nend / so erzeigind doch ein güt gmüt vnnd
 früntlichen willen in iren worten vnd thaa
 ten/so wirt sich ein eerlich from eemensch aber
 vernügen lassen. Dañ man sunst wol weißt
 Das mengs gārn holdsälig wāre / vnnd aber
 von vnuolkōmenheit/nit von bößheit wāgē/
 nit an jm ist: vnd das ein mensch schwärmū
 tiger dann der ander ist.

Mit klagen
 sunder kom
 lich heruß
 sagen.

Zum sechsten behalt vn meeret ouch das
 die Zeliche liebe / weñ die Zelit nit nun feis
 nen blaast gegen einandren tragend / sunder
 ire beschwārdē zū rächter zyt / vnnd mit bes
 scheidenheit einandren offnend. Dañ ye len
 ger ein blaast vnd vnwill heimlich mottet/ye
 böser die vneinigkei wirt. Der tūfel schlecht
 ouch darzū / das etwan die gmüte gar hert
 vnd vnbiegsam vnd zū letst nüt dann krum
 me geschirr daruß werdend. Zū rächter zyt
 sprich ich daruñ / dz man ein zyt trāffen mag/
 vff die man mit dem fürtrag der beschwerde
 noch

154

noch grössere vneinigkeith machet / als so du
dinem gemahel din anligen zeigst / wenn er
sust vngedultig oder vnrichtig ist. Vnnd in
sonders wår mit einem truncknen menschen
redt / der redt mit eim der nienan daheim ist.
Darumb erwalt jren die Abigail mit jrem
Nabal am morgē als er die trunckenheit ver
schlaaffen hatt / zereden. 1. Reg. 25. cap. Also
sol ouch ein yetlichs kōmlicher vnd rächter zyt
faaren. Mit bscheidenheit hab ich ouch hin zū
gethon / das etliche jre beschwården also hāß
lich bissig vnnd angefochten fürtragend / das
sich yetzund vil ein grösserer span zütret dan
vor gewāsen was. Vñ so eins güter trüwer
meinung mit dem anderen anhebt reden / sol
das ander nit vnwürsch jm das verhöre ab
schlahen / vnd vff ein nütws anhebē schelcken.
Gedenckend zū beiden syten diewyl jr also
in vneinigkeith kyb vñ blaast gegen einandes
ren stond / das jr kein gnädigen Gott haben
werdend. Dann welcher wil das jm Gott
verzyhe / der muß vnnd sol vorhin mit sinem
nächsten eins werden / vnnd jm ouch sin fäll
vnd irrthumb verzyhen. Das redt der Herz
beiter Matthei 5. 6. 18. cap. So spricht Pau
lus zū den Ephesiern am 4. cap. Fürnend jr
glych / so sündend doch nit. Lassend die Son
nit nider gon über üweren zorn / vnd gābend
kein statt dem bösen. Ja alle bitterkeit vnnd

grime/gschrey vnd schälten sye verr von ick.
Sind aber vndereinander früntlich/vnd ver
gäb ye eins dem anderē/ glych wie ick Gott
ouch vergäben hat in Christo.

Geliche
kinder.

Zum sibenden sind Geliche kinder gar ein
styf band der Gelichen liebe. Dannenhar sy
von den Latinern Pignora geneit werdend.
Pignus aber heist ein pfand. Vnnd die kind
in der Le sind als vil als pfand vñ versiche
rungen vnzertrennter liebe. Dañ wie kanst
du ymermee von dinem Eegmabel teilen/
von dem du kinder hast: Wilt du sagē/ Nimm
du eins so wil ich dz ander nemen: dennocht
hat yetlichs an dem einen / das des anderen
oder von dem anderen eegmabel ist. Dañ ye
das kind von ick beiden ist. Es fügt ouch
Gott/ das die kinder etwan dem vatter/et
wan der müter glych sähend/ etwan habend
sy beider aart vnd glychnuß: das fügt Gott
darumb das defter mee liebe in der Le sye.
Weñ nun du wyb söliche üwerc kinder rächt
lieb hast/wol züchst/vñ flyssig ratsamest/vnd
dich jren wol arbeiten magst / so hast du dich
selbs vnnd dinen Eemann in dinen kindern
lieb/ vnd gibst jm ouch ein vsach das er dich
noch häfftiger lieb hat/ vnd ouch mit der vn
rūw vnnd müyseligkeit der kinden gedultig
ist: wie dañ ouch sunst die pflicht eines yetlic
hen Eemans ist/nit vndultig mit sinen kin
den/

153
den/ oder mit siner frowen vngschlacht syn/
die sunst arbeit vñ jomers gnüg mit den kin
den hat/ wenn der mann schon holdfelig ist/
vnd nit die hundskäpp anzücht.

Vnd die wyber die von Gott bärhafft ge
machet vil kindern gebärend/vnd vil grosser
angst müy arbeit vnnnd vnruw all jr tag mit
finden habend / söllend nit vermeinen (wie
aber etlich thünd) das sy hartseliger vnd vn-
glückhaffter syend/dann die sind/ die rüwig
vnd gar keine kinder habend. Das söllend sy
vil mee gedenccken/das bärhafft syn im war-
hafften ewigen wort Gottes für ein sägen
Gottes verrümpft / vnd das alle gottsfo-
tigen wysen redlichen lüt von ye wälten har
bärhafft für ein glück eer vnd heil gehalten
habend. Item das sich alle heilige vnd herr-
liche wyber des alten testaments beklagt be-
schwäret vnnnd gescheimt habend der vnbär-
hafft. Es kam vff ein zyt ein herzlich wyb zu
Rom zu der edlen Cornelia Grachi / vnd ließ
sy sähen jre schätz / namlich jre kostlichen klei-
der/guldin ring vnnnd fettinen/ edel gestein/
vnd gschmück/ vnnnd begärt hiemit ouch der
Cornelien Kleinot zu sähen. So fürt die edel
Cornelia jre kinder herfür/ zeigt die jren vnd
sprach / Sich das ist min wärder vnd ihürer
schatz/zü dem all min gmüt stat/ der mich al-
lein fröwt vnd mir über alle Kleinot vfferden

Kinder ges
bären ist ein
sägen Got
tes.

Kinder sind
der wyber
ten edlste
Kleinot.

ist. Diß hat ein Heidisch wyb gethon / was
solt dan du Christen wyb thün / die du billich
erkennen soltest / das dich Gott zu grossen
eeren brucht wenn er von dir laßt kinder ge-
boren werden / die hernach im vnd dem ganz-
zen vatterland dienend / eerenlüt vnnnd ouch
dir ein ewig lob werdēd? So sagt die heilig
gtschrift heiter / das das wyb im werck Got-
tes sye vnd Gott diene weñ sy kinder gebirt
vnd ratsamer. Darumb was sy da thüt vnd
lydet / sol sy willig vmb Gottes willen thün
vnd lyden / vnnnd sich zu Gott versähen / das
der der iren vil zu lyden vnd arbeiten vfflegt /
ouch vil trosts vnd hilffs bewysen kan. Ja sy
sol sich des zu Gott vngezwyslet versähen /
das was sy in der Le vnd mit den kinden im
gloubē vnd in der gehorsame lydet vñ thüt /
nit minder ein güt werck vor Gott sye / dann
so sy almüsen gäbe / Bättete / oder sust irem lyb
abbruch thäte. Dann diß ist jr krütz das iren
der Herr zetragen vffgeleit hat. Es spricht
ouch Paulus 1. Timoth. 2. cap. Das wyb ha-
be wol die überträttung in die wält gefürt /
werde aber jr eer widerumb retten durch kin-
der gebärē / vnd so sy blybt im gloubē / in der
liebe / vnd in der heiligung vñ zucht. Daran
söllend die Christlichen wyber in allem irem
crütz gedencfen vnd willig dapffer vnd red-
lich syn. Vnd wär hat dir wyb alles anligen /
alle

155
alle angst vnd not/alles lyden vnd ellend ge-
offnet das die wyber habēd / die keine kinder
gebāred vnd neerend: Es stat daruff das sy
mee ellends vnd lydens in anderer gstat ha-
bind dan du mit dinen kindern / oder das sy
silicht hie rüw vnd fröud habind vñ sich dar-
in versündind mit hochfart/ weiche/ wollust/
üppigkeit/tragheit/ wiegsame vñnd anderer
zerbrüchligkeit/ das sy hie vfferde wenig eer
vnd lobs daruon bringend / vñnd in yhener
wält ewigs leid haben müßend. Das red ich
vff die mütwilligen wyber/vñnd mit vff die/
die gern alle arbeit mit kindern hättind/wen
sy jnen von Gott nun gāben würdind: vnd
die sust demütig fromklich vñ eerlich läbend.

Hie söllend ouch die wyber die mannen
vermachlet sind/ die by jren vorigē abgestorb-
nen wyberē kinder gehebt habend/ernstlich
vermanet syn/das sy den verlaßnen kindern
mit stüßmüter trüw/sunder müterliche rächte
trüw bewysind. Laß dich doch/O du Christ-
lich wyb/erbarmen die jungen vnschuldigen
weißlin / die one dich kein hilff noch trost vff
erden wüßend noch habēd. Ermiß dz Gote
der Herz dich an statt jrer abgestorbēnen mü-
ter zu einer rächten müter jnen geordnet hat/
vnd von dir begärt / das du sy lieb habist vñ
jnen güts thügist. Wee dir/thüß den armen
weyßlinen arge. Gedenck das sy dines Le-

Stüßmüter
der vñ stüß
mütern.

man̄s natürllich fleisch vnd blüt sind / vñ das
es vnnatürllich ist die hassen / die von dines
manns wägen zum teil ouch dines lybs vnd
die dinen sind. Gedenc̄ an das wort der
warheit / Mit was maas̄ jr ander lüten maas̄
send / mit der selbē werdend üch andere ouch
massen. Welch ein groß hertzleid wäre dir
aber / soltest du yetzund wüssen / das die kin-
der die von dir geborē sind / nach dinem todt
soltend ein stüffmüter / die jnen ruck vnd hert
syn wurde / überkumen? Frylich hat die abge-
storben müter diser kinden nit minder angst
jrer verlassnen kinden halben in jrem todt
ouch gehebt. Darumb wie du begärst das
man dine kind dir hielte / soltest von diser zyt
scheiden / also halt du yetzund ouch der abge-
storbnen vñnd dinem Kemann sin verlassne
kind. Oder erwart das dir Gott mässe mit
der maas̄ mit derē du vor gemassen hast. Ge-
denc̄ ouch das dich Gott nit erhören wirdt /
wēñ du bättest Vatter vnser ic. Siewyl du
die armen weißli nit hören wilt / die zū dir
ruffend Liebe müter ic. Sömlichs züch ich
hie darū an / dz es sich an der thaat erfindt
das die Kelich liebe offermals von der stüff-
kinden wägē / nit nun gschwecht / sund ganz
vnd gar zertrennt wirt. Glych wie ouch das
nit einigkeit machet / wenn einwäders sinen
abgestorbenen gmahel so hoch rümpf / vñ aber
Denn

157
Denn erst also hoch rümpft/wen in dem yetzig
gen etwas mangels funden wirt. Dann die
ses eemensch sölich lob vffsin selbs schmaach
vnd schand zücht: namlich das der Lemann
mit dem lob der vorigen frowen/nit hab für
nemlich die vorder frowen loben /sunder sy
(die yetzig) schelten gewöllen. Nit red ich sö
lichs das ein eerenman sin abgestorbne eeren
frowen schelte sölle: dan sölich schelten ganz
vnerber wäre: sunder das ein yeder sinen ab
gestorbnen eegmabel zü rächter zyt vnd mit
maas/ja also lobe/das der yetzig nit eegma
bel nit gedenckē möge sömlich lobē Beschäbe
im zur schand.

Zum achten wirt eeliche liebe füruß behal
ten vñ gemeret durch zucht reinigkeit trüw
vnnnd glouben/so die trüwlich an einandren
gehalten werdend. Der man lasse sich einig
vñ allein sines Lewybs vernügen: vñ halte
sich ouch mit worten wysen vnnnd gebärden/
das das wyb mercke dz er sich jren vernüge
lasse. Das wyb halte nit minder trüw vnnnd
gloubē /sye ouch erber vñ nit vnerschampt
gegen dem man: herwiderum versage sy im
nit widerspenig vñ kybig die eelichenwerck.
Dann söliche sygendfällige gibt oft grosse
vsachen vnnnd anlaß zum Lebruch. Dar
umb gedenck hie yetlichs an das wort Pauli/
Hury zü vermyden / habe ein yetlichs sinen

Trüw vnd
gloubē hal
ten.

gmabel. Da ist das wyb sins lybs nit mächtig/sunder der mañ: herwiderumb der mañ ist sins lybs nit mächtig/sunder das wyb 2c. glych wie daoben im zehende cap. gesagt ist.

Reinigkeit. Hüte sich ouch ein yetlichs eemensch vor vnradtsame vñ vnflätigkeit in der kleidung/ ja in allem thün vnd lassen/ das es sich sinem eegmabel mit wüßt nit verhaßt mache. Vit minder söllend sy sich beide vor allen dem hüten/das zu dem eebbruch fürderet/vñ einicher vntrüw argwon schöpfft. Derley sind trunckenheit/grün oder heimliche gespräch / Böse gsellshaft vñ gspilshaft/gmeinsame haben mit kupplerē/an argwōnige ort gon/by argwōnigen personen ston / üppige kleider tragen/stäts vff den showsaal vffzieren/zū allen tantzē louffen/alle straassen od gassen durchspülen/wenig by huß vnd heim blyben/nienan lenger wyl haben dann daheim/dageim murrē/kyflen/vñ seelsünffzen/vñ derglyche.

Wandel. Es sol sich ein eerenwyb hinder vñnd one jren Eemañ nienan in kein gsellshaften irten oder schlaafftrünck ynlassen/vnd one jres mañs vorwüßsen vnd erlobnuß nienan hingon / noch vil minder ferre oder wytereysen für handen nemē. Vñnd so der mann über völd oder nit daheim ist/ sol sy einer witwen glych ynthon vñ still läbē/ouch darzwüschē niemandts in das huß füren / oder sy hinuß louffen

159
louffen vnnnd gastungen anrichten oder hal-
ten: vff das jro hieruß kein gewdit oder böß
gfschrey erwachse. Es sol ouch entwäders vor
dem anderen argwönig gaaben vnd schen-
ckinen rümen vnd zeigen/ oder der mañ an-
dere wyber vor der sinen vnnnd über sine rü-
men/oder das wyb andere mañ/damit keins
dē anderen ein bösen argwon erwecke. Din
wyb sol dir die schönist/vnd din mañ dir der
hüpschist syn.

Vnd diewyl der yfer ein Besonderbare böse ysa:
franckheit vnnnd ein grosse schädliche plag in
der Leist / söllend sich die Eclüt syn abthün/
oder joch zum wenigisten/vñ so vil jnē mög-
lich/in massigen vnd vndertrucken: vnd mit
namen desse sich flyssen / das du wyb dinen
Zemañ nit one not verschreygist/vnd jm den
Lebruch zümässist/ darumb er etwan mit ei-
ner geredt od ein andere anglüget hat. Her-
widerumb solt du mañ ouch nit zeuil ange-
sochten syn vñ mit dinem zyhen / verwysen/
vnd schlagen/ dem vnschuldigen wyb zü ge-
dancken bringen daran es sunst nie gedacht
hette. Also solt du mann dinem wyb ouch
nit zimliche vnnnd eerliche fröud By eeren lü-
ten abschlahen. Dan̄n wiewol alle alten wy-
sen vnnnd verständigen heissend wyber vnnnd
rossz in güter zucht vnnnd meisterschafft ha-
ben/ so kan vnnnd mag man ouch zü vil an

Das/ glych wie an andere ding/thun. Die al-
ten habendo uch gesprochen/Wenn man den
bogen überspannt so bricht er. Vnnd/Vnü-
tzid mag langwirig syn/das nit ouch sin vns-
derlybung hat. Darumb sol ein yetlicher ee-
renmañ sinem wyb zimlich eerlich fröud nit
abschlahen/sunder erlaubē/damit sy hernach
mit den kinderen vnd in anderer müy vnnd
arbeit defter williger sye.

Singma-
hel rümen.

Es stat keinem vernünfftigen eerenmann
zü/das er sin wyb zeuil rüme vor anderen
männern. Collatinus Tarquinius kam sinem
vnzytigen rümens vmb sin eerlich wyb Lu-
cretiam. Noch vil minder gebürt sich das du
die eelichen heimlichkeiten vnuerschampt off-
nist/wie vil vnfläter im Bruch habend. Also
gebürt ouch keinem mann sinem wyb zü lie-
derliche/ anläß vñ anreizungen zegabē/das
er liederliche lüt ynziehe/da in sinem huf für
vnd für habe/vñ also joch zü minstē dem wyb
ein geschrey mache. Hette Menelaus Paris
dem daussen gelassen/so hette er sin Helenam
Behaltē. Wiewol ein yetliche eerenfrow jrer
eeren trüwlichen vñ zü allen zyten gewaren
sol/wie vil anlüssen jren joch d liederlich mañ
gäbe. Gedencke allwäg an den spruch Solo-
mons/Wenn ein wyb jr eer verlürt/so hat sy
jren höchstē schatz verloren/vnd ist vnd hat
nüt mee/wirt von mengflichem veracht vnd
zerträtten

161
zerträtten wie das kaat vff der gassen.

Hiebar dienet ouch das/das sich die frow ^{Wandel}
im huß den dienern oder knächten/oder wär ^{mit den}
joch sunst nâbend irem mañ vnnd finden im ^{diensten.}
huß ist/nit zeul gmein oder zeul fründtlich
vnnd heimlich machen sol also das die dienst
mit der frowen/ glych wie mit einer dienst
magt/sry reden/schimpffen/vnd one schühen
handlê geddund. Du spuchst wol/ Ich mag
nit das man mich also fürchte vnnd schühe.
Nun wolhin wilt du dann nit als ein frow
im huß gefürchtet syn /so halt dich dennocht
mit jnen / das sy ein entsitzen ab dir habind/
nit fräch vnd fräuel gegê dir sygind / sunder
dir eer embiectind/schamhafft vn züchtig ge
gen dir sygind/wie gegê der mûter im huß.
Dann niemants solt du also gheim/fründt
lich vnd gmein syn/als dinem Zeman. Gly
cher ggestalt sollend sich ouch die mann gegen
den dienstmâgten im huß haltê /vnd alle res
gierung vnd straaff der selben den wyber
lassen/vnd sy nit den diensten wider ire wy
ber byston / es wâre dann das das wyb vn
bill vnd mûtwillen mit den armen diensten
bruchen wölte. Herwiderumb sol sich das
wyb gar nit beladen der regierung od straaff
der knächten. Dann hieruß erwachst vil eis
nigkeit : glych wie vß dem/das sich der mañ
der mâgten / vn das wyb der knächten zeul

annimpt / oft grosse argwōn vnd spenn sich
vnder eelüten erhebend.

Von gebürlicher sorg vnd rächter Ch:istenlicher hußhal-
tung. Cap. XIX.

S Dañ ouch din wyb zū dem
das sy from rein vnd getrüw / erst
ouch sorgsam vnd hußlich ist / wirt
die liebe noch volkōmner. Dann
es entstond etwan groß vneinigkeiten von
dem / das die wyber nützig oder wānig mit
der hußhaltung kōnnend vnd alles im huß
verhōnend / vnnnd über sōmlichs so stoltz sind
das sy sich nit berichten lassen wōllend. Vnd
ist aber ein vnhußlich wyb vil ein grössere
vnd gwüssere verderbung / dann ein vnnüt-
zter mann : wiewol man ouch rächt spricht /
Wenn das holtz dem säld hilfft / so werdend
güte jar. Darum vff dz man in der Le baas
mit einanderen eins blybe / sōllend sich beide
Eimenschen flyssen sorg vnd huß zehaben.

Sorgsame
ist nit wider
Gott.

Vnd sorgsam syn oder hußhalte ist nit von
Gott verboten oder verwo:ffen / wie etlich
liederlich lüt vermeinen wōllend. Dann der
gottesfōchtig vnd getrüw patriarch Jacob
vermeint ye gebürlich syn / dz er sin sach ouch
schaffe vñ sin huß versäbe / Gen. 30. cap. So
spricht Paulus heiter / So yemāts die sinen /
insonders aber sin hußuolck / nit versorget /
Der

163

Der hat den glauben verlougnēt/vñ ist er get
dann ein vngloubiger. Hierumb alles was
der Herr Matt. 6. cap. wider die sorg redt/
redt er wid der gytigen vnzimliche verzwys-
lete sorg: wie das alle vmbständ dargäbend.
Ordenliche vnd zimliche sorg / wirdt nienan
abgstrickt vnnd verdampft. Das ist aber ein
ordenliche sorg / nit müßig gon vnnd fulen/
sunder arbeiten vnd etwas eerlichs handlen/
vnsrer dingen flyßig vnd mit ernst gwaren/
damit wir das vnser behaltind/vnd nüt ver-
güdüd. Sömlliche sorg sicht vor allen dingē
vff Gott/den bittet sy ouch dz er sy leyte/jren
bystande/vnd alle arbeit haab vnnd güet wol
erschörze. Ja die bitt od das gebätt der glou-
bigen hat sin bscheidenheit / geförmt vff die
wyß/ wie geschriben stat Prouerb. 30. Zwey
ding hab ich vō dir begärt (O Her:) die wöl-
list du mir nit versagen ee ich sterbe/Lychtfe-
rigkeit vnd liegen thū ver: von mir: vnd gib
mir weder armüt noch ryhtag /sunder nar-
rung gib mir/ so vil mir notwendig ist: das
ich nit eintwäders zū müetwillig vnd vollen
von dir abfalle/ vnnd spräche/ Wār ist dann
Gott: oder das ich vß armüt stäle/vnnd den
namen mines Gotts verschweere.

Vß sömlichem volget wyter das die sorg vnd
hushaltung ouch jren maas vnnd end habe
daruff sy lendt/ namlich das die Selüt

Der sorg
vnd hushal-
tung 3pt vñ
end.

zimliche narung habind/ vñ sich erberlich zu
samt jren kinden vßbringen mögind. Sod-
lich end zeigt ouch Paulus 1. Thessal. 4. cap.
den gläubigen/ vñ spricht/ Wir vermanend
üch/ dz jr darnach ringind/ dz jr still sygind/
vnd das irwer schaffind/vnnd arbeitind mit
irwern eignen henden / vff das jr etwas ha-
bind/vnd üch nützig præste. Sich darüm sol
ein biderb eenolck so: g tragen vñ hußhaben/
das sy vnndötig sygind / andern lüten nit vß-
bunden vnd ein überburde werdind/sunder
das sy für sich yetzund vnd im alter/ouch für
jre kinder/sy eerlich zu erziehen / ein zimliche
notturfft habind. Zu den Ephesern am 4. ca-
pitel setzt er ouch die barmhertzigkeit darzu/
vnd spricht/ Wår gstolē hat der stāle nit mee/
sunder arbeite vñ schaffe mit der handarbeit
etwas redlichs/vff das er habe zu gāben den
dürfftigen. Darüm hat die hußhaltung das
end/das wir vnd die vnseren vnser narung
habind/in ässen/trincken/bekleidung vnd be-
husung / ouch das wir durch Gott vnnd eer
zu gāben habind. Welche aber über sömliche
jr eeren vnnd habliche notturfft / noch wyter
rych werden wöllend/ vnd hochpracht/müt-
willen/ wollust / füllery vnd vnmaas in Flei-
deren vnd gebüwen süchend/ fallend in ver-
süchung vnd strick/ vnnd vil to:rechtige vnd
schādliche lüst (als Paulus sagt) welche ver-
senckend

145
senckend die menschen ins verderben vnnnd
verdammus. Sömliche kumend wol etwan
zü hoher träfflicher rychtumb / fallend aber
grad vnuersächlingen herab widerum in die
düffest armüt: etwan sterbēd sy vō jro rych-
tumb ee sy jren üzid gefrōwt syend: wie der
Herr Christus des ein exempel zeigt Luce
am zwölfften cap.

Die hußhaltung hat ouch jr ordnüg glych ^{Ordnung}
wie andere ding/darzü hat sy vnderscheidne ^{der hußhal-}
ämpter oder geschäft. Die ordnung ist die/ ^{tung.}
das der mann in allen dingen vnd zü allen
zyten/alles das thüye/das dem mañ züstaat:
vnnnd das wyb deß glych die ding thüye/die
den wyberē zü verwalte stond. Die ämpter
oder gschäft sind eintwäders innēt od vffet
dem huß. Was vffethalb dem huß zehand-
len ist/als hin vñ har reisen/gwün vñ gwärb
fertigen/kouffen vnd verkouffen/vñ dergly-
chen eehaffte stuck/ist des mañs arbeit. Der
sol glych wie ein empfiger vogel hin vnd har
fliegen/die narung vnd notturfft samlen/vñ
flyssig zü näst tragen. Vnd alles was also in
das huß gebracht wirt / sol das wyb samlen/
ordnen/nüt zü verlieren gon lassen/vnd alles
was im huß zethün ist flyssig vnd frütig vß-
richten.

In der arbeit im gwünnē vnd gwärb sol ^{Der mans}
sich d mañ flyssen aller trüw/warheit/fromē ^{nen arbeit}
vnd ampe. ^{vnd ampe.}

Feit/ernsts vñ flysses. Trüwlich sol er syn ar-
beit volbringen/vnd was er machet/güte ar-
beit vnd wärschafft machen / vnd gedencen
das sich trüw nienan verligt / vnnd vntrüw
allwäg jren eignē herren trifft: als ouch Klar-
lich vns allen in dem getrüwē Jacoben vnd
gytigen vntrüwen Laban für ougen gestellt
wirt/ Gene. 31. cap. Des wärbenden manns
red vnd zusag sol einem felsen glych syn/ das
man allwäg by jm finde das ja ja/ vnnd nein
nein sye. Der gloub erhalt mengem sinen
gwärb. Wyter flysse sich ein hußlicher red-
licher man/ das er ernsthaft sye/ sich kein müy
noch arbeit beduren lasse / ouch empfig früy
vnd spaat / vnnd mit jm selbs vnkostlich sye.
Hüte sich vor füllery / sye künsch vnnd züch-
tig/ vnderdienstig vnnd fründtlich mit ye-
dermann. Lege hin alles geböch vnd gehä-
der vnder den lüten/ vndername sich nit alle
ding zü versetzen vnd zü verantwurten/ ha-
be ein stillen mund / sye bescheidens dings/
dulde vnnd myde allwäg mit fürsichtigkeit.
Vorab aber sol der mann nüt vnerbers vnd
kein vnredliche handtierung and hand nem-
men. Gedenecke wie Paulus (als obgesagt)
geredt hat/ Welcher gftolen hat/ der stäle nit
mee/ das ist/ welcher mit betrug vnd mit vn-
redlichen sachen vmbgangen ist/ der thüye es
nit mee / arbeite aber vnnd handtiere etwas
redlichs.

167.
redlich. Vnnd zu den Thessalonichern ver-
manet er die gläubigen / das sy still sygind/
das ist nit vnradtind / vfrürind / vnd anderen
das ire nãmind / item dz sy das iro schaffind /
zu dem iren lügind / vñ nit thügind wie die /
die das iren lassend zu grund gon vñ frömb-
dem güet nachstellend. Vnnd in der 2. epistel
am 3. cap. vermanet er sy abermals ordenlich
zehandlen / mit der hand zearbeitē / vnd red-
lich zewärbē / vnd nit mit fürwitzigē sachen /
mit fulen kōuffen / wücherischen vorteiligen
künstē vnd synantzē vmbzegan. Sprichst /
Was regel hab ich aber dz ich im glych rächt
thüye? Betrüg niemäts / überschätz niemäts /
tring vnd vndertruck niemants : vñ wie du
wilt das man dir thüye / also thü ander lüten
ouch. Vnd das sye dins handlens regel.

Vnd so du also mit trüw frömkheit vñ war-
heit vmbgaast / vnd sich aber din sach nit glü-
cken vnd dir kein güet zufallē wil / so laß dich
rächt des wenigen das du mit Gott vnd ee-
ren hast vernügen. Dann Solomon spricht /
Des frömen kleine hab / oder armüt / ist über
alle schätz des vnfömen. Vnd ein stuck Brot
oder ein schüssel mit müß By güeter gwüßne /
ist kostlicher vnd besser / dann ein wol geme-
steter ochs mit vnruwē vnd vneerē. Es hat
mancher wol huffen güts / aber mit wenig
eeren. Dann er hat sin seel verschertzt vñ alle

Gott vmb
güts willen
verschertzen.

wält zu sampt Gott übergäben/ Den tüfel lü-
gen vñ trügen zu hilff genomen das er ryck
wurde/ vnd ist jm gelungen. Lasse sich aber
niemants durch ein sömlich byspil vñ durch
söliche glückseligkeit der bösen dahin brin-
gen/ das er ouch anhebe dem tüfel nachziagē/
vnd sich mit wüchren liegen vnnnd triegen/
mit kriegen vnnnd anderen vnredlichen din-
gen beslecke. David spricht Psal. 36. Yser nit
denen nach/ die üfels thünd: dann schnell
werdend sy abgehwen wie das gras/ vnd
wie das grün frut werdend sy wälck. Hoff
aber du vff den Herren vnd thü rächt/whon
im land vnd neer dich mit trüw vñ warheit.
Sich flyssig vff den Herren/ vnd hab in vor-
ougen/ nit yser dem nach dem es in allem si-
nem fürnehmen glücklich gadt/ dem mensche
der schandtlich läbt. Ich bin jung gewäsen/
vnd yetzund alt worden/ vnnnd hab doch nie
gesähen das der from verlassē sye/ oder sine
kinder vmb brot gon. Das aber hab ich wol
gesähen/ das der gottloß tyrann yngewur-
zet vñ starck vsgewachsen was/ wie ein grü-
nender laurberboum: aber sich/ glych was er
nicnamee/ vñ do ich in sücht/ ward er nienan-
funden. Darum bis vfrächt vñ redlich/ vnd
sich vff das rächt/ das bringet dem menschen
zeletst fridē/ so die überträtter miteinandren
verderbt werdend. Dann das end der gotte-
losen

169
losen ist verdärben vnd vmbkummen. Das
heil aber der fromen ist von dem Herze/ der
ist jr stercke in der zyt d not/ der Herr kumpe
inen zu hilff vñ errettet sy. Er errettet sy vnd
schirmp sy vor den gottlosen/ dan sy vertru-
wend vff in ic. Sömllichem bericht Dauids
sol ein gläubiger mensch vil mee gloubens
gäben/ dann allem glück der Boßhafften.

Der wyberen werckstatt ist das huß/ vnd Der von bes
ren arbeit
vnd ampt.
jro ampt gschafft vñ arbeit/ wie obgemeldet/
ist im huß/ alles dz daryn gebracht wirt oder
was im huß ist rüsten/ bewaren/radtsamen/
besseren vnd/ meeren. In der kuche sol sy lü-
gen das alles das zur spyß ynkoufft ist / nit
verderbt sunder erhaltē vnd rächt zubereitet
werde. Dann wenn der hagel in die kuche
schlecht/ so bringts zu empfangnem schaden
erst vil donnerens das ist zorns/ vñ wryssens
vnd haderens. In der kuche vñnd in allem
huß soles radtlich vnd suber ston. Vnd hie-
har dienet das sägen wüschē vnd wäschen.
Dan nüt ist das ein wyb vñ huß baas ziere/
dann radtsame: nüt das sy verachtlicher vnd
verhasseter mache/ dann vnradtliche. Dar-
umb zu dem das sy suber mit jro selbs syn/
sol sy ouch allen vnd yeden dingen sin eigne
statt vñnd ein güte ordnung in jrem gschire
oder hußplunder haben/ vñ nit eins hie das
ander dort zerströwt ligen lassen / vñ zu lest

ouch gar nit wüßsen wo diß oder dz ist: oder vil haben deß man nützig bedarff/vñ manglen deren dingen die man haben müß vnnd jren nit one schadē manglen kan. Allen hußplunder/ deß sye glych vil oder wenig / sol sy in eeren halten/ das ist radtsamen / Besseren/ vnnd nit zerstoossen/ zerbrächen/ oder vollen Bülen füllen / zerryssen / zersyesen vnnd gar zergon lassen. Zytlich gnüg wendt man mit einem pfennig / das man hernach nit mit einem pfund wenden mag. Nützhinzü sol sy die kind radtsamen/ neeren/ leeren vnnd ziehen. Die mägt oder dienst sol sy anwysen/ vnnd jnen zü schaffen gäben / lügen das die sach gang/zeletst ouch besähen vrtailen vnnd erfahren wie ein ding vßgericht / vnnd ob es von jnen rächt gemachet/ oder was verderbt sye: also sol sy ouch den finden fürgäben etwas zethün/ damit niemants müßig gange vnnd sin brot vergäbens vnnd vnuerdienet ässe. Vnnd sy selbs/wenn sy mit obberürten stucken nit hafft ist / sol allwäg ouch etwas arbeiten ordnen oder Besseren/ das sy allwäg etwas thüye. Vnderwylen sol vnnd mag sy ouch jrem mann in siner handtierung etwas behulffen syn/ kan vñ mag sy ächt. Die rächten vnd eigentlichen wyberwerck vssenthalb obgemelter huses vnnd kinderen radtsame/ sind spinnen/wäben/näyen/würckē ic. Das
mit

171
mit vñnd darinn söllend sich die wyber stäts
üben / vñnd nit vff der gassen hin vñnd har
zelten / in fensteren z gassen stäcken / oder sunst
ligen oder sitzen vñnd sulen. Dann das wyb
nimer vß dem huß herfür kummen sol / oner
wenn sy die vnuermeydenlichen hußgeschäfte
heruß trybend. Darumb hat Pbydias der
herrlich bildschitzer der trüwen redlichen
hußmüter bild vff ein schneggen oder schiltz
krotten gesetzt / die enthaltet sich ouch alwäs
gen in iro hüßli oder schalen / vñnd streckt jren
kopff vñnd jre füßle nimmer herfür / dan allein
wenn es die lybs notturfft erheischt. Vñnd
weñ das wyb schon heruß gadt / sol sy nit als
lenthaltben gstell machen / das dan lähen em
pfahen / sunder frütig das jren schaffen / vñnd
bald widerumb dem huß zü ylen.

Das ist ouch nüt vñ güet einem hußlichen
wyb dz sy sprüch vñ gemeine regle vom huß
haben / vñnd wie die von alten gesproche sind /
können vñnd in gedächtnus habe. Derley sind
diß volgende sprüch / Du müst nit gedencke
was du gern hettist / sunder weß du überein
nit manglen mögist. Streck dich nach dem
du decke hast. Was du nit bedarffst vñnd dir
nit gar notwendig / ist ouch vmb ein haller
zethür. Wär des hallers nit achtet vñnd in
nienerfür schätzt / der überkumpt nimer nüt.
Spaaren ist ein ryche gült. Ein ding ist ee

Gmein
sprüch vom
hußhalten.

erspaart dan gewonnen. Spaar als ein vn-
sterblicher/vnd bruch mit maas als ein sterb-
licher. Zu eeren/vmb Gottes willen/vnd zur
notturfft spaaren ist verfahren. Vergabens ist
din spaaren wenn du an boden kumst. Heb
alle ding zu rächter zyt an. Was du am abed
thun magst/spar nit bis an morgē. Was du
selbs wol thun magst empfilch nit einem an-
deren. Wilt das dir geling/so lüg selb zu ye-
dem ding. Laß nit zergon das noch erwar
zu gut ist. Verzeer nit mee dann du wüßst
zegwünnen: oder es wirt dir zeletzt zerrün-
nen. Wenn din vsgaben vnd ynneimen glych
sind / so mag dich ein ringer vnfall gar umb-
keeren. Spaar dem alter. Lyd dich in der ju-
gend. Kouff das dich nit gerüw. Krämlen
bringet bättlen. Kleid dich nach eere. Halt sy
schon/so haltends dich in eeren. Kein gwüß-
sere straaß zum Spittal gat/dann so eins all
nüt sitten hat. Vil zeeren vnd gasten / lärt
fällē vñ kassen. Böse gsellshaft oder gspil-
shaft/nimpt zur Ze die Armüt/vnd gebirt
ein sun der heist Gspött/läbt prachtlich vnd
kostlich one maas/vnd last dir ein letze die
heist Im alter gen bättlen gon ꝛc. Solicher
vnd noch vil schöner sprüchen mee findt man
in Sprüchen Solomonis vnd im Prediger/
dero geware ein redliche hushalterin vnd
handle dapffer vnd wyßlich.

Sölich

173
Sölich von der hußhaltig hab ich den
nocht müssen vſzeichnen/ob es glych vñ zum
teil wyberwerck iſt. Dan diewyl vß radtsa-
me vnd ordenlicher hußhaltung vil einigkeit
vnd liebe / herwiderum vß vnradtsame vnd
liederliche vil vnfridens in der Le entstat:
vñ aber ich hie ſagen was eeliche liebe behalte
vñnd meere/ hab ich diß ſtuck nit vſſen laſſen
können.

Wie man ſich halten ſölle mit barmherzigkeit/ im crig
vnd lyden/ vnd mit den dienſten. Cap. XX.

Siele aber den Chriſtlichen Richtumb
vnd barme
herzigkeit.
Kemenschenn durch jr ordenlich
hußhaben vñ vorab von den gna-
den Gottes richtumb zü / das ſy
überigs über all jr notturfft hettind / ſöllend
ſy der manung Pauli yngedenck ſyn / die er
an Timotheum im 6. cap. mit diſen worten
thüt/ Den ryche diſer wält gebüt/ das ſy nit
nach hohen dingē trachtind/ouch nit hoffind
vff die vngewüſſen richtum/ ſunder vff den
läbendigen Gott / der vnns rychlich allerley
zebruchen gibt / das ſy gütthäter ſyend / rych
werdind in gütten wercken / gern gäbind/
gemeinſam ſygind / jnen ſelbs ſchätz ſamlingd
zü einem gütten grund vffs zükünfftig / das
ſy ergryffind das ewig läben. Dann ſo der
Herr wider kummen wirt zü richten die lä

benden vnnnd todten/wirdt er zü den Barme
hertzigen sprächen / Kummend har jr gebet
nedyeten mines vatters / Besizend das rych
das üch bereytet ist vonn anfang der wält.
Dann ich bin hungerig gsyn/vnd jr habend
mich gespyst: ich bin durstig gsyn/vnd jr ha
bend mich getrenckt.

Almüsen
der armen.

Nit nun aber sind die ryche schuldig dem
dürfftigen Barmhertzigkeit zebewysen/sund
ouch die Kleins vnnnd nit grosses vermügens
sind. Dan also leert Thobias sinen sun/Von
diner haab gib almüsen/vñ keer din angficht
von keinem armen nimmermer/so wirdt Gott
sin angficht ouch nit von dir keeren. Nach di
nem vermüge erwyß erbärd. Hast du vil/
so gib rychlich: hast du wenig/so flyß dich dz
selb wenig ouch gern mitzeteilen. Dann ein
güthen scharz vñ hohe belonung wirst du die
zesamen legen vff den tag der not. Ja das
Klein vermügen/daruff d arm almüsen gibt/
gefällt dem Herren vil baasß dann so die ry
chen vß iren grossen rychtagē wenig gäbed.
Des hat man ein byspil Luc. 21. cap. Geden
cke mengklich des sprüchworts / Was vmb
Gottswillen erspart wirt/nimpt der tüfel in
ander wäg dahin. So spricht Solomō Pro
uerb. 11. cap. Man findt einē der gibt rych
lich vnd frymilt vß/vnd wirdt rych darby: so
findt man einen dargegen der ist zeuil farg/
vnd

175
vnd hat allwäg mangel. Wår frymilt ist der
nimt zu/vñ wår wässeret d wirt ouch gewäs-
seret. Es verlycht ouch Gott liebe vñ fründt-
schafft gunst vnd willen den Zelüten/darum
dz sy vß Christlicher liebe Barmhertzig sind.

Wenn aber die Zelüt allen flyß vnd ernst ^{Armut vnd}
alle müy vñ arbeit anwendend mit der huß ^{gedult.}
haltung mit sparen vnd allerley ordenlicher
mässigung / vnnd aber das alles nit mee ers-
schuffe/ dann das sy nüt desterminder notig
vnd arm wärend/denn söllend sy gedencken
das Gott sömlichs nit one vsach also füge.
Einmal so ist das gewüß dz was Gott thüt/
das es güt ist. Filicht wurde überschwenck-
liche rychtum den übermüt meeren das sy an
lyb eer vnnd seel verdurbind. Jetzund aber
lydet der lyb allein etwas/die seel wirdt zum
läben erhalten/ vnd blybt die eer vnüerseert.

Also söllend die Zelüt richten vnd halten ^{Crüz vnd}
von allerley kumbers vnnd lydens/das jnen ^{lyden.}
Gott züsendt. Die trübsäligkeit vnd wider-
wärtigkeit ist das shür vnd saltz das vns rei-
niget süberet vnnd vor dem sulen erhaltet.
Dann Gott selbs sendet vns lyden vñ trüb-
säligkeit zu/vnd sendt sy vns nit darumb zu/
das er vnns verderbe/ sunder erhalte/ vnser
selbs vermane oder erinnere / vnser hertzen
von dem zytlichen abziehe vnd jm styffer an-
hefte/ ouch darum das er vns dort (als Pau

Ins sagt) ewig nit straaßen müße. Sie söllē
jnen die Welt etliche trostliche ort der heili-
gen gschrifft vom crütz vnnnd lyden vßläßen/
das sy sich jren in der zyt der not gebrauchind.
Die Psalmen dienend wol dahin / ouch die
exempla der fürnemē dienern Gottes Ab-
rahams / Jacobs / Jobs vnnnd anderer : item
die wort Christi Matth. 16. Wār mir dienen
wölle / der nām syn crütz täglich vff sich vnd
volge mir nach. Item das 16. cap. Ioan.
Paulus tröstet ouch häßtig in sinen epistlen/
insonders Heb. 10. 11. 12. vnd 13. cap. Da sol
yetzt ein yetlichs eemensch dz ander / so es an-
gfochtē bekümmeret betrübt vnd lydenhafft
ist / fründtlich trösten mit göttlichem vnd vß
heiliger gschrifft genom̄nem trost : es sol mit
im mitlyden haben / vnd im trüwlich dienen/
ouch mit vngedult vnd vnwillen dem ellē-
den kein anlaß zū wyterer bekümbernus gäs-
ben. Sölichs meeret eeliche liebe vß d massen
träffenlich : glych wie das sy gar erlöschet / weñ
wir mit vnserm eegmabel eben nüt dulden
vnd lyden wöllend : vnd so er franck wirdt/
wir vnwirsch sind / vnnnd lyden möchtend ja
ouch wünschend vnd begärend das er schon
vergraben wāre. Rächte liebe übt vñ erzeigt
sich allermeist in der nodt / vnd verharret biß
in das end / ja ouch füruß. Darumb welches
das ander in armüt / ellend / franckheit vnnnd

zur

zur zyt der node verlassen mag / Das hat nie
kein rächte liebe gehebt.

Hiehar hört ouch das / Dz ein eerlicher man Von dien-
syn wyb nit überladen sol mit zeul vnd vns ^{sten.}
lydenlichen vnttraglichen Burdinen. Sicht er
das die so: g des huses vnd der kindē jro wil
zeüberlägen syn / so dinge er jren güte frome
dienst / vff das sy sich nit ee zyt vßarbeite vnd
verdärbe. Willige rossz sol niemäts übertry-
ben: vnnd güte gschirr zeul grob bruchen.
Das aber etliche man hie gar grob sind vnd
jren armen wyberen gar nüt gloubend vnd
jnen zeul zümütend vnnd zeul arbeit vffle-
gend: dannē entstand offtr gar groß Flägten
vnd vneinigkeite. Vnderwylen ist der man-
gel an den wyberen selbs / die könnend vnd
wöllend keine dienst lyden / vnnd könnend
doch mit der hußhaltung nit nahe kumen.
Solichs machet dann ouch vil spañs: etwan
yferend sy gegen den dienste: darvon im vo-
rigen cap. gesagt ist. Da müßend die wyber
yetzund sich jrer seltsame abthün / vnnd die
dienst lyden vnd jnē güts thün / damit sy nit
der diensten manglen / oder nit alle wuchen
nürwe dienst haben müßind.

Vnd sy beide der mann vnd das wyb sol- Wasma
lend gegen jren dienste früntlich from billich ^{den dien-}
vnd gütig syn: yngedenck der wortē Pauli / ^{sten schul-}
Ir herren was rächte vnnd billich ist / das bes ^{dig.}

wysend den diensten / vnnd wüssend das je
ouch ein Herzen im himel habend. Darumb
sprach Job / Job 31. cap. Hab ich ye rächt ab-
geschlagen minem knecht oder miner magt/
so sy etwas spains gegen mir hattend? Dann
wie wölt ich mich halten / weñ Gott zü gricht
sizen oder sömlichs heimsüchen wölter? Was
wölt ich im antwurten? Dann eben der / der
mich in müter lyb gstatet hat / der hat ouch sy
gemachet. Sy sind ouch menschē vnd Got-
tes gschöpfft / Gott lieb / erben des läbens / vn̄
vnserc schwestern vn̄ Brüder. Hierum gäbe
ein Ch:isten mensch sinen dienstē jre gebür-
liche vnd rächte spyß / schirme sy / liebe vn̄ leere
sy / verachte vnnd boche sy nit / lasse jnen ouch
jren versprochenen lon zü lieb werdē / betriege
trucke vnd tränge sy nit / vnd erliege jnē nüt.
Dem arbeiter sinē lon vorhaltē / ist ein grosse
sünd vor Gott. S. Jacob der apostel spricht
zü den rychen die jre dienst verkürzēd / Sich
des lon üwer arbeiteren den jr nit bezalend /
wie jr söltend / der schrygt / vn̄ das rüffen der
arbeiteren ist kumen für die oren des Herren
Sabaoth. Ir habend wol geläbt vfferden /
vnd üwere wollüst gehebt / vnnd üwere her-
zen geweidet / aber nun vff den schlacht oder
metzg tag. Sich S. Jacob spricht das vor-
halten der verdienten lönen / werde den vn-
gerächten zeletzt zur metzg / das ist zum verz-
derben

derben/reychē. Gedencke yetlichs hie wie es
 wölte das man jm thäte / so es Gott also ges
 fügt hette/das es dienen müste: vnnnd grad
 also thüge es sinem dienst ouch. Vil lüten läs
 bend mit jro diensten glychsam als ob sy nit
 lüt sunder vâch wärend: vnnnd so sy darumb
 gestraafft werdend / sagends sy müssind also
 by den diensten jr ansähen gwalt vnd autho
 ritet erhalten. So doch das ansähen nit mit
 vntrüw schelcken verachtung vnnnd vnuer
 nunfft/sunder mit trüw dapfferkeit vñ red
 liche / mit verstand vñ wyßheit erhalte wirt.
 Dann weñ dine dienst ernennete stuck an dir
 findend / werdend sy mee vff dir haben vnd
 dich mee fürchte/ ja sy werdend dir ouch trü
 wer syn/dann weñ du schon vil vntrüw übst
 vnd vil schalcks vßstooft.

Herwiderumb söllend die dienst ouch jre
 böse tück/hochmüt/stölzge/vntrüw/kybē/wi
 derreden/liegen/brümlen/abtragen vnd alle
 vnredliche von jnen thun/vnd gedencke das
 armer lüten hochfart bald endet/ das by vn
 trüw jr lon jnen wenig thrügen wirt/das sy
 zü letst gar vnglückhafft /by Gott vnd aller
 wält vngunst erlangē / vnd bättle gon wer
 dend. Das gebott Pauli / das ouch Gottes
 ist/söllend sy zü allen zyten vor ougen haben/
 das also lut/Ir dienst sind gehorsam üweren
 herren/mit forcht vnd zitterē/ in einfaltigkeit

Was die
 dienst schul
 dig syend.

üwers hertzens als Christo/nit das jr ougen
dienen wöllind als den mensche zü gefallen/
sunder als die Knächt Christi/ dz jr sömlichen
willen Gottes thügind von hertzē mit güts
willigkeit. Jr söllends darfür haben das jr
dem Herrē dienend / vnd nit den menschen/
vñ wüffend was ein yetlichs für güts thün
wirt/das wirt es vom Herren empfahen/es
sye herr oder dienst.

Vnd so vil hab ich von dem wöllen sagen
wie die Keliut im Testand wol vnd rächt lä-
ben/vnd wie sy eeliche liebe behaltē vnd mees-
ren mögind. Weiß ouch wol das noch an-
dere stuck mee möchtēd gesetzt werde. Siser
wenigen aber hab ich mich lassen vernügen.

Wie man die Kinder wol vnd rächt vziehen sölle.
Cap. XXI.

Alletsten ist noch das übe-
rig/das ich etwas anzeigung gä-
be wie man die Kinder die in der
Le geboren werdend / wol vnnd
rächt vziehen möge. Dan sömlichs sürnem-
lich vnder den Testand hört. So habēd dar-
an die Keliut nit die minsten frönd vnd leid/
ja die grösten rüw vnd vnrüw zeerwarten/
zü dem das sy Gott rächung von jren Kin-
deren zü gäben schuldig sind : vnd Gott nit
trüwlicher dienen / jm nit angenemer höbet
vnd

vnd lieber opffer bringen/ dann so sy im ein heiligen somen ziehend : ouch Gott nit häfftiger schmähen vnd erzürnen mögend / dan wenn sy gottloß vnnnd gottsesterig büben/ schelmen/ vñ vnuerschampte verrüchte töchtern vusziehend.

Hie wil ich aber von dem nüt sagen wie sich schwangere frowen halten / vnnnd das sy nach der geburt ire kinder selbs neeren vnd süngen / oder so sy ye lybs vnuermügligkeit halben nit möchtend/ eerlich/ tugentsam/ vnd nit gschwätzig / wynig vnd üppig sougamen erwöllen söllend : sunder allein wil ich von dem etwz verzeichnē / wie man die kind von der jugend vspflanzen vnd leeren sol.

Die Elteren vnnnd insonders die mütern ^{Die red ob sprach.} söllend sich flyssen güte vnd volkomne wort/ ouch einfalt gstrax vnnnd vstrucklich vor den kinden zereden. Dan meerteils beschicht es das der müteren wolreden/ od ire prästbaffte red den kinderen anhangt. Caius vnd Tiberius die Grachi / warē vast wolberedt/ dan jr müter Cornelia was wolberedt.

Vnnnd von den ersten jaren an söllend die eltern iren kindern keine sabeln oder andere erlogne abergläubige ding ynbilden/ sunder allein das/ das gottsaligkeit vnd erberkeit in den jungen hertzen pflanzen mag. Darzū söllend sy inen allgemeiner warheit einfalte

Die erst anfanglich vnuoltome mē berichte.

puncten gerüst haben/vnd die selben irē kinden ynbuilden vnd allwäg fürhalten: vnanz gesähen das sy glych yetzund das alles noch nit grundtlich vnd wie es an jm selbs ist ergryffen vnd verston mögend: ye doch blybt im menschen durch alles läben hin/ das er in der jugent vil gehört/vnnd vil mit jm geübt ist. Derglychen sind folgende puncten. So gewiß du den himel vnd die erden sichst/also gewiß solt du wüssen das ein vn sichtbarer Gott ist. Himel vnd erden vnd alles was geschaffen/ ist vō Gott erschaffen vñ sin werck. Gott ist das oberist best güt. Vffet Gott ist nützig güts. Gott bedarff niemäts hilff noch radt/vnd gibt aller wält bestand/vnnd allen menschen was sy hand. Gott hat den menschen lieb/ist gnädig vnd barmhertzig. Gott ist warhafft vnnd gerächt. Gott hat das güt lieb vñ hasset das böß. Das ist güt dz Gott heist/das böß das er verbüt. Gott straaft die sünd vnd das böß. Der mensch sol Gott ob allen dingen lieb haben. Er sol wid Gott nit brumlen/sunder willig vñ danckbar syn. Er sol Gott allein anruffen / vnd in allem sinem anligen bittē. Vnd hie sol man sy leeren das Vatter vnser Bättē/ onch die artickel des Christenen gloubens sprächē/das sy die beide volkōmen/mit verständlichen güten volkōmen ganzen worten sprächen könnind. Mit
Der

Der zyt vñ so die vernunfft zünimpt / so leert man sy ouch den Chustlichen verstand / vñnd die zehen gebott / wie bald volgen wirt. Dar nâbe sol man jnē ouch andere gemeine sprüch yn pflanzen / als da sind / from̄keit ist ob allen dingen. Nüt ist schandlichers dann liegen. Du solt niemands nützig zeleid thun / niemants nützig nemen / niemants übel reden / schelten noch fluchen. Alle menschē sind b:ü:der. Vnd was man derglychen eer vñ gūts in sy pflanzen mag / das ring / güt zebhalten vnd zū verston ist.

Vor allen dingē aber werdend die elteren mit irem erbaren wandel vil mee gūts die Kinder leeren / dann mit dem mundtlichen Berichtē. Dañ ein eersam züchtig läben / hat nit nun by den kindern / sunder by aller wält ein grosse krafft / vnd garnach ein grössere dann der Bericht. Darum̄ lasse niemants sine Kinder üzid vnerbers von jm weder sähen noch hören. Laß sy kein üppigkeit übelreden fluchen liegen vnd vnuernünfftige reden hörē. Laß sy kein vnzucht vnerbers oder vnfrom̄s sähen. Flyß dich vor jnē nit anders zewandlen / dann wärst du in einem offnen tempel vor Gott vnd vileeren lüten. Thū gānzlich nüt vor jnen / darumb dich vor eeren lüten schamptist. Cato der wyß Römer stieß Titū Flaminium vs dem radt / allein das er sin

M iiij

Wie sich die elteren vor iren kindern haltē sollend.

Erweyb in angficht finer jungen tochter/ in
sine arm/ als es donneret/ verschlossen vnnnd
ymbfangen hatt. Vnd die Chüste schämend
sich nit in angficht der vnschuldigen jugend/
mit gebärden/worten vnd wercken/ begon/
Das tusend malen argwöniger vnd üppiger
ist/ dan die thaat Titu Flaminij was. Es sol-
tend doch die Christen an den häffngē spruch
des Herren Christi gedencken/ den er thut
Matth. 18. cap. Wär ein kind/ oder einen der
in mich gloubt/ verergeret/ dem wäre besser/
Das jm ein müllstein ann hals gebenckt/ vnd
also in das meer / da es am tieffsten ist/ ver-
senckt wurde. Es ist ouch nit genüg das du
vor jnen nit schandtlchs redist oder thügist/
du solt ouch alle die in dinem huß sind darzü
halten das sy jnen kein ergernus gäbind. Ja
wenn du gest betriffst/ die die süwglock anhö-
bind lüten/ solt du sy stöuben vnd jnen ymre-
den: magst sy nit geschweigen/ so schick doch
die kind vßhin/ das sy von dem wüst nit be-
fleckt werdind. Es wirdt offit in kurtzer wyl
verunsüberet vnnnd verderbt / das lange zyt
vnd mit grosser arbeit schwarlich gepflantzte
vßgebracht vñ bewaret wordē ist. So spricht
Paulus nit vergäbens/ Vppig reden verder-
bind gütt sitten. Gehind aber die eltern ouch
by zyt an zucht vnd eer pflantzē / gedenckind
nit/ die kinder verstandind od achtind jr vnzucht
zucht

zucht nit. Spaat säyen gibt ein spaate ernd/
 oder etwan gar keine. So spricht man vnnnd
 ist waar/Zunge schoß lassend sich bucken wie
 vnd wohin man wil: aber alt vnd erwachsen
 stämen lassend sich ee brächen dann biegen.
 So kan man vff ein reine subere tafel so ein
 klein stüpfstin nit thun/sy empfaacht.

Vnd der jaren halben/wen man die kind
 mit ernst zu leeren and hand nemmen solle/
 vermeinend etlich das fünfft/etlich aber das
 sibend jar geschickt syn. Si ewyl aber die
 kind nit alle glychen verstand habend/etliche
 scharpffsinnig/etliche aber eins schwäre gma
 chen verstands sind /ist das best die eltern
 handlind nit nach dem vor:schrybē der jaren/
 sunder nach gelägenheit des verstands den
 sy by den kinden findend. Sie leer aber an
 die sy genomē/sol das einig end vnd zyl ha
 ben/das sy from vnd gottfälig gottsförchtig
 vñ trüwe diener Gottes vñ redlich lüt wer
 dind. Darumb leere man sy verston/was sy
 von Gott bittind mit dem allgemeinen ges
 bätt Vatter vnser : item das sy ein zimlichen
 verstand habind der gebotten Gottes/vnnnd
 vorab der articklen des Christlichen glou
 bens/ den sy biszhar allein mit worten bekeñt
 vnd rächt sprächen gelernet habēd. Berichte
 man sy ouch warum sy getoufft vnd was der
 touff sye/was man in vnnnd mit des Herren

Die ander
 vnnnd vols
 kommen be
 tricht.

Nachtmal handle. Vñ sömlichs übe man mit
jnē vnuerdrossen biß über die zwölff jar vnd
wyter vßhin/das jnen dise stuck wol vnd eis
gentlich yngebildet werdind. Hohe vnd spi
zige fragen vnd luffthäspel trage man jnen
nit für / sunder allein die lutern einfaltigkeit/
was jnen zerwüssen vnd zeglouben notwens
dig vnnd nütz ist. Darzü hüte man sich das
man nit zeuil von jnē erfordere/sy übertrybe/
vnd zemal überschütte. Die jar leerend/vnd
witz kumpt nit vor jaren. Darumb was ye
zund nit gon wil/spar vff ein andere zyt/vñ
vff ein grösser alter. Vnnd hää allweg von
Kinden vergüt. Mach sy mit rühe vnnd vn
uernügige nit verdrossen. Man hat allens
thalben die Catechismos/das ist die Kinder
bericht/Tütsch getruckt/das sich der vnwüs
senheit niemäts beflagē mag: allein werde
man ouch etwas flysses hie an den handel
Gottes.

Schül.

Item schick man die Kinder zur schul Das
sy lernind läsen vnd schryben / das wirt jnen
in vil wäg nütz vñ dienstlich syn. Dann weñ
sy läsen könnend / mögend sy sich vß den ges
truckten Büchlinen selbs leeren/vnnd was sy
hernach wärben handeln vnd thün söllend/
wirt jnen das schryben vnd läsen fürständig
syn. Wyter füre man das jung volck zu dien
predginen das wort Gottes zehören. Weñ
sy heim

In die pres
dig führen.

sy heim kumen sind / so erfordere vnd erkun-
 dige man an jnen was sy behalten habind/
 vnnnd so sy es nit gemerckt hettind / so sag du
 jnen was das best vnd jnen das notwendig-
 gist gewäsen sye. Wenn sy nider gond oder
 vffstond so erinner sy der liebe Gottes / des
 gebätts vnnnd der danckbarkeit. Laß sy über
 vnd ab tisch bätten. Heiß sy tisch richten vnd
 den tisch vfnemen : laß sy ouch zü tisch dienet-
 zeig jnen darby was tischzucht oder vnzucht
 sye. Diß sind die übungen vn werck der ju-
 gend : vn also vnd dariñ üb sy one vnderlaß.

Verman vnd gewänn sy einer güten ord-
 nung / das sy vö kindswäsen vf in allen jren
 sachen ordnung haltind / das sy ein yetliches
 ding zü siner zyt thügind / dz sy ob allen din-
 gen / vnd als das edlist kleinot die zyt wol zas-
 men hebind / vn wol anlegind / vnd gar kein
 zyt one nutz verschynen lassind. Dañ vffer-
 den ist nüt kostlichers dañ die zyt / es ist ouch
 nüt flüchtigers oder schnällers / als das flugs
 daruon fart vnnnd nimmermee widerkumpt:
 wär es übersicht dem bybt der rüwen / der
 spricht dañ / Hette ich diß / hette ich yhens ge-
 thon. Darumb thüy yetlicher zü rächter zyt
 Das man thün sol vn wol thün mag / so wirt
 er siner zytigen thaat zü siner zyt erstouwt.

Ordnung
 in allen din-
 gen / vnnnd
 achtüg der
 zyt.

Die eltern söllend sich hütē das sy in ässen
 trincken vnd kleidern jre kind nit weich vnd

Essen vnd
 trincken.

meisterloß erziehind. Dem heiligen Gotes
jüngling Daniel vñ sinen mitgesellen ward
angebotten spyß vnd tranck von des künigs
tisch. Daniel aber wolt sin nit. Vnd als der
kämmerling sich besorgt/ söltend sy für vnd für
also schlächtlich läbē/ so wurdind sy sich häff-
tig ersallē/welchs dē künig am höchsten wur-
de mißfallen/antwortet Daniel/Lieber vers-
such es zehen tag mit vns/vñ laß vns gnüß
zü äffen vnd wasser zü trincken gäben: Dar-
nach besich vnser vñ anderer jungen gestalt/
die von des künigs spyß geneert werdend.
Vnd nach dem du den sähen wirst/ darnach
bandel. Vnnd es volgt in der heiligen ge-
schrifft Danielis am ersten cap. Vnnd nach
den zehen tagen ward gesähen / das sy baß
gestaltet vnd baß by lyb warend/weder die
knabē die von des künigs spyß läbtēd. Dar-
umb gäbe man den kinden spyß vnd tranck
die den kinden gebürt/vnd deß selben gnüg:
vntd leere sy ee zyt niemants schlacken vnd
truncken werden. Die kleider söllend ouch
zimlich erber vnd züchtig syn/ vñ wie sy kin-
dern gebürend vnd wol anstond vñ zierend.
Vnkosten pracht vñ hochfart ziert sy nit/ vnd
weñ du schon ryck vñ wolhabend bist. Dañ
du wilt ein weichling vñ ein hochfertig nar-
recht thier ziehē / das nun mit lumpenwerck
vnd sydinen fätzlinen all sin tag vmbgad t.
Dann

Kleidung.

189
Dann wie man ein gschirr zum ersten bickt/
also behaltet es ouch hernach diewyl es wä-
ret den selben gschmack. So lüg yetzund du
zü / wie du vor Gott din schuld verantwurs-
ten wöllst. Dañ diewyl du dine kind zü sol-
lichem fadtwerck von jugend vf zogen hast/
bist du schuldig an aller deren hochfart / die
sy durch all jr läben trybend / vnd an aller der
ergernus diesy Christen lüten gäbend.

Voruß aber züch dine kind von böser gsell-
schafft vnd gspiltschafft / als von dem grösten
verderben. Gedencck wie man sagt / Böser
gellschafft wirdt der mann siech. Aber gute
eerliche gellschafft vnd gspiltschafft / od kurtz-
wyl mit jres glychen vnderwylen zeüben / sol
sinen kinden niemants weeren. Dañ etliche
beschliessend die jrē gar yn / lassend sy nienan
herfür zü den lüten / vnd verderbend sy also
ouch. Aber one erlaubnuß vñ bericht wohin
vnd zü wem ouch was sy thun wöllend / sol
inen vß dem huß zelouffen / weñ sy wöllend /
gar nit zügelassen werde / noch minder daus-
sem / so lang es inē geliebt vñ gefällt / zeblybē.
Wenn sy dann schon vff bestimpte zyt heim-
kummend / söllend die elteren rächnung von
inen begären / wo / vnd by wäm sy gsyn / vnd
was sy gethon habind. Zwyslet üch elteren
am der rächnung / so fragend wyter nachhin /
darnach zeigend inen das sy merckind das

In meisters
schafft vnd
hüt halten.

ir wüßind womit sy Daussen vmbgangind
Vnd also werdend ir sy in zucht/socht/mei-
sterschafft vnd hüt behalten. Dann vnerber-
vnnnd vnredlich ist die Kinder vß dem huß
louffen lassen / iren nüt gewaren / vnd num-
mer wüßten wo sy sind / oder wenn sy schon
zü huß kummend / nimmer fragen wannen
sy kumind / oder was sy gethon habind / oder
sy vmb ire begangnen fräuel nimmer anzie-
hen oder straaffen. Herwiderumb ist ouch
das zü schelten / wenn du sy allwäg machen
lassest nach irem willen / vnnnd etwan vff ein
zyt / wen du sunst vnrichtig bist / über sy wü-
scheft / vnnnd sy vnuerdient oder one maasß
straafft.

**Straaff vñ
züchtigung**

Ein yetliche straaff sol ir rächte zyt / dar zü
ouch ein vorgende mißthat haben. Die muß-
thaten aber sind eintwäders groß oder klein/
bedacht vnnnd mit gfaaren / oder vnbedacht/
vnuerbotten vnd one gfärd / begangen : So
stat die straaff yetzund eintwäders in Worten
oder in streichē. Die beide habend ouch nach
gelägenheit der mißthat ir rässe vnnnd lindre/
gröffe vnnnd kleine. Grossen überträttungeen
gepürend groß straaffen / vnd kleinen kleine.
Was man nun mit Worten Besseren mag
vnnnd sol / dar zü darff man keine streich zee-
thün. Wen aber die wort nüt hälffend / denn
mag man die streich dar zü thün. Doch wie
gemelddoet

gemeldet zu rächter zyt vñ mit rächter maaß.
 Das red ich von deren wägen/die wol straf-
 fend/ aber wenn sy sunst zornig sind. Denn
 könnends kein maaß halten: denn bruchend
 sy nit die rüten /sunder schlahend die kinder
 mit fñsten vmb die köpff/ oder werffend
 vñnd zerschlahend jnen die glider/ das sy
 dum̄/toll/lam̄ vñnd dürfftig werdend. So-
 lich vnfläter wärend wirdig das sy ein ober-
 keit straaßte/damit sy ein andermal mit maß
 straaßen lerntind. Etliche straaßend vmb
 kleine ding ruch/vñnd die grossen mißthaa-
 ten lassend sy vngestraafft hingon. Aber ein
 rächter vernünfftiger hufuatter haltet maß/
 faaret rächter zyt /last nit vngestraafft/das
 straaßwirdig ist/hingon/vñnd straaßt nach
 gelägenheit der mißthat/ja er sicht zu vordes-
 rist mit der straaß daruf /das er mit jren bes-
 sere vnd nit verderbe. Siewyl dann etliche
 köpff ouch sind die mit der straaß nun halß-
 starck werdend/vnd allein mit güte wöllend
 gezogen vñnd gewonnen syn: etliche aber
 dargegen der art sind /das sy vngschlagen
 abem nit thünd: so gewaret er sölicher arten/
 vñnd richt sich nach yetliches gelägenheit sy
 mit züchtigung oder güte zegewinnen vnd
 zu eeren zebungen. Die aber die ire kind vor
 verkeerter liebe nit straaßen könnend noch
 wöllend /losind hie was jnē Salomon sagt.

Proverb. am 29. cap. stat also geschrybē/ Die
rüten vnd straff gäbend wyßheit/ das kind
aber das man machē laßt nach sinem willen/
ist siner müter ein schand. Vnd 13. cap. Wār
rüten spaart der hasset sinen sun/ wār in aber
lieb hat der zücht in frū zur zucht. Vñ 22. cap.
Des kinds hertz ist voll torheit/ aber die rü-
ten der straff trybt daruß. Vñnd 23. cap.
Hör nit of din kind zū züchtigen/vñ straffs
mit der rüten/ dann so du es mit der rüten
züchtigest/wirts nit drab stārbē/sund sim seel
wirft im von der hell erretten 2c. So spricht
man ouch gemeinlich/ Es ist wāger die iun-
gen grynnd dan die alten. Vnd/Wāger ist
du züchtigist mit eeren selbs din kind / dann
das dirs der züchtige der mit diner grossen
schand züchtiger.

Den kindē
zū vil vnd
zū wānig
glouben.

Wytet sol der vatter sinen kinden nit nüt
glouben: herwiderumb sol er inen ouch nit
zū vil glouben /sunder gedenccken wie man
spricht/ Der busuatter weist allwāg sinnes
buses/das ist der sinen/prāsten zū letstē. Also
söllend die mütern jren kinden hinder den
vātern nit zemilt syn/vnd inen heimlich wer
stolen gält anschüttē/ das sy zū bülen/ spilden/
suffen vnd wülen habind. Dann es hat sich
offt funden/ das söliche mütern jre kind egar
verderbt vñnd zelestten an galgen gebraacht
habend. Doch söllend sy beide der vatter vñ
die

Die mütter gegen kindē ouch nit zū ruch oder
 zū harw syn/wie aber etlich thünd/vnnd die
 kinder nit minder mit rühe dann ihāne mit
 milte verderbend. Sind jnen aber früntlich
 vnd lassend jnen zur notturfft/ists anders in
 iwerem vermügen/keinen mangel/dicwyl
 sy volgend vnd rächt thünd. Haltend sy mit
 wortē vnd werckē/das sy ein kindtliche liebe/
 ein güt vertrauen vnd vertrosten zū üch ha-
 bind. Herwiderumb gewennend sy/das sy
 üch fürchtind/wenn sy vngehorsam wärind/
 vnd vnärzt thünd : vnd das sy von sölicher
 forcht wägē dz vnärzt mydind :c. In sum-
 ma haltend vnnd erzeigend üch dermaassen
 gegen jnen/das sy wüßind wenn sy rächt
 thünd/iwere huld habind : weñ sy aber vn-
 recht thünd/alle huld verloren habind.

Warzū man die Knaben vnd töchtern yetlichs insonders
 ziehen sölle. Cap. XXII.

Die Knaben schicke man in
 die schul/wie obgemeldet ist/vnd
 mithinzū achte man flyssig warzū
 sy ein art vñ neigung habind / ob
 sy zū der leer geschickt oder zū handtwercken
 wöillind genatürt syn : vñ demnach du jr art
 vnd neigung eigentlich vnd warlich erkun-
 diget hast/vnnd der Knab ouch sine rächte jar
 vffim hat / so ordnen jn zū der leer oder zū

handtwercken. Dañ die Kinder vor iren ge-
bürlichen jaren zū handtwerckē verdingen/
oder zū sachen zwingen/zū denen sy kein lust
habend vnd nit genatürt sind/ist nit nun kos-
sten vergäbens anwenden /sunder die kind
versumen vnd in die armüt richten.

Die Kinder
zur leer
thän.

Es habend aber vil lüten ein groß abschü-
hen/die es sunst wol vermöchtend/vnnd ire
Kinder ein güten lust zur leer hettend / sy By
der leer zū laassen/meerteils das sy die arbeit
vnnd das vnwerd der dieneren der kilchen
sähend/ in welche sy die irē mit begäben wöls-
lend. Wöllend aber danāben mit ermāssen
wobin jnen vnd der gantzen kilchen sölich je
abschühen vnd fleischliche forcht vnd weiche/
zū lestreich wirt/dabin das sy an gsunder
leer Christi vnnd an trüwen kilchendieneren
mangel haben werdend. Vor zytē do vil ap-
tyen/propstyen/grosser pfründen vnd lähen
vohanden warend / an welchen vnsere Kin-
der zū grosser rychtumb vnnd hoher werde
mochtend erhebt werdē/wolt vnser yetlicher
ein pfaffen machen/da beduret vns kein kost/
da was es ein trāfflicher gottsdienst vn̄ das
heiligest opffer sin kind ins pfaffenthumb vs-
opfferen vnd ergäben/vn̄ ergab man sy aber
in ein ordnung die Gott richtig zewider ist:
yetzund so man schon weißt das söliche pfaf-
fery wider das Euangelion gsyn/vnnd das
die

Die prediger des heiligen Euangeliums die-
 ner Jesu Christi vnd das saltz der erden sind/
 Dennocht wil niemants sine kind zü der leer
 vnd zü einem also heilige norwendigen vnd
 nützen werck / Gott vnd dem gemeinē nutz/
 der kilchen eignen. Darumb zü besorgen ist
 wir werdind vnser vndanckbarkeit halben
 mit der zyt widerum̄ vmb die Euangelische
 warheit kummen/vnd psaffen/die nit diener
 Jesu Christi sunder antichristi/öde büben/hü-
 rer/gytig/spiler/tyrannen vnd abgefeymete
 schelck sind/überkum̄en. Gott aber wölle es
 nach siner erbermbd besser machen / vnd üch
 verlyhen das jr zü Christilicher leer ein willig-
 ger hertz überkum̄ind/das jr die mit üwerm
 lyb vnd güt zefürderen vnderstandind.

Vnd die jüngling die gute ingenia ha-
 bend / vnnnd sich aber der kilchen diensten nit
 beladen wöllend / insonders die sunst rych
 vnnnd jrer gülden gläbend/thünd wol vnnnd
 rächt/ wenn sy ire junge tag studierend das
 sy in jrer beste vnd in jrem alter/die authores
 läsen/die Leges verston/vnnnd insonders die
 herlichē historias/by den Latinern od Grie-
 chen handlen mögend / vnd etwas ouch mit
 der Dialectica vñ Rhetorica könnend. Dañ
 sömlichs mag jnen hernach weñ sy an griche
 oder radt od an eeren ämpter genömmen wer-
 dend/oder jnen Befolhen wirt etwas in Gottes

Studieren
 bringe ouch
 den rychen
 vil nugen.

Die Knaben
zū handts
wercken
thun.

Schafft wyß vßzerichten / gar trässlich fürder-
lich vnd nutzlich syn. Dañ ye noch niemants
Das alt sprüchwort gefält hat / Etwas geler-
net haben können vñ wüssen / verlag sich nie.
Denen Knabē aber die man zū den handts
wercken thüt / Bilde man yn / Das müßig gon
nit nun ein laster / sund ouch ein verderbnuß
sye alles menschlichen läbens : Das arbeiten
von Gott gebotten vnd ein güt werck sye / so
es in glauben liebe vnd gedult beschicht : Das
Gott der handarbeit benedye oder sinen sã-
gen gäbe / vff das sy wol geradte vnd trüyez
Doch sölle man Gott hierum ouch zū allen zy-
ten vñ an der arbeit anrüssen vnd Bittē : Das
welcher etwas rächts arbeiten kan vnd wil /
wohin er joch kumm vfferterich / sin narung
finde : vñ Das deßhalb wärbende hand über
alle rycthumb sye. Dannenhar etliche stett
vnder den Heiden / keine zū burgern vnd in
jr stett vfnamend die keine handtwerck oder
eerliche künst kundtēd. Den so verman ouch
dinen jüngling das er das hantwerck / dem
er sich begäben hat / rächt von grund vf vnd
eigentlich wol lerne. Thū jn ouch zū meistern
die das handtwerck fürpündig vß wol kōn-
nind / flyssig vñ trüw mit leeren syend. Dañ
welcher ein handtwerck kan / wie es ghōit /
der hat allwäg ein fürderling : der sudler
blybt allwäg dahinden ston. Vorab aber ver-

man

197
man dinen jüngling das er warhafft/verschwigens munds/trüw/yederman vnder dienstig/nit kybig/stoltz vnd verachtig/sunder sinen meistern gehorsam vnd gewärtig/vnd in allem sinem thün suber/frütig vnnnd thätig/vnd nit ein vnflätiger sümeriger dasche sye. Solichs mag in allenthalben vnd in allwäg fürderen oder hinderen/mee dan yemants glouben möge.

So ist es im nütz vnnnd güt/wenn er das handtwerck begriffen vnd sine jar vßgelerethat/das er an die frömbde gen wandlen ziehe. Dann wandlen ist jungen lüten in vil wäg tröfflich nütz vnd güt. An der frömbde sähend sy allerley gattungen vnnnd was vff dem handtwerck ist/lernend also das handtwerck ye lenger ye feriger/sy erkonnend ouch die frömbde/werdend geübt vnd gebucht/an der frömbde sähend sy offft das sy demütiget vnd iren eignen sinn zerbricht ic. Hüte sich aber hie ein yetlicher wandlender gesell/das er an der frömbde nit alles zerächt legen wölle/achte vñ geware sins dings/gäbe yetlichem güten vnd fründlichen bescheid/embiete mengklichem sin gebürliche eer/sye erkantlich vnd danckbar gegen denen die im güts thünd/sye vernünfftig vnnnd nit grob/habe Gott vnnnd die eer vor ougen:hüte sich vor böser gselschafft vnnnd vor trunckenheit.

Wandlen
vnnnd die
frömbde
erkundigen.

Schmähē vñ Betriēge sinen meistern weder
Kind noch dienst/ouch gar niemāts die sinen.
Hüte sich das er frömbder nationen vnzuch-
ten vnd anlaster nit vflāse vnd mit jm heim-
für tugendē bringe. Sye aber dapffer/stant-
hafft/redlich/flyssig/züchtig vñnd ernsthafft:
vermyde alle lychtsferigkeit vñ alle gstat der
üppigkeit. Vppige läpperische kleider entee-
rend in/zierend in gnot vnd gar nüt. Lycht-
ferige Kleidung ist ein anzeigung eins lycht-
ferigen üppigen hertzes. Vnd was joch der
nūw hüpsch / vñnd wie lez joch mertheils der
jungē mütwilligen wält handle vñ wandle/
so laß jm ein redlicher Christlicher jüngling
vor allen dingen die erberkeit gefallen/vñnd
volge nach den Byspilen Jacobs/Josephs/
die ouch schön / jung / redlich / dapffer jüng-
ling warend / vñnd dennoch mit vnser jung-
gen wält mütwillen nit vmbgiengend.

By jre die
sün versor-
gen.

Vnd die elteren söllend sich ouch flyssen jre
sün/wenn sy ein zyt gewandelt habend / vnd
erberlich gnüg erkundiget/zü rächter zyt mit
eeren wyberen zeuersähen/damit sy jnen vr-
sach vñnd anlaß zur üppigkeit abschnydind/
vñnd sy zytlich gnüg zü eeren zühind/inson-
ders die/die etwas vnruwiger sind. Dann
weñ man söliche ützid lang laßt in der fryen
Bübenhut herumb louffen / so gewonend sy
der Bübery/das sy hernach zü den eeren ver-
hōn

199
hönt/nimmer oder schwarlich rächt güt eemal
oder hußhalter werdēd. Vnd wen̄ dir jünger
ling ein eeren tochter vermächlet wirt/ so sich
mit diner Le allein vff Gott. Bis ouch diner
Begirdē mächtig/ vnd sich vor diner eelichen
Bywonung das ryck Gottes/ mit züchtigem
Fulchgang/ nit das die eelichen werck an jnen
selbs zü einicher zyt sünd syend / sunder das
dennocht vnder Christen lüten ein ordnung
gehalten werden sol/ vn̄ sich ein yetlicher one
schaden siner seel vnd gewüßne ein so kleine
zyt wol enthaltē mag. Zü dem das ein Chri-
sten mēsch (als S. Paulus sagt) etwan ouch
das vnderlaßt/ das er wol thün möcht/ vnd
das an die hand nimpt/ das zierlich vnd or-
denlich ist. Nun ist aber zierlich vnnd ordens-
lich vor aller Bywonung zur kilchen gon: wie
vilfaltig im̄ 16. cap. daoben gesagt ist.

Die töchtern zühe man insonders vnd als ^{Töchtern}
lein zur hußhaltüg/ von dero zum teil im̄ 20.
cap. gesagt ist/ zü teil etwas im̄ 24. cap. vol-
gen wirdt. Diewyl aber nit bald ein ander
stück funden wirt/ das der hußhaltung mee
abbräcke vnnd die töchteren trāfflicher ver-
derbe dan̄ üppige zierd vnd hochfertige klei-
dung/wil ich hie etwas ouch sagen von eerli-
cher zierd/ wider die üppigē hochfart der klei-
deren. Dan̄ sömlicher tittel insonders zü der
zucht der töchteren dienet: diewyl sunst ouch

Die müttern zū vnserer zyt hie aller maaß so
gar vergäßen habend.

Von der eerlichen zierd wider die üppigen hochfart der
Kleider. Cap. XXIII.

Die rächt
hüpsch
zierd.

Die rächt zierd des menschen
staat nit in silber/gold/edelgstein/
oder in kostlicher kleidüg / sund in
fromkeit/zucht/erbarkeit/demüt/
vñ anderen tugendē. Hochfart vnmaß vnd
pracht in kleidern/vnkostē übermüt vnd üp-
pigkeit/sind besleckungen vñ laster/darumb
zierend sy den mensche nit/sund gschendend
vñ verschreyed mit bösem namen alle die die
sich dero schandē gebrauchend. Darum wöl-
lend wir yetzund d vorderiste apostlen Jesu
Christi der heiligen Petri vnd Pauli kundt-
schafft vnd warhastte leer verhören. Der hei-
lig apostel Petrus spricht in siner ersten epis-
stel am dritten capitel also/ Der wyber zierd
sol syn / nit vßwendig in harflächten / vnnd
anhäncken des golds oder anlegung der klei-
dern/sunder der inner mensch des hertzen/
in der vnuerruckligkeit eins sanfften vñ stil-
len geists/welcher vor Gott herrlich vñ hoch
geachtet ist. Hiemit zeigt üch wybern der
heilig Apostel / an üch vnd in üch selbs zwen
menschen/den vsseren vnd den innerē/vnnd
dero beiden zierd. Was der vsser mensch sye
wüßend

wüßend vñ verstand jr wol/ der vffer wandel des menschen in reden gebärden vñ fleiß dorn. Der inner mēsch/ist das gmüt/ die art vnd würcfung/ vñ das hertz das inner dem mensche ist. Vnd des inneren mensche zierd ist dise/ weñ üwer hertz vnd gmüt rein/ vnuerückt/ vnd vnzerbroche ist von den bösen ansächtigungen/ die wider üwer seel stryrend/ mit üppigkeit/ hochfart/ lychtsferigkeit: item wenn üwer hertz in üch rüwig züchtig vnd erbar/ nit vnüwig mit nachtrachten allerley nüwer gattungen vnd wie jr üch prachtlich zierind. Sömliche zierd gfallt Gott vnnd ist kostlich vor Gottes ougē: ja alle fromen erbaren mensche habends vil höher dan gold/ silber/ oder edel gestein. Dann din reinigkeit ist das rächt gold vnd der edel rubin: schamhafte zucht vnd demüt ist das luter silber vñ die klaren pärlin/ so ist din einfalte vnnd vnkostliche über allen damast vnd samat. Weñ nun der inner mensch also zierdt ist mit tugenden/so wirt er dem vfferen menschen der dingen keins anhencken/ die er nit für zierden achtet/ sunder für zeichē prachtlicher/ zerbrochner vnd torechtiger gmütern. Kleiden aber wirt er sich one pracht vñ kostligkeit mit eeren vnd nach der erbarkeit.

Vnnd also (spricht Petrus wyter) habend sich ouch vor zyten die heiligen wyber zierdt/

Zierd der heiligen wyber.

Die jr hoffnung vff Gott satzend vnnd iren
männern vnderthon warē. Wie die Sara
Abrahamen gehorsam was/ vnnd nennet in
ein herren: deren töchtern jr worden sind/so
jr rächt thünd ꝛc. Die byspil der heiligē vnd
fromen wybern Sare/Rebecke/Rahels vnd
anderer / söllend ouch wyber bewegen: die
warend ouch redliche hüpsche eeren wyber/
die ouch gern iren eemannen wol gefallen
bettend / vnnd giengend doch nit mit dem
Kadwerck vmb / damit jr ouch hüt by tag bes
fleckend vnd wänend jr habind ouch geziert.
Mit gho:same aber zucht vnd erberkeit zier
tend sy sich vnnd liebetend sich iren mannen.
Denen söllend jr volgen/ wöllend jr anders
den eeren namen vnd die sälligkeit erlangen
die sy mit Gott erlangt habend.

S. Paulus redt grad wie Petrus / vnnd
spricht 1. Timoth. 2. Ich wil das die wyber
erbar bekleidet/ sich zierind mit schām vnnd
zucht/ nit mit zöpffen oder gold/oder pärlin/
oder kostlichem gwand / sund wie es gebürt
vnnd wol anstadt wybern / die gottgläubig
sind vnnd güte werck thün söllend. Hörend
hie zü lieben frowen / wie der heilig apostel
Paulus dem heiligen apostel Petro so ganz
gleichförmig leerend/spricht/zucht vnd schām
sölle üwer zierd syn/vnd strickt ouch das glatt
ab/damit jr ouch sißbar geziert habend/gold/
pärlin/

pärlin / vnnnd kostliche Kleider. Erbar aber
(spricht er) söllend jr Bekleidet syn: nit wie jr
silicht von erbarstoltz mit den schnyderen vn̄
näyeren ein verstand machē möchtend / sun-
der wie es anstadt vnnnd gebürt wybern die
Gott gläubig sind / vnd güte werck thün sö-
lend. Sind jr nun Gott gläubig / so wüßend
jr frylich wol / das Gott kein gefallen hat an
der hochfart vnnnd pracht. Wöllend jr güte
werck thün / so müßend jr demütig vn̄ barm-
hertzig ouch zülich syn / vnnnd in abbruch nit
überfluß läben / nit mit kostlicher waat vnnnd
zierd der armen hertz verwunden. Lieber
halt din leimknollen / din stinckend fleisch / nit
so hoch: was wilt jm die syden / den samet /
das gold anzelegen / vnd jm selbs zü verder-
bung anhencken? Es sind üwer noch vil die
wöllend die heiligen apostlen verkeren: lies-
send jr dan̄ üwern fadt ligen / vnd volgtend
jrer leer / eeretind vnnnd anrufftind Gott in
Christo allein / wurffend die hochfart hin-
wäg / vnnnd thätend was sy üch heißend / vnd
giengend onergerlich vnnnd erberlich Beklei-
det. Dann gewüß ist es das jr ein groß vrcil
vff üch ladend / weñ jr der zweyen herrlichen
apostlen leer vnd vermanung vor Gott ver-
achtend / vnd üch üwere hochfart vnd üppige
zierd lieber syn lassend dann demüt vnd er-
barkeit.

Dem Ees
mann vor
zieren.

Ir sprächend wol/Wir zierend vns vnse-
ren mannen vor/ das wir inē geliebind/ vnd
das sy sich vnser allein haltind. Aber es sind
wort. Dann ist din mann gottsforchtig vnd
vernünfftig so wirst im baß gefallē (wie ouch
Sant Peter sagt) mit gehorsame/zimligkeit/
hußligkeit/ Bescheidenheit/ vnnnd mit erberer
Dañ mit üppiger bekleidung/mit pracht/hoch-
müt vnnnd stölze: ja mit sölichen stucken/mit
vnkosten vnnnd ergernus wirst im ein burde
od beschwärd syn in allwäg. Ist er vngotts-
forchtig vnnnd vnuernünfftig/oder sunst bü-
bisch vnd üppig / so wirt er sich an din zieren
wenig keeren/vnd wirt dich wol als bald zy-
hen du zierist dich anderen mee/ dan im vor.
Damit wirst du alle gnad / oder allen gunst/
vor Gott vnd by den mensche verlieren/ dae
zu kosten/müy/versumnus/ vnd arbeit ver-
gabens anwenden.

Ob dem
Adel vnn
den rychen
mee zierd
dann dem
gemeinen
mann ges
zime.

Denen aber die vermeinen wöllend es ge-
büre dennoch etwas mee dem adel gschlächte
vnd der rychtumb prachts in kleidern/ dann
dem gemeinen nit wolhabenden menschen
zeüben/antwortē ich vnd fragē sy/ob sy glou-
bige Christenwyber oder vngloubige syend?
Sind sy vngloubige wyber / so kummends
rächt also wie sy kummend/ vnd ye kostlicher
lätzer vnd wiegsamer sy kummend/ye baß sy
irem houpt dem tüfel gefallend/ vnnnd zimpt
inen

Inen wol/das diewyl sy üppige/hochmütigel/
 geister habend/ouch üppige vnnnd prachtliche
 Kleider tragind/vnd also mit vsserlicher waat
 anzeigind / das sy dainn im hertzen nüt söls
 lend. Mit sömlichen / als mit vngloubigen
 vnnnd hochfertigen thieren/wil ich nüt wyter
 kämpffen/vnd sy irem vnteil lassen. Sind sy
 aber gloubige Christen wyber/so könnend sy
 dennoch wol gedencken dz die heilige apost
 len Petrus vnd Paulus in obgemelter ver
 manung fürnemlich mit jnē als mit den ry
 chen die gold vnnnd kostliche Kleinot habend/
 geredt/vnd nit mit dem gemeinen volck/das
 sunst schwarlich einfalte Kleidung vfbringen
 mag. Diewyl dann die heiligen apostlen üch
 vom adel vnd gschlächte vnd üch rychen ver
 manet habend üwern pracht abzulegen/vnd
 jr Christen lüt syn wöllend / so volgend ouch
 den dienern Jesu Christi. Demnach söltend
 jr gedencken/was der rächt adel wäre/ vnnnd
 was rächt edel machte/demüt/zucht/vnd tu
 gend/vnd nit gold/silber/syden vnd samat.
 Darzü söltend jr wüssen dz in Christo Jesu/
 vnd vnder allen denen / die in einen lyb Chri
 sti getoufft sind/kein vnderscheid des armen
 od rychen/edlen oder vnedlen/ist. Dann wie
 sind alle in Christo eins: vn wär Gott dienet
 in fromkeit/demüt vnnnd erbarkeit/der gfallt
 Gott/er sye was vermögens oder stands er

wölle. Darumb ist es hie vßgeadlet/ Bist ein
Christenwyb/so thû was dich die diener Chri
sti Petrus vñ Paulus geleert habend. Oder
wenn wöltend jr vom adel der schönen vnd
herrlichen künigin Hester gedenccken? Wel
che ob sy glych künigin was/redt sy doch von
küniglicher zierd vnd von jro küniglicher
kron also: Du erkennst vund weist/o Herr/
min not/das ich das zeichen miner höhe vnd
herrligkeit dz ich vff minem haupt trag / zur
zyt so ich mich spieglen vñ sähen lassen muß/
hassen vnd ein vdrutz drab hab/als ab einem
vureinen tuch / vnnnd das ich das nit tragen
zur zyt so ich rüwig vnnnd allein by mir selbs
bin. Diß herlich exempel der edlen künigin
söltend jr bedencken/ vnd üch maassigen mit
der Hester / wenn jr schon vermeinen wöl
tend mee sügs vnd glimpffs zur zierd/dann
ander lüt zehaben. Gott hat üch die rych
tumb nit gegäben das jr hochfart vnd üwes
ren üppigen pracht damit trybind /sunder
dz jr barmhertzig syend. Sömliche maassig
keit aber in kleinoten vnd zierd findend wie
nit allein by dem glöubigen volck Gottes
gebraucht syn /sunder ouch by den Heiden.
Dann zu Rom hat lange zyt Lex Oppia ge
wäret / das was ein satzung / die allen eeren
frowen allen pracht in fleidern abstrickt/vnd
insonders

insonders das keine/wie rych vnnd gwalstig
sy joch wäre / über ein vntz oder lodt gold an
jrem lyb tragen solte.

Hörend vnnd merckend ouch wyter was
die heiligen marterer Christi vnnd bischoff
oder diener der kilchen von üwer üppigen
zierd vnnd hochfart geschriben/ geprediget/
vnnd hinder jnen gelassen habend. S. Cy^{rus} S. Cyprian^{us}
prian spricht also/ Es sind etliche rych wy^{ber}
ber/ die vermeinend jnen mee prachts gebü-
ren in jrer kleidung von jr rychtumb wägen
zeüben. Die selben aber soltend wüssen/ das
die allein rächt rych sind / die in Gott mit
züchten vnnd in güten wercken rych sind.
Schandtlich vnnd lasterlich ist/ silber vnnd
gold / sammet vnnd syden antragen / vnnd
vor der dürfftigen ougen spieglen / vnnd
den armen mangel/ durst/hunger/frost vnd
ellend haben lassen. Darzü welche sich also
prachtlich vfzieret/ verderbt jr seel/vnnd gibe
anderen lüten anlaaß zü der verderbung.
Dann sy erweckt begirden vnnd böß gelüß
in denen die sy also gezieret sähend : ja ein
sömliche ist ein giffte vnnd schwärdt allen de-
nen die sy sähend. Sy mag ouch nimmermee
rächt vnnd gantz rein from vnnd erber ges-
schert werde/ diewyl sy sich zeuil vnerber zie
ret/ ic. Der heilig Chrysostomus spricht also/ S. Ch^{rysostomus}
Romus.

Uberschwengliche zierd vnd pracht der klei-
dern/ist ouch ein abgöttery. Dañ du hast di-
ne kleider vnd kleinot lieb/vnnd verwarests
glych wie die götzendiener ire götzen. Du
machst dich dinē Kemann/von dem du stāts
Begärst vñ heischest dir diß vnd das zekouf-
fen/Beschwärllich vnnd vnwerd. Du machst
dich dinem mann vnd aller wält argwönig.
Wenn du aber züchtig vnnd erbar bekleidet
gaast/so wirst du vil me finden die dich rü-
mend/Dann weñ du prachtlich geziert dabar
züchst. Die frommen rümend mässigkeit/die
Büben vnd vnfrommen rümend pracht vnd
hochfart. Vnd welche also prachtlich vñ kost-
lich geziert in die kilchen kumpt/wz gedencke
sy/oder was möchte sy antwurten/wenn sy
von d kanzel den prediger der warheit hört
die hochfart so thür schelten vnd verwerffen?
Ist sy darumb in die kilchen kummen das sy
mit vnuerschampter thaat der heiligen war-
heit wölle entgegen ston/oder so es jren vil-
malen gesagt vnnd in die oren geschriewen
wirdt/grad thün/als habe sy es nit gehört
noch verstanden? Wenn ein Heid in vnser
kilchen käme/vnnd horte predigen das jr hö-
rend/vnnd sach üch darnäben also vfgeziert
vnnd hochfertig stan/was wurde er geden-
cken? wurde er sich nit schwärllich ab üch er-
gere? :c. Vnd sömlichs hat der heilig bischoff
vß

vß dem heiligen Paulo genomen/ der in der
 erste zu den Corinthern am 11. cap. also redt/
 Ein wyb dz da bättet od prophetet/ mit vn-
 bedecktem haupt die schendt jr haupt: Dar-
 umb sol ein wyb jr haupt bedeckt habē/ vmb
 der englen oder Gotten willen. Propheten
 aber nennt hie Paulus zu der kirchen kumen
 vnnnd die prophocy hören. Durch die engel
 oder Gotten verstat er die prediger/ die Mas-
 lachie 2. cap. also genennt werdend. By dem
 haupt verstat er den gantzen lyb/vnnnd wil
 das die wyber insonders zur kirchen wol bes-
 deckt züchtig vnd erbarlich kummind. Vnd
 was ist doch das für ein vnsinnigkeit/ das jr
 in die kirchē kumend Gott demütiglich vñ
 gnad zu bitten/vnd erzürnend in aber vff ein
 niwos mit üppiger hochfart? Wo habend jr
 gesähen/das die/ so kumend gnad zu bitten/
 stolz/ hochmütig vnd hochfertig dahar trät-
 tind? Warumb kumend jr dan ouch nit de-
 mütig für das angesicht Gottes zu bätten?
 Oder müßend jr ander lüt mit iwer üppigē
 zierd in göttlichē dingen hinderen vnd ver-
 ergeren? Es wäre iuch wäger jr stäcktind in *Matt. 23.*
 ein sack vñ wärind ertrenckt/ dan dz jr bid-
 erbe lüt also verergerend in offner kirchen/da
 nützid dan zucht vñ eer solte gesähe werden.

Zu dem bringend jr allen menschen/ all vppige
 iwer schand vnd iwer vorelteren laster/ wi-
 zierd offner
 vnser schand

derumb zu frischer gedächtnus. Dañ wenn
jr so prachtlich dahär ziehend/so spricht man
cher / Was darff die söliches prachts / man
wüßte sunst wol wär sy wäret d sunst schwi
ge vnd dich rüwen ließe. Habend dañ dine
vorderen din ryhtag vnerberlich dir zamen
geleit/ so spricht man / Was darff die guldin
fettinen/ring/syden vnd samat so kostlich an
tragen/hettind biderblüt das jren / so trüge
sy deren keins: jre vorderen habend miet vnd
gaaben genomen/sind wücherer vnd vnder
trucker der armen gewäsen. Sich den kade
vnnnd din schand erweckst du also mit diner
üppigen hochfart/mit dero du dich nit zierst/
sunder ganz vnd gar beschyscht.

Straaff der
üppigen
zierd.

Vnd zu sölichem vnradt allem/vnnnd zu
sölichen dinen grossen schanden/staast erst in
schwärer straaff Gottes. Dann Iſaie am 4.
cap. redt der Herr also / Sidmals die töch
teren Zion hochmütig sind wordē/ vnd trät
tend heryn mit vfgerecktem halß / vnnnd mit
falscher schamperer gsicht / darumb wirt der
Herr das houpt der töchtern Zion beschäre/
vnd jr schand emplötzen: an dem tag wirdt
der Herr hinwäg nemen jre gezierd der klei
dung vnnnd spangen/jre fettinen/halßband/
Borten/huben/ die wyten vnd engen kleider/
die göller/ die bysem/ ring/haarband vnnnd
krantz/schlinggen vnd mäntel/ schleyer vnd
hafften

211
hafften/spiegel vñ hemder/hüllen vñ jünneli.
Vnnd wirdt by jnen an statt des güten ge-
schmacks/gstancf werden/vnnd für gürtten
vnnd prysen lummen: an statt der guldinen
gfläch wirdt kale syn/an statt des brusttruchs
ein sack 2c. Vnnd wie Gott hie getröwt/also
hat ers hernach grusamflich erstattet durch
die Israeler vnd Syrer zu den zyten Achaz/
vnd durch die Assyrier zu den zyten Ezechie.
Darumb wir vnsern vnfal billich ouch ents-
sitzen söltend/das wir nit ouch der tagē eins
von vnsern synden/beroubt vñ ellendigflich
hinwäg gefürt würdind.

Hierumb söllend sich Christliche wyber
rächter zierd flyssen/vnd sich vnnd ire töchtes
ren aller hochfart abthün / zimlich aber vnnd
erberlich gekleidet gon. Dann hie mit wil ich
niemants glychfner gelect/oder das ynge
bildet haben / das wüst/hingeworffen heryn
gon/vnnd gar vnflätig bekleidet syn/ein tu-
gend sye/sunder das man sich aller vnndt-
gen zierd entschlahe vnd maß vnd erbarkeit
in der kleidung erzeige/vnd yetlichs sich mee
mit tugenden dann vsserlichem pracht ziere.

Wie man die töchtern oder jungfrowen leeren vnnd bes-
roaren sölle. Cap. XXIII.

Sezund kum̄ ich widerumb Was die
vff die zucht oder vnderichtung lernen sö-
lend.

U ij

Der töchteren: die sollend lernen (wie obge-
meldet ist) was das bätten / die artickel des
glaubens/ ouch die gebott Gottes antrifft/
mit sampt irem rechten verstand / vnnnd wie
das in Catechismis begriffen ist: nit das sy
mit den mannen von dem gloubē disputie-
ren/ oder den lüten predigen / sunder weñ sy
hußmütern werdend/ das sy dann ire kinder
vnd hußuolck berichtē vnd leeren könnind.

Schwygen Dann scham vnnnd stillschwygen ziert sunst
töchteren zum trāfflichisten / vnuerschampte
vnd gschwāzige entschöpfft vnnnd gschendet
sy gantz vnd gar. Darzū wenn sy gwonend
fry vnd one alles schūhen mit mannen zere-
den/ disputieren kämpffen vnnnd handeln/ so
verschāmend sy sich bald / vnnnd volgt zeletst
daruß das nüt sol. Wiewol ich ouch nit wil
das die töchteren gar in ein vogel kesse yn-
beschlossen/ nimer herfür/ für die lüt kumen/
oder das sy nimer nüt reden sollind / sunder
das ein maß in der gmeinschaft ouch im res-
den/ glych wie in allen anderen dingen/ ist/
vnd das fromen töchteren wol anstat das sy
nüt vnnndtigs vnd vngefragets vß inē selbs/
besonders in gegenwürtigkeit biderber lü-
ten/ schwāzind. Welche aber gantz vnd gar
yngethon/ nimer vnder die lüt kumpt/ nime-
mer nüt redt/ ouch seltsamlich etwas sicht vñ
hört vnd der wält/ die wirdt lütschüch vnnnd
gantz

213
gantz ein holzbock/ dz ist ein vnzytig vnryff
wyb/ die mit den lüten nüt geschaffen kan/
vñ mit dero die lüt ouch nit nahen kumend.

Vor allen dingen aber söllend frome töch-
tern jr eer zucht vnd reinigkeite bewarē / vnd ^{Eer/reinige}
sich deren dingen am allermeisten flyssen/ die ^{keit vñnd}
eer pflanzend/ zucht vñnd reinigkeite behal- ^{zucht.}
tend: die sind/ mydē alle üppigkeit in wo:ten/
wercken/ kleidern vnd gebärden/ myden böse
vnd vnuerschampte gspiltschafft/ myden vn-
ordenliche vneeliche liebe/ vñnd anlāß zū der
selben/ als da sind üppig tātz/ gfaarliche ge-
sprāch/ gemeinschafft mit kupplern vnd arg-
wönigen orten vnd personen: dagegen aber
söllend sy jr gsicht vnd alle sinn bewaren/ nit
müssig gon/ vñ dem versücher kein statt noch
platz gāben/ sy söllend allwāg etwas arbeitē/
ordnen/ besseren vñnd radtsamen/ oder ouch
lāsen/ vnd gūte byspil der eeren zucht vnd rei-
nigkeite vß dem lāsen jnen ynbilden / den sel-
bigen nachhengen / vnd vorab gottsforchtig
syn / Gott alle zyt vmb ein rüwīg vñnd rein
hertz anruffen vnd bitten. Dan wo von in-
nen vßhin die reinigkeite/ von der seel vñ von
dem hertzen/ nit gadt/ vñnd Gott mit sinem
geist das hertz der tochter nit berürt/ das sy
waaren glouben hat vnd dem Herren Chris-
sto jrem gspens yngelybet ist/ so ist die junck-
frowschafft weder gantz rein noch gesüberet

Läsen lieder
vnd fablen.

von der wüsten Befleckung der glychßnery.
Wyter sol sich ein fromme redliche tochter
hüten vor üppigen fablen vnd liederen/ das
sy solche wüste gedicht wäd lerne noch singe.
Dan Paulus der heilig apostel spricht/ Böse
geschwartz verderbend güet sitten. Vnd zu den
Ephesern sagt er/ Hüry vnnnd alle vnrcinig-
keit lassend nit vnder ouch geneit werdē/ wie
den heiligen züstadt/ ouch schampere wort/
vñ narrenwerck/ zeuil lychtferigs schimpffs/
vñ was nit erbar ist/ sunder vil mee sol üwer
red fründtlich vnnnd gnadrych syn. Serley
schimpffs aber üppigkeit vnnnd lychtferigkeit
sind/ der Tristannus/ die frow Melusina/
der ritter vß Dennmarck/ dz gedicht Euriali
vnd Lucretie/ Pyrami vnnnd Thisbes/ Gisse
munde vnd Gwiscardi/ vñ was derglychen
mee vnradts ist. Vß sömlichen gedichte mag
ein redliche tochter nit Bessers bringen / dan
das sy jren in jr hertz üppige liebe anzündt/
vnnnd der angel der üppigkeit haften blybt.
Vnd böse gmüt lernend vß sömliche gedichte
ren noch böshaffter werden. Dan sy lernend
daruß noch geschwinder bülen / betrieggen/
fräuel vnnnd behend in aller üppigkeit/ falsch/
verlogen / vnd dem würffel vnd tüfel glych
tusiglistig syn vnd werden. Darumb sol ein
trüwe hußmüter jren töchtern sölich gifft nit
zükümen lassen. Vnd die töchteren selbs sol-
lend

214
lend sich verhüten/ Das sy jr rüwig hertz vnd
reinen mund / mit sömlichem vnflat nit zer-
störind vnd verunreinigind. Welche ein lust
zü läsen vnnnd zü der musick oder singen hat/
findt cerlichers nützers vnd schönens zeläsen
vnd zefingen. Man hat yetzund allenthalt
die Psalmen / züchtige vnnnd liepliche lieder
getruckt. Man hat schöne historien der iij.
Euangelisten vnd geschichten der apostlen/
ouch sunst erbare geschichten/ darzü Catechis-
mos vnd vil ander lieplicher güter vñ nutz-
licher büchern/ daruß sich ein frome tochter
wol erbesseren/vñ mithinzü ouch jr kurtz wyl
haben mag. Das üppig arg vnnnd bößhafte
Bedarff vnnnd sol niemants mit traffenlichem
studieren vnnnd läsen lernen/es wachst sunst
in vnd mit vns mee des vnradts vf/dañ güt
sye. Mee söllend wir studieren singen vnnnd
läsen/das wir vnser fleisch dem geist vnder-
werffen mögind.

Demnach söllend die mütern ire töchtern Die wyber
werck lernē
wyter vnderrichte / wie jnen Paulus an Ti-
tium am 2. cap. gebotten hat/ Das sy ire man
vnnnd kinder lieb habind/ das sy vernünfftig
vnd witzig syend/rein vñ luter/hußlich/ vnd
die des huses wol wartind / gütig/ vnd iren
männern gehorsam 2c. Zü sölichem leere man
sy spinnen/näyen/wäben/würcken/ vnd an-
dere derglyche wyberwerck/wie daoben von

Der hußhaltung gemeldet ist. Vnnd hie sol
sich kein redliche tochter oder jungfrow des
werchs oder wullen Beschämē/wie edel/rych/
vnd schön sy joch sye. Dan die aller herrlichis-
sten wyber by den Heiden Römern vnnnd
Griechen/habend das obust lob vō der wul-
len vnnnd dem werch / das ist von der wyber
arbeit erlangt vnd gebracht. So spricht So-
lomon in dem lob der fromen redlichen huß-
müter/also/Proverb. am letzten capitel/ Der
ein from̄ biderb wyb überkumpt/ der hat ein
kostlichen schatz vnd wārd. Dann jr Keman̄
mag jren sicher vertrauwen/es wirdt jm ouch
an haab vñ gūt nüt abgon. Sin nutz wirdt
sy jm fürderen jr läbenlang/vñ schaden wenz-
den. Wullen vnd werch wirt sy überkūmen/
vnd wercken mit jren henden was sy gūt be-
dunckt. Sy ist einem schiff glych dz kostliche
whar bringt/ von fernuß wirdt sy jr narung
überkūmen. Sy leit jr hand an die künckel/
vnnnd trāyt mit jrem Balen die spindel:c. Ja
dz gantz capitel bschrybt ein arbeitsam wyb.
Das läse ein yetliche selbs/so wirdt sy finden
wie sy die arbeit vñ mit das müßig gon eeret.

Hußhal-
tung.

Wyter vnnnd hiemit lerne din tochter was
zū rächter hußhaltung / zū rächtem hußrade
vnnnd was zur nocturfft im huß notwendig/
was ein überfluß sye: wie ouch ob gemelt ist:
item wie vñ warzū man yetlichs vnder dem
hußge

247
hußgeschirr bruche. Lerne ouch mit den kind-
den/by jro jungen gschwüsterigen vmb gon/
vnd radtsame die selben/damit weñ jro Gott
hernach ouch kinder gibt/ das sy mit jnen
vmb gon könne. Lerne die kuche versähen/
kuche daheim jren elteren vñ dem hußuolck.
Dauß erkunne sy die wyß vnd den louff des
merckts. Ja es ist fast nützlich vñ güt dz ein
eerenmanñ sin tochter nit vermächle/ ee dan er
jren sin eigen huß vñ hußhaltung mit kouf-
fen/kochen/ vñnd aller radtsame/ ein jar oder
zwey zü regieren vñnd verwalten besolhen
habe. Vñ du tochter bedarffst dich sömlicher
arbeit nit zebeschämen. Dann es stat dir vil
Baß an/wenn dine hend ruch von der arbeit
sind/ dann weñ sy von ringen starrend/ oder
mit suberen wyssen händschlinen hoslich bes-
deckt werdēd. Zerlicher ist es dir man finde
dich ob der kuncflen/ ob dem näyen/ oder in
der kuche/ dapffer vñnd frütig an der arbeit
stan/ dan am tanz herumb hupffen/oder vff
der gassen äben vß gestrichen/semper/vmher
schlirplen. Es gebuist vilen redlichē töchtern
weder am vermögen noch könnē/ weder am
willen noch an der vernunft: sunder da ist
allein aller priß vnd mangel/das sy von mü-
tern zeuil zart vnd sanfft vferzogen/vñ des-
halb nüt gebucht oder geübt werdend. Vnd
ist aber in der hußhaltung/ja in allen dingen/

Der Bruch vnd die Übung das aller best vnnnd
notwendigist. Wen̄ aber die eltern Befindēd
das jr tochter einem Biderman hußhabē kan
vñ mag/ouch zū jren jarē kumen ist/vnd huß
zehaben begärt/so söllend sy die eltern wol
vnnnd zytlich (wie ouch vor von den Knaben
gemeldet ist) versähen/damit jnen nit etwas
vnfals Begegne.

Vñ hiemit sind wir schon dahin kumen/dz
man die frucht d'Le/dz ist die Kinder/ yetzū
ouch in die Le/versorget. Darum̄ ist dz end
diß Büchs zum anfang kumen/vnd der ring
gantz worden. Gott habe lob in ewigkeit.

Von der Geschidung.

Cap XXV.

S Je sölt ich ouch etwas von
der Geschidung sagen / diewyl sy
ouch vnder den tittel der Le ge-
hört/ouch zū gutem vnnnd heil der
menschē nachglassen ist/wo nit andere Chri-
liche geleerte lüt vorhin gnügsam daruon ge-
schubē hettend/darzü die Schidung mee für
die richter/dann für Besondere einspännige
personē (denen ich hie zū dienst schryb) horte.
Doch wil ich zū gutem d' sach dise kurze an-
zeigung thün.

Geschidung
ein artznp.

Zum ersten ist die Geschidung zū gutem
vnd zū einer artzny dem menschen / ouch zū
Besserung des Westands/von Gott nachge-
lassen.

lassen. Wie aber allerley gschlächht der artzny/
vnd insonders etliche gantz grusame vñ die
dem todt nachziehend funden werdend / als
glider abschnyden ꝛc. also ist die Beschidung
wol ein artzny / aber ein gfaarliche vñ jämer-
liche artzny. Ob nun glychwol artzet funden
werdend / die mit dem abschnyden der gly-
dern glück vnd gnad von Gott habend / hüt
sich doch vnser yetlicher dz er der artzny vnd
des glücks nit bedörff. Also söllē Christliche
Wemenschen alle anlaß der Beschidung zum
flüssigisten vergoumen / vñ wüssen das sy
pynliche vñ jämerliche artzny versuchē müs-
send / weñ sy sich d Beschidung tröstē wöllē.

Sum andern sol niemants vermeinen im
gebüren sinen Legmabel vmb yetlicher vrsach-
en willen von im zü stoossen. Dañ als die
Phariseer vnsern Herē fragtē ob sich ouch
gebürte das ein mañ sin wyb von im stiesse/
vmb einer yetlichē vrsachē willen? Antwur-
tet er / Nein: vñ sagt wyter / Wār sich von sin
wyb scheidet (es sye dañ vmb der hūry wille)
vñ nimpt zü der Ke ein andere / der bücht die
Ke / ꝛc. Derglychen redt er ouch Matth. 5.
So spricht ouch Paulus / Den Kelütē gebüt
nit ich sunder der Herē / das das wyb sich nit
scheide von dem mañ / so sy sich aber scheidet /
das sy kein anderen mañ nēme / oder sich mit
dem mañ versüne. Dēsglych sol der mañ ge

219
Mit vmb
yetlicher vrs
sachen wil
len scheidē.

gen de wyb ouch thun. Darum hat es glatt
nit die rächnung wie etlich vermeinend/wen
sy vmb hußlicher vnd sunst allerley vrsachen
willē mit jren eegmächlen vneins werdend/
das man sy grad scheidē solle. Hie sollend sy
vil mee lügē das sy widerum̄ eins werdind/
vnd sind sy von einandren gelouffen/ das sy
widerumb zūsamen gangind.

Niemants
scheide sich
eigens ge-
walts.

Zum dritten/wen sy dan̄ glych vermeinēd
gebürlich vnn̄d rächtmässig vrsachen zu der
schydung haben/ sollend sy dennoch in jren
eigenen sachen nit richter syn/ vnd eigens ge-
walts hie ützid fürneimen: sunder lassind jre
sachen für jre ordenliche richter kumen. Dan̄
kein rächt last dir zu/das du hie eigens gfal-
lens handlist was dich güt bedunckt.

Die richter
mögend
scheiden.

Zum vierdten/ sollend die richter ouch nit
ylends vnn̄d von stundan die Wen scheiden/
sunder alle mittel der vereinigung versuchē/
vnd diewyl hoffnung der besserung vn̄ ver-
einigung ist/die schydung vffziehen. Herwi-
derum̄ merckt jr bescheidēheit ouch das wol/
das wo rächtmässig vrsachen der schidung
sind/ das sy dem vnschuldigen vn̄ bewaltig-
ten keinen strick legē/ vnd dem lasterhaftten
sinen mütwillen nit nachlassen sollend.

Vrsach der
schidung.

Zum fünffte/welchs aber ein rächtmässige
vrsach d̄ Reschidung sye/hat vnser Herz Jes-
sus im̄ Euangelio gemeldet / vnd die Bürg
oder

251
od den Ebruch benamset. Mit welchem er
vngewyßlet glychs vnd größers nit abge-
strickt/ sund' ouch verstandē vnd yngeschlossen
hat. Dan' ouch der heilig apostel Paulus
den vnglauben laßt ein vrsach der schidung
syn. 1. Cor. 7. cap. So weist mengklich dz die
E zum teil yngesetzt ist hūry zū vermyden:
wenn nun eintwāders in der E verharrlich
vnuermügenlich eelicher werckē halb/ist/fan
dennocht mengklich verston dz es ein grosser
vnbill wāre/das ander mit gwalt/das ist mit
sömlicher vnkömlicher E/zur hūry tringen.
Es habend ouch die Christgläubigē fromen
Keiser/die heiligē Cōstantinus/Theodosius/
Valentinus/Anastasius vnnnd Justinianus
glychs dem ebruch oder größers/als mord/
vergābē/vñ derglychē/bestumpt rēchtmässig
vrsachen zū d' schidūg syn / wie sich dz erfindt
in Cod. lib. 5. tit. 17. de repudijs 2c. So fan ein
yetlicher vernünfftiger mēsch wol gedenckē/
das Gott die E vfgesetzt hab zū eeren vnd
gütem dem menschē/vnd nit zū schandē vnd
sinem verderben. Darumb die/die in keinen
stücken den geträngten Lemenschen zū hilff
kūmen vnnnd die E schidung überein in kein
wyß noch wāg zūlassen wöllēd / thūnd grad
wie die phariseer die von wāgē des gebotts
vom Sabbath dem büchstabē nach die mens-
chen zū grund vnd zū schandē gon liessend.

Das vn-
schuldige
mag sich
nach der
schidung
wider mit
dē Ge ver-
sehen.

Zum sechsten habend die Bapffler die Le
nach der schidung ouch dē vnschuldigen wy
ter zebrechē versagt vnd abgestriekt: welchs
doch anders nüt gewäsen ist / dann ein strickt
armen lüten mit gwalt an halß werffen/vnd
zü schanden vnd sünden ziehen. Dañ die ge
scheidnen habend sich nit enthalten mögen/
so hat man inen die Le ouch nit wöllen erlou
ben/darum sind sy mit gwalt zur hury genö
tet. S. Paulus aber sagt anders/namlich/
Besser sye es zur Le gryffen/ dann gebrennt
werden: vnd die Le sye von Gott vfgesetzt
die hury zü vermyden. Der person halb die
schuld an der schidung treit/ist benamen nüt
im wort Gottes vßgetruckt/wie mā sich mit
der selben haltē sölle. Das ist aber die vrsach/
das der Lebruch am läben gestraafft ward.
Da bedorfft es dañ nit vil disputierens von
des schuldigen Le. Hierumb das etlich sprä
chēd S. Paulus rede/Das wyb ist hafft mit
der Le/ diewyl jr māñ läbt/wenn der mann
aber stirbt/dēñ ist sy fry/ das sy sich vermäch
len mag welchem sy wil/allein dz es geschäch
in dem Herren: irrt vnser fürnemmen nüt/
dann das der Lebrächisch māñ noch läbt / ist
wider das gebott Gottes/ das in schon zum
todt verurteilt hat/darumb der gläubig den
übelthäter in sömlichem faal nit anders dañ
todt rächnēt/ ob er schon durch liederliche vnd
nachlassen

223
nachlassen der wält läbt. Sömliche lieder
liche sol billich dem vnschuldigen sin fryheit
vnnnd rächt nit abstricken / so es sich ye nit wil
versünen vnd begütigenlassen.

So vil hab ich in einem für gan zum aller
fürzisten von der Beschidung sagen wöllen.
Verman aber hieby alle gläubigen Lemen
schen sich Christlich fründtlich vnd wol mit
einandren zebetrage vnd zeläben das sy der
schidung nützig bedö:ffind. Darum söllend
sy ouch Gott von hertze anruffen das er sich
iren erbarme/vnd gnad jnen vñ allen Christ
lichen eemenschen rächt vnnnd tugentlich mit
einandren zeläben verlyhe. Amen.

¶ am letzten blat liß/


Das jm mit der maasß gemässen wurde/ mit
deren er ander lüten gemässen (so er anders
sin Le gebrochen) hette/ als aber nit gethon.


Getruckt zu Zürich by
Christoffel Froschouer.
M. D. XL.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.





Zentralbibliothek Zürich



ZM01525009

